



# ALLOCVTIO

Ad animas quæ Dominum Iesum  
Crucifixum, ac vulneratum di-  
ligunt, & recogitant.

§. I.

*Quàm utile sit passionem, atque vulnera  
Domini meditari.*



Nimæ, quæ vulneratum  
ac crucifixum Salvato-  
rem diligitis & recogita-  
tis, ô quàm paucae estis!  
Quàm raro homo Do-  
minicæ Passioni, & sa-

cris Iesu Christi vulneribus recolendis  
intendit animum! cùm tamen nihil  
Deo gratius, sibi nihil utilius præstare  
possit.

Ad utilitatem quod attinet, eam in-  
dicat S. Bernardus cùm exclamans: *Serm. 61.*  
*Quanta, inquit, in vulneribus Domini mei Ie. in Cant.*  
*su multitudo dulcedinis, plenitudo gratiæ, perfe-*  
*ctioq; virtutum!* Quod ipsum Salvator

*Exoni A. Vigenas* fan-

Lib. I. Re-  
vel. 6. 24.

sanctam Mechtildem docuit : volebat enim , ut in meditatione quotidiana, crebrò in sanctissima sua vulnera se reciperet, monebatque ut in pedum vulneribus , affectus suos omnes collocaret, in quibus expurgarentur ; deponeret in vulnere dexteræ manus , opera sua, in quo perficerentur ; in vulnere sinistræ manus , afflictiones, & tribulationes suas, unde levamen, ac solatium acciperent ; in vulnere autem lateris sui, cor atque amorem suum, ut juncta, inquebat Dominus , cordi, & amori meo unum fiant, uti candens in igne ferrum, unum idemque cum igne videtur esse. Hunc profert fructum passionis , ac sacrorum Domini vulnerum assidua meditatio.

Did. Mart.  
Invita  
S. Jac. l. 2.  
c. 12.

Rectè hoc etiam intellexit S. Rodericus Conimbricensis in Lusitania Episcopus. Delegerat is sibi pro gentilitio stemmate sanguineam Crucem, è cujus dextero brachio speculum, sinistro circum suspenderat, ut hoc signo indicaret in patiente Salvatore, ac crucifixo virtutes omnes conspici, iisque  
con-



continuâ , atque attentâ meditatione,  
veluti circino, vitam nostram, ac mores  
admetiendos esse. Sit ergo, ait S. Bona-  
ventura, regula vivendi, passio Salvatoris, &  
tantò amplius in hoc consolemur, quantò amplius  
Christo conformamur, & tantò amplius desole-  
mur, quantò ab hoc exemplari, ac regula amplius  
elongamur.

P. 1. Simp.  
c. 4.

In eandem sententiam non minùs  
sapienter, quàm piè venerabilis Pater  
D. Ludovicus Blosius Monasterii Læ-  
tensis, Ordinis sancti Benedicti in  
Hannonia Abbas. Nullus omnino, inquit,  
potest aliquid de Domini passione humiliter lege-  
re, vel cogitare ( licet modico fortè affectu id fa-  
ciat ) quin eximium salutis fructum inde referat.  
Quemadmodum fieri nequit, ut qui opobalsamum  
summis digitis contingit, non habeat opobalsami  
liquorem, atque odore perfusos. Etiam si imago  
Crucifixi Iesu piè inspicitur tantum, non erit ina-  
nis hæc inspectio.

In institut.  
Spir. c. 6.

Igitur Dei servus, pergit Blosius, præcla-  
ram crucifixæ humanitatis Christi imaginem in  
animæ suæ vires, corporisq; sui sensus imprimat.  
Hæc enim eum tandem, in superessentialem, ac  
formæ nesciam imaginem, in æternum, inquam,



verbum, ac sapientiam Patris, in altissimam Christi divinitatem mirabiliter sustollet. Nam humanitas dulcissimi Iesu ruta via, ipsissimaq; janua est perveniendi ad ejus divinitatem. Frustra planè quis adspirat ad mysticam, germanamq; contemplationem, si se exercere non vult in meditatione passionis Domini, ac vera humilitate. Nam nisi illam pro fundamento habeat, quò per contemplationem altius ascendere pertentaverit, eò profundius corruet. Sanè, etiamsi lumine gratiae copiosè perfusus nonnumquam extra suum naturale lumen rapiatur, atque in divitiis Dei absorptus sese in ipso lumine gratiae feliciter perdat, dum tamen sibi restituitur, convenientissimè cordis intuitum ad Iesum crucifixum revocabit, huic amabili fundamento semper inherens. Haëtenus Blosius.

Lib. 21.

Mor. c. 20.

¶ 21.

Ita & D. Gregorius ait, S. Paulum, nobilem illam Iobi aquilam, in arduis posuisse nidum suum, & ad tertii coeli secreta volatu suo ascendisse, inde tamen contemplatum escam, patientem scilicet, crucifixum ac vulneratum Salvatorem, relictâ supernæ Majestatis gloriâ, descendisse, ac sibi, & pullis, hoc est auditoribus suis, Dominicum Sanguinem

guinem lambendum proposuisse, & post audita arcana verba, quæ non licet 2. Cor. 12. homini loqui, haustamque coelestem sapientiam, judicasse non scire se quidpiam inter suos, nisi Iesum Christum, & 1. Cor. 2. hunc crucifixum, ut à throno divinæ Majestatis sibi redditus, lætiùs in Cruce Domini videatur conquiescere, quod in hac omnis perfectionis esset consummatio.

Ita in arduis posuerat nidum suum ille eremi cultor; sed ad lambendum Domini Sanguinem non descendebat, qui orationi non parum addictus, post eam in silvæ suæ abdita penetrans, ac cum Deo agens, crudis herbarum radicibus victitabat, & fonte levabat sitim, quem conspicuus Angelus monuit, communem ut vitam sectaretur, neque supra sui similes saperet, sed in cellulâ suâ se continens, Domini Iesu passionem, ejusque mortem acerbissimam quotidie meditaretur. Id quod sedulò, magnaque pietate deinceps præstitit: atque ita qui in arduis contemplationis nidum suum posuerat, ad lamben-

*Anonymus  
in tract. d.  
Pass. Dom.*



dum Dominicum Sanguinem, insigni virtutum profectu, descendit.

§. II.

*Quàm grata Deo sit Dominicæ Passionis recordatio, ac meditatio.*

**V**Erùm instituti mei non est utilitates omnes, quas adfert meditatio Dominicæ passionis, enumerare, obiter ostendendum hîc censui, quàm illa Deo grata, accepta quæ sit. In primis Dominum Iesum toties de sua passione, tam quæ apertè, uti Euangelistæ referunt egisse, etiam postquam redivivus surrexit, argumentum est magnopere illi placiturum, si crebrò eandem piâ attentione recogitemus. An potuerunt Dei oculi imaginem ullam jucundiores conspicere quàm Iesum crucifixum, flagellorum, spinarum, clavorum, lanceæ, scelerum denique nostrorum veluti penicillo depictum in Calvariæ monte, cœlo, terræ quæ expositum? Certè iisdem Dei oculis nulla species gratior exhiberi potest, quàm Iesus

Matth. 16.

7.28.

Luc. 8.

9.



Iesus idem patiens, seriâ ac devotâ meditatione in animis nostris, ad exemplar, quod nobis in monte monstratum est, formatus atque repræsentatus.

Refert Ælianus, Theridate vitâ fun- *Hist. var.*  
cto Artaxerxem, cui is præ reliquis au- *l. 12. c. 1.*  
læ suæ Principibus charus erat, vehementem animo dolorem concepisse; quem ut leniret, à conjuge Regina impensè petiisse, ut quando accepta sibi venire cuperet, Theridatis vestibibus accederet induta; ut cum aliter non posset, sic saltem sub imagine, quem morte sibi ereptum lugebat, videretur intueri; quod Aspatia, ita uxor vocabatur, levando, recreandoque Regis animo fecit non illibenter, perinde ac si revixisset Theridates, in togis ejus purpureis, aureisque tiaris, coram Artaxerxe identidem comparens.

Tale quid nobis suadere videtur Apostolus, si coram divina illa Majestate gratiosi voluerimus comparere, cum monet, *ut induamus Dominum Iesum Christum,* *Rom. c. 13*  
hoc est, Sanguineam ejus togam, *v. 14.*  
quique, totque aliis vulneribus, quasi

Prov.  
Rom. 21.  
Feb.

sal. 44.  
15.

Neuf.  
le vanit.  
jeff.

totidem pretiosissimis gemmis distinctam, quâ ipse indutus apparet oculis Dei pro nobis. Et nos, si eâdem induti comparuerimus, non feremus repulsam. Hac veste videor mihi videre ornatum, ac fulgentem Agnetem, sanctam illam atque ætate sua maiorem, tredecim annorum virgunculam & Martyrem: quando enim à sponso suo Domino Iesu gloriatur se inæstimabilibus margaritis, & cyclade auro textâ, ac vestimento salutis donatam, & indutam esse, non aliud videtur dicere, quàm ut aiebat, Domini Sanguinem ornasse genas suas, ita se eodem Sanguine, quasi purpureâ togâ, atque cyclade texta divini amoris auro, sacris Domini vulneribus, tot veluti inæstimabilibus margaritis conspersâ, vestitam, in qua, ex sensu Prophetæ Regii, castissimæ, ac sanctissimæ Martyris omnis gloria ab intus erat.

Vtile simul ac jucundum fore lectori confido, si argumentum hoc paullò fusiùs prosequar. In Gallia vidua erat nobilis cui binæ erant filiæ, quarum natu minor gratiosior quidem erat, sed  
vani.

vanitati impensius dedita. Major verò pia magis ac modestior, & Deo erat addictior. Hæc speculo suo, patientis Salvatoris pictam tabellam quotidie jungebat; memor ejus, quod apud venerabilem, ac religiosissimum Patrem D. Drogonem Abbatem Laudunensem, postmodum S. R. E. Cardinalem, atque Ostiensem Episcopum legimus: *Fecisti, inquit ille, Domine Iesu, de Corpore tuo flagellis conciso, spinis coronato, Cruci affixo, speculum animarum nostrarum, quod virgo illa se comens, unà cum speculo suo intuebarur, ne dum pro conditione generis sui omnem seculi ornatum negligere non posset, conspecto patiente, ac sanguine madente Salvatore, ita se componeret, ne vanitate aliqua ejus à se averteret benignos oculos. Interim, nocte quadam, per quietem visa sibi est mater videre filiam utramque; annis minorem in vanitate sua monstro similem, alteram Angeli instar speciosam. quippe innocens illa anima, qualibus S. Agnes margaritis, sacris, inquam, Domini vulneribus ornata, ejusque pre-*

*De Sacram.**Dom. Pass*



tioso Sanguine , velut cyclade auro  
textâ induta, decorem suum ac pulchri-  
tudinem in vultum, corpusque trans-  
mittebat.

*Lib. I. de  
comp. vir.  
.3. n. 9.*

Non dissimile est, quod apud P. Ioan-  
nem Rhò nostrum lego. Florentiæ  
puella vixit mundi mancipium , magis  
in dies occupata ut corpus ad vanita-  
tem , quàm ut animam ad æternitatem  
componeret. Id cùm observasset Hip-  
polytus Galantinus magnæ virtutis at-  
que zeli Sacerdos, qui ex adverso habi-  
tabat , & cum magno doloris sensu ob-  
servabat, quot illa bonas horas in dies  
absumeret, dum ad speculum fenestræ  
appensum molitur , & comitur , ut se  
aliosque secum perderet, infelicem va-  
nissimæ puellæ sortem miseratus , ut  
eam in viam reduceret, cubiculi etiam  
sui fenestras omnes aperit , ac per illud  
studiosè inambulans crinem pectit, ve-  
stes componit , & quasi in speculum  
aliquod intueretur , illud identidem  
consulit. Quod illa ubi curiosius obser-  
vat, mirata viri, vulgo sancti, levitatem,  
non sine impudenti cachinno ; Heus,  
in-

inquit, Domine Hippolyte, tuum speculum, ut me in hoc contempler, quàm concinnè compta sim. Tum Hippolytus opportunitatem, quam diu optaverat, nactus, vultu ad commiserationem, pietatemque composito, novi generis speculum ingenioso ac sancto commento, Christi Domini scilicet flagellis concisi, spinis coronati, ac sanguine fluentis tabellam eleganter depictam illi obiicit; quo illa perculsa spectaculo, atque in hac, velut in divina crystallo, conspiciata turpitudinem, atque vanitatem suam, mundo nuncium remittit, vitæque religiosæ se consecravit, tantò studiosius, ex monito Apostoli, induens Dominum Iesum Christum, animamque suam ad speculi sibi ab Hippolyto donati formam componens, quantò ante corpus ad omnem vanitatem composuerat curiosius. O quàm ad prototypum suum Crucifixum, animæ huiusmodi, veste Christi patientis adornatæ, gratum acceptumque spectaculum fiunt Deo, Angelis, & hominibus!

Hor-

*P. I. Stim.*  
*cap. 7.* Horreo referre, quod apud S. Bonaventuram tam pium, atque suavem S. E. Doctorem lego: Non se reputet, inquit, quis hominem, sed bestiam, & plus quam bestiam, nisi sit vestitus Domini passione, quâ Apostolus Romanos vestitos cupit, *Rom. c. 13.* cum ad illos scribens, ait: *v. 14.* Induimini Dominum Iesum Christum, crucifixum scilicet, ac pro vobis vulneratum: observaverat enim Apostolus à Romanis indui Neronem Cæsarem, uti ait Ambrosius, togis suis ac paludamentis intertextum. Volebat itaque illos in animis, patiente Iesu vestiri, qui in corporibus Nerone triumphante vestiebantur.

*In tract.*  
*de vita*  
*solis.*

Sed quàm rari sunt, qui hoc perpendunt, & intelligunt. Semel, per anni decursum, concionatorem audimus de Passione Domini verba facientem, & dictorum protinus obliviscimur. Hæreat animis, quod Bernardus nos monet; Eum scilicet, qui sensum Christi habet, sat scire, quantum Christianæ pietati expediat, quantum Dei servum, & servum Redemptoris deceat, unâ saltem aliquâ diei horâ passionis ipsius attentè recolere beneficia; cum Dominus ipse Iesus



ut pluribus vir ille sanctus persequitur, qua nocte tradebatur ad hanc nobis commedandam memoriam, augustissimum sacratissimi Corporis, & Sanguinis sui Sacramentum instituerit tantum inexplicabilis ejus erga nos amoris monumentum. Vt cum hujusmodi monitorem habeamus, non nili summâ incuriâ, atque ingrati animi significatione, passionis ejus ac mortis pro salute nostra toleratæ obliviscamur.

Hanc passi Christi memoriam exemplo suo nos docuit Deipara, quæ ita affata B. Birgittam; *Omni, inquit, tempore* *Lib. 6. Re. vol. 6. 65.* *quo post ascensionem Filii mei vixi, visitavi loca, in quibus ipse passus est, & passio ejus in corde meo semper erat, sive comederem, sive biberem, sive quid aliud agerem.* Exemplo suo Mater, ac Magistra præivit, ut doceret nihil nobis utilius, nihil Deo gratius, continuâ passionis dilecti Filii sui in nobis memoriâ. Quam ne unquam deponamus D. Paulus hortatur, non ut cogitemus solum, *Heb. 12. v. 3.* *sed recogitemus eum qui talem sustinuit à peccatoribus adversum semetipsum contradictionem, & fructum addit,*

*ut ne fatigemur animis nostris : nondum enim usque ad sanguinem restitimus adversus peccatum depugnantes.*

*In vita  
ejus.*

Monentem Apostolum audivit B. Catharina Bononiensis è divæ Claræ familiâ , quæ diu multumque cupida , ut internos Christi Iesu, atque ejus externos dolores , quos animo , & corpore erat perpeßus, mente cernere, ac comprehendere posset, die quodam Veneris sancto , cùm in eo desiderio ante crucifixum suum ( cum quo illi creber erat sermo ) orationi & meditationi esset intenta , significavit illi Salvator, hanc ejus pietatem admodum sibi placere, quâ se quotidie in meditanda sua passione occupabat, atque, ut alii piam hanc consuetudinem allumerent, laborabat. Deinde illi aperuit ipso temporis momento , quo à sanctissima Virgine Matre sua fuit conceptus , cor sibi animumque immensis , innumerabilibusque doloribus, & angustiiis oppressum fuisse, quod jam inde prospiceret, ac præsentiret quidquid laborum ac suppliciorum, toto trium, ac triginta anno-

annorum decursu , perpeffurus effet; fatebatur tamen tormento nullo majori fuiffe fe affectum , quàm dum inexplicabilis hominum ingratitude ipfi obverfaretur , qui acerbam adeò ejus paffionem , ac mortem negligerent , & sanguinem Filii Dei peccatis fuis conculcarent : falutis , quam ipsis adferebat , & offerebat , nimis immemores.

Graves autem , ajebat Dominus , mihi erant omnes dies Mercurii ; quia in horum postremo Iudas quem orbis Apostolum , ac Doctorem elegeram , hostibus mihi infensiffimis , triginta me argenteis erat venditurus ; ac deinde proditurus , quo scelere ipse sibi miferandam mortem , Ierofolymæ excidium , Iudæorum genti univerfæ à Patre electæ ruinam parabat , quæ omnia vehementer me affligebant. Sed dies Veneris erant mihi dum vixi præ animi angustiiis , continuum cum morte certamen , cùm supplicia , quæ in eorum ultimo subiturus eram , fingula totâ fuâ atrocitate , mihi obverfarentur. Inter hæc ingenti mihi dolori erat Matris  
meæ

meæ innocentissimæ, mihiq̃ue carissimæ immensa tristitia, quâ, mei causâ, affligenda erat. Quasi & nondum natus, & infans, & puer, & adolescens, & juvenis, & vir, hoc est, omni ætatis suæ parte supplicia, passionem, crucem ac mortem subiret, ut omni hominum ætati saluti esset, illiq̃; saltem in adulta sua ætate recordarentur paupertatis & transgressionis illius, ab synthii & fellis: & in doloribus ejus anima eorum colliquesceret.

*Thren. 3.  
.19.*

Tibi ergo (pergebat in virginis alloquio Christus) Catharina, ut majorem quàm ante hac à me ineas gratiam, non dies elabatur, quò non, uti cœpisti, animam ad passionem meam convertas; aliosq̃ue, ut idem præstent, cohortare, si mihi rem gratam, sibiq̃ue jucundam, & utilem facere velint.

*Thurinus in  
vita ejus.*

Idem ab ipso Salvatore edoctus fuit S. Edmundus Cantuariensis in Anglia Archiepiscopus. Cùm enim is adolescens Oxfordiæ litteris daret operam, urbe, dum vacaret, egresso viæ comitem se junxit, ut mox patuit Dominus Iesus, liberali juvenis honorati specie,  
piis



piis colloquiis Edmundum detinens, ac recreans, illique suadens, si de infernali hoste victoriam reportare, si in omni virtutum genere progredi, ac beatâ morte vitam claudere; si Deum, ac Salvatorem suum sibi benevolum cupe-  
ret, nullo non die, partem aliquam de ejus passione meditaretur. In qua cum primum locum obtineant sacratissima Domini vulnera, nihil sanè Deo illi-  
que gratius potest accidere, quàm ut ea novæ hujus coronæ usu, aliisque pie-  
tatis exercitiis veneremur.

Appositè sanè ad rem nostram Lu-  
dovicus Blosius; Meritò singulares Dei ami- *Infir. Spir.*  
cos etiam sanguineis lacrymis deflectere debere, quòd *c. 6.*  
hodie, in toto terrarum orbe, ita præcellentissima  
Christi vulnera in oblivionem abierint. Nam si  
redivivus Salvator illa in corpore suo  
glorioso servata voluit, cæloque inve-  
xit, ut his veluti monitoribus æternum  
ille nostri esset memor, sanè æquissi-  
mum est, ut nulla dies eorumdem in  
animis nostris, dum exiguo hoc tem-  
pore vivimus, memoriam deleat, sed  
cum Propheta dicamus: Domine, nomen *Isa. c. 28.*  
B *uum,* *2. 8.*

tuum, Ieſu ſcilicet ſuaviſſimum, & memo-  
riale tuum vulnerum ſcilicet tuorum  
præcellentiſſimorum, in deſiderio, & gra-  
tiſſimâ animæ meæ eſſe debent recorda-  
tione. Quod pio & eleganti verſu mo-  
net ille c Societate noſtra ;

Sidronius  
de Hoſſche  
eleg. de

br vuln. Do-  
p. 1 mini.

Redde vicem meritis. quæris, quo munere poſſis?

Aut quid, qui gratum te cupit eſſe, velit ?

Non petit ut clavis ſcindi palmasque, manuſque,

Tempora nec ſpinis ut patiare fodi.

Non ut flagra tuos lacerent immaniter artus,

Perq̃ tuum ſtridens tranſeat haſta latus.

Hoc ſatis eſt illi, ſi tu, quæ vulnera pro te

Saucius ipſe gerit corpore, mente geras.

### §. III.

Studiosa virorum ſanctorum atque ſervo-  
rum Dei erga ſacra Domini vulnera  
pietas, & eorundem veneratio.

turi  
ita

**H**Anc memoriam, pietatem ac ve-  
nerationem ut frequentiore,  
atque celebriore redderet Innocen-  
tius VI. Pontifex Maximus, poſtulate  
Carolo Imperatore ejus nominis IV.  
feſtum

festum lanceæ, clavorum, ac quinque Domini Vulnerum, per Germaniam instituit, primo die Veneris post Dominicam in Albis, celebrandum. Quam religionem ac devotionem æmulatus est Illustrissimus ac Reverendissimus Princeps Ioannes Godefridus Episcopus primùm Bambergensis, deinde Herbipolensis; qui amico suo, in familiaris sermone, fassus est, à primis se annis semper dilexisse Salvatoris vulnera, sibiq; bene fuisse, quando illorum recordaretur: non bene dum obliuisceretur. Quare ad Ecclesiæ Bambergensis Episcopatum euectus, inter primas curas, hæc illi fuit, ut collapsum sacrorum quinque Domini Vulnerum festum ad pristinam majorum pietatem revocaret, ac pleno Ecclesiæ officio eum in finem conscribendo quotannis celebraret: quod officium ubi à Reverendissimo Hebronensi Episcopo Friderico Fornero, suo Bambergæ suffraganeo perfectum obtinuit, Romam ab Imperatore Matthia ad Paulum V. Pontificem Summum missus, post confecta commissa sibi à Cæsare

*Fred. Forn.  
in pref.  
Rosa Pentaph.*

negotia ; quod maximè illi cordi erat  
augustissimum sacrorum Vulnerum  
negotium cum sua sanctitate tractan-  
dum suscepit , ei que officium suo hor-  
tatu conscriptum obtulit , quod Pon-  
tificis mandato , ab Eminentissimo ac  
Reverendissimo S.R.E. Cardinali Bel-  
larmino examinatum , & probatum  
Sanctitas sua vivæ vocis oraculo ra-  
tum habuit; ac deinde à Gregorio XV.  
singulari diplomate fertur confirma-  
tum. Sed vitâ prius exceffit optimus  
Præsul quàm potuerit tam pia deside-  
ria complere. Successit illi in Episco-  
pato Bambergensi , & in pietatis erga  
sacratissima Domini vulnera affectu,  
Illustrissimus ac Reverendissimus Prin-  
ceps Ioannes Georgius, qui in suâ Bam-  
bergensi Ecclesiâ solemnî ritu offi-  
cium singulis diebus Veneris de pas-  
sione, & vulneribus Domini, perpetuis  
deinceps duraturum temporibus in-  
signi pietate restituit , decrevit que ut  
clavi, quo Christus cruci fuit fixus fra-  
gmentum, à sancto Henrico Imperato-  
re illi Ecclesiæ donatum ad publicam



venerationem exponeretur, ut sacro hoc pietatis invitamento omnium animos ad honoranda Christi Domini vulnera potentiùs instigare.

Nec minus acres stimulos animis subdit Innocentius VI. Pontifex maximus his verbis: *Quid, inquit, quinque Domini vulneribus sanctius? Quid plagis ejus salubrius? ex quibus salus nostra processit, ut omni pietate à Christiano populo colenda sint.*

*In Bulla  
de festo  
Lanceæ.*

Exemplum hujus pietatis illustre facit D. Bonaventura S.R.E. Cardinalis, qui sacra Domini vulnera quantopere habuerit in deliciis videbimus sæpius. Ita ipse modò ingeniosa & eloquenti devotione: *Domine, inquit, Iesu, pro me fecisti cælum & solem; lunam & stellas; ignem & aërem; aquam & terram; aves & pisces; bestias & reptilia; arbores & flores; herbas & olera; aurum & argentum; & lapides preciosos. Sed quis de manibus tuis quasi vit hæc? sine petitione, sine instantiâ hæc omnia nobis dedisti; & totâ die affligo animam meam, petendo ignominiosissimam mortem tuam, ut hanc comprehendam, huic compatiar, hanc imiter, huic conformer; & vix possum aliquam guttulam impetrare. Scias Domine*

*P. I. sim.  
cap. 15.*

Iesu, quia omnia visibilia mihi vilescunt, quæ universa tibi restituo; sed da mihi vulnera tua. Hæc super cælum habitant cor meum; super sidera refulgent, & illuminant intellectum meum; super terram stabiliunt voluntatem meam; super ignem accendunt affectum meum; super aërem fecundant sermonem meum; super aquam emolliunt animam meam. Hæc avibus, bestiis, ac piscibus utiliora, fructibus suaviora, arboribus ac floribus amœniora, aure, argento, lapide pretioso pretiosiora. Ita ad vulnera Domini anhelabat, ita ea venerabatur D. Bona Ventura.

In Mensis  
26. Dec.

Inauditum forte illud quod de sancto Constantino referunt. Hic natus Hebræus, vidit Christianum in flumen lapsum, crucis signo vitam servasse. Unde & ipse Christianam fidem complexus, ingenti Christi, crucisque amore exarsit. Impuræ puellæ crucis signo vitam ademit, mox restituit. In cruce illi vis omnis, ac pietas erat. In Cœnobium quoddam divino ductu cum venisset, conspiciens Salvatoris in cruce pendens effigiem, ejus pedibus humile osculum dedit: non ad manus, nedum ad

ad sacrum Domini latus ausus aspirare. Quæ animi demissio tantopere Salvatori probata fuit, ut revulsis à cruce manibus, Constantinum amplexaretur, & veluti devoti sibi servi frontem atque cor, crucis sigillo signaret.

Huic succedat Ludovicus Blosius, qui ait, *vel unicam humilem, atque amoroſam* *Instit. Spir. cap. 6.*  
conversionem ad dulcia vulnera Salvatoris, ipsi gratiorem esse, quàm sit omnis vocum, sonorumque musicorum harmonia, ac suavitas.

Narrat vir venerabilis Ludolphus *Vita Christi p. 2. cap. 18.*  
de Saxonia Carthusianus, Christum Dominum magno Dei servo sacris vulneribus suis luculenter insignitum apparuisse, ei que affirmasse, nullum sibi gratius obsequium ab hominibus exhiberi posse, quàm si sacratissima ejus vulnera semper in memoria foveant, ea que singulari aliquo pietatis exercitio venerentur.

Miranda magis, sed non imitanda *Barth. Fiden. in Flor. Eccles. Leod. 16. Jan.*  
fuit Petri conversi, Abbatix Villariensis in Brabantia Gallicana, erga vulnera Domini devotio. Manus ille sibi pedesque perforavit; latus verò aperuit



candenti ferro, & ne vulnus coiret, contextum è setis equinis funem in illud immisit, ut servus Domino suo quàm simillimus, Domini sui, quàm licet, vulnera, eorumque dolorem, nunquam non sentiret.

Excelsit etiam hac in pietate beatus Aloysius Gonzaga Societatis nostræ; de quo memorat Virgilius Ceparius, quòd cùm anno partæ salutis octogesimo primo supra millesimum quingentesimum unà cum parente Ferdinando Marchione Castilionensi in Hispaniam proficisceretur, & in maris littore deambulet, ac sanctissima quinque Christi Iesu vulnera contemplan, durissima quæque, pro Salvatoris sui obsequio, pati desideraret, inter arenas, & maris ejectamenta, lapillum invenerit, in quo quinque Domini vulnera affabrè sculpta, magna luce refulgebant, quem super aurum, & topazium, reliquo vitæ suæ decursu, dilexit, & asservavit.

Sebastianus Tuccius Societatis nostræ Sacerdos (quem morti proximum cum

cùm anno 1597. Clemens VIII. Pontifex Maximus singulari gratiâ invisisset, se virum sanctum vidisse dixit) nobis singulis peculiari aliquo cruciatu manus, pedes, ac latus ob sacrorum vulnerum Domini reverentiam, graviter affligere erat solitus.

Cœpi à Carolo Imperatore, finio in Paul. Bar. in an. Sac. devot. 12. ex Molano. p.1.c.8.  
Carolo Principe, Comite Flandriæ S. Canuti Daniæ Regis filio. Is tanto Patre digna soboles, singulis per annum diebus, ob venerationem cruentorum quinque Domini vulnerum, pauperes quinque vestiebat, càm mente ac desiderio, ut sanguine Domini insigniri & quasi vestiri mereretur. Quod ex voto suo consecutus est, dum justitiam atq; pauperes propugnans, à subditæ sibi urbis cive trucidatus, speciosius Martyrij, quàm dignitatis suæ purpurâ fulsit. Atque hæc est, ut alios prætermittam pietas sanctorum, atque servorum Dei, quâ sacra Domini vulnera venerati sunt.

## §. IV.

*Eadem pietas Sanctarum, & Servarum Dei.**Bar, ibid.*

**A**Gmen hoc sacrum ducet sancta Margareta è divi Dominici Parthenone, Belæ ac Mariæ Hungariæ Regum filia, quæ nunquam orationi vacabat, nisi proposito sibi ob oculos crucifixo : ab ea nunquam recedebat, nisi prius magno pietatis sensu, sacros Domini pedes, deinde manus, demum latus osculata fuisset; variis diebus (uti illam impellebat pietatis varietas) modò hoc, modò illud vulnus sibi domicilium eligens.

*Bar, ibid.*

**B.** Maria de Incarnatione Carmelitissa Discalceata, cellulâ suâ nunquam egrediebatur, nisi Domini Iesu vulneribus osculum prius dedisset : in illam regrediebatur nunquam, nisi iisdem osculum referret ; quâ suavissimâ consuetudine, magnos in amore Salvatoris sui, atque in omni virtute progressus fecit ; nullum cellulæ suæ ornamentum aliud cupiens, vel etiam parans,



rans, quàm Iesum suum, & hunc Crucifixum.

Venerabilis Maria de Arbouze, Val-  
lis-gratiæ Dei, in Galliis, Ordinis D. Be-  
nedicti Abbatissa, in colendis sacris  
Domini vulneribus piè admodum at-  
que humiliter sollicita, præ reliquis,  
pedum vulnera venerabatur, iisque  
crebra oscula figebat : Monita ut sese  
etiam, osculumque attolleret ad ma-  
nus, & latus Salvatoris sui, reponebat;  
peccatrices, inter quas se maximam  
censebat, non nisi ad pedes Iesu cum  
Magdalena debere advolvi.

Beata Agnes de Monte Politiano, è  
D. Claræ familiâ, omni die, opus suum  
omne in honorem Dominicæ passionis  
peragebat ; tantò autem pietatis sen-  
su, tantaque lacrymarum vi, sacrosan-  
cta Domini vulnera recolebat, ut eæ  
per genas, ob acrimoniam, sulcos du-  
cerent. Novem annorum adolescens-  
cula Monasterio se consecravir, in quo  
sæpiùs ad Crucifixi pedes, quod in  
templi oculo erat, ab Angelo deferri  
visa fuit, quos exosculata, ad Salvatoris  
latus

*Bar. ibid.*

*S. Iure in  
lib. Elect.  
ex ejus vè-  
ta.*

latus sese erigebat, illique labella admovebat, tantâ suavitate, ut è virgunculæ vultu appareret, cùm ab Angelo loco suo restitueretur, quanta è divino illo fonte solatia hausisset.

Beatrix erit nobis hac in pietate exemplum, non quod imitemur, sed admiremur. Vixit anno trecentesimo supra millesimum in Gallia, divi Brunonis alumna. Manus illa sibi perfoderat, ut vulnerato Domino, ea in parte conformis esset. Cùm autem vulnera hæc cicatricibus obducerentur, ea, singulis diebus Veneris, clavo ferreo aperiebat. Quam Beatricis devotionem tantoperè probavit Salvator, ut se illi vulneribus patentibus, & sanguine fluentibus spectandum exhibuerit, multisque gratiæ divinæ donis animam ejus cumulaverit. Sit nobis exemplo Beatrix, non ut manus, pedesque perforemus, sed si acerbum quid, adversumque patiendum nobis faciendumve contigerit, id omne in honorem sacratissimorum Domini Iesu vulnerum, æquis animis toleremus.

Atque

Theoph.

Raynau.

n S. Brun.

zone p. 10.

5.3.

161.

Atque hæc est (ut Gertrudes, Mech-  
tildes, aliasque non commemorem, de  
quibus alibi abundè ) Sanctarum, &  
servarum Dei pietas, quâ sacra Christi  
Iesu vulnera veneratæ sunt.

§. V.

*Modus suavis, & expeditus, quo & nos  
Domini vulnera venerari possumus.*

**S**alvator noster sanctæ Mechtildi  
aperuit, non minori se lætitiâ affici,  
dum quis vulnera sua honorat, quo- Lib. 4. grat  
spir. c. 25.  
cunque licet pietatis obsequio, quàm  
is, qui diu optatam, ac quæsitam rem  
tandem aliquando consequitur.

At quando commodiùs atque sua-  
viùs sacrorum Domini Iesu vulnerum  
recordabimur, eademque venerabi-  
mur, quàm dum, uti sanctus Cypria-  
nus ait, illa veluti tot ubera de cælo plena, Serm. de  
carn. Domi  
in sumptione corporis Domini, sugi-  
mus, & animam nostram pretioso Iesu sangui-  
ne purpuramus, in quo existit religiosa huius  
potus ebrietas, per quam excedimus Deo, &  
qua

qua retro sunt, obliti, ad anteriora extendimur.

Hom. 83.

in Matth.

Piè S. Chrysostomus ait, nos ut spiritus gratiam trahamus, eo desiderio, seu piâ auiditate, in communione sacra, debere adhærere vulneribus Domini, quæ ubera vocat poculi spiritualis, quâ matrum uberibus infantes inhærent.

Lib. de

Subst. di-

lect.

Suge ergo, suge anima mea, inquit Augustinus, inhære, adhære quasi apicula, sume, frue, immergere, replere, quia ille deficere nescit, si tu non incipis fastidire, si sempiternus est gustus, sempiterna quoque beatitudo erit. Suge, inquit Bernardus, non tam vulnera, quàm ubera Crucifixi, ipse erit tibi in matrem, tu eris illi in filium. In sacra itaque corporis, ac sanguinis Domini communione, vulnera ejus nobis tot ubera sint, ex quibus cum D. Chrysostomo spiritus gratiam, pietate atque auiditate omni, trahamus.

Ep. 351.

Fecit Dominus Iesus, uti scribit ille è Societate nostra, quod

Aloysius

uglaris

logio 86.

Bona Mater paritura subinde filios:

Ut qui à se vitam habent, abundantius habeant,

Multiplicat ubera sua.

ilog. 70.

Et alibi.

Vbi quasi parturiens exclamasset,

Quos



*Quos in lucem ediderat filios lactaturus*

*Mammillam cordis aperuit.*

Aliam nobis rationem colendi vulne- Hom. 3. in  
Cant.  
ra Domini, eorumque memoriam con-  
servandi, suggerit Origenes. Nam ubi  
anima sancta ait, *fulcite me floribus, stipate* Cant. 2:  
*me malis, quia amore langueo*: ipse cum LXX.  
Interpretibus legit, *Quia vulnerata chari-*  
*tatis ego sum*: quasi illa dicat: non aliam  
se velle charitatem, non aliam justiti-  
am, non aliam humilitatem, atque  
patientiam, non aliam obedientiam,  
non alium ergo bonum proximi ze-  
lum, non aliam misericordiam, non  
aliam virtutem, non aliam denique es-  
se se quam victimam, quæ in sacris Do-  
mini vulneribus tamquam totidem  
altaribus perpetuò dedicetur: ut vir-  
tus omnis, Origene teste, à nobis ad  
exemplum vulnerum Salvatoris exer-  
cita, perpetuam illorum memoriam ac  
cultum, in animis nostris conserve-  
atque augeat.

MODVS RECITANDI  
 CORONAM  
 SACRORVM QVINQVE  
 VVLNERVM  
 CHRISTI IESV.

Cant. 8.

*Pone me ut signaculum super cor tuum;  
 ut signaculum super brachium tuum.*

## OBSERVA.



Vinquies recitanda est oratio Dominica, in honorem Vulneris uniuscujusque, & unica Salutatio Angelica ad unumquodque numisma, ad honorem Matris afflictissimæ Filio condolentis, ut ab eo quod per sacra illius vulnera petimus, nobis clementer impetrare dignetur.

## PRIMO.

Itaque hæc legens ad *vulnus sacrum sinistri pedis*, pete cum vera pœnitundine  
 mise-

misericordem peccatorum tuorum  
condonationem.

SECUNDO.

*Ad dexteri pedis vulnus*, cum vero emendationis proposito, pete gratiam resistendi tentationibus, vitandi peccatorum pericula, & in virtutibus progrediendi.

TERCIO.

*Ad vulnus sinistrae manus*, pete salutarem timorem, & ab æterna damnatione liberationem.

QUARTO.

*Ad vulnus dexterae manus*, magnâ cum fiducia, pete, ut æternam beatitudinem consequi possis.

QUINTO.

*Ad vulnus lateris*, pete, ut in eo tibi habitare liceat, & obtinere sincerum IESV ac MARIAE amorem.

SEXTO.

*Ad tria reliqua grana*, in honorem trium clavorum, dic tertio:

*Eia Mater istud agas,*

*Crucifixi fige plagas*

*Cordi meo valide.*

C

SEPTI-

*Ad sacrum Domini Caput.*

*O bone Iesu exaudi me.*

*Intra vulnera tua absconde me.*

O C T A V O.

*Ad Crucem.*

*Gloria Patri, & Filio, & Spiritui sancto, sicut erat in principio, & nunc, & semper, & in secula seculorum, Amen.*

§. I.

*Quàm antiquus sit hujus coronæ usus.*

*Chron. PP.*

*Præd. p. 1.*

*l. 1. c. 61.*

**P**lissimum, simul ac religiosissimum coronæ hujus exercitium, (quavis non eâ methodo, quæ jam præscribitur) videtur fuisse observatum à beato Hermanno Ordinis sancti Domini Religioso; is cum sacris Domini vulneribus esset admodum deditus, diebus singulis illa crebrè flexis genibus venerabatur hâc Ecclesiæ usitatâ salutatione: *Adoramus te Christe, & benedicimus tibi, quia per Crucem tuam redemisti mundum; unicuique genu flexioni Dominicam*

*ora-*



orationem subjungens: quæ pietas Saluatori tantoperè accepta fuit, ut se Hermannò detectis vulneribus videntum exhibens, eum ad singula deosculanda benignè invitaverit, quod ipse summâ reverentiâ, atque devotione faciens, ex illis tantum hausit solationum, atque si cœlestem Beatorum dulcedinem jam degustaret. Vsq̃ue adeò suavis est usus salutandi vulnera illa sacrosancta.

Verùm diu ante Hermannum in usu fuit hæc erga sacra vulnera religio. Habet enim suum ab ipsa Deipara principium, uti testis est B. Ioanna Regis Galliæ filia, Annuntiatarum fundatrix. Consueverat illa clavis quinque argenteis iisq̃ue præacutis pectus excruciare, & unâ in honorem sacrorum Domini Iesu vulnerum orationem Dominicam quinquies recitare, quod se à sanctissima ac piissima Domini Matre dicebat edoctam, eamq̃ue fassam, se hac devotione quotidie filii vulnera veneratam fuisse.

*Barry in  
an. sac. de-  
vot. 12. p. 1.*

Emicuit & in hac pietate B. Mechtildis

lib. 4.

Grat. spir.

.25.

dis in Comitatu Mansfeldiæ, Ordinis sancti Benedicti Abbatissa. Filias suas religiosas pia mater hortari erat solita, ut pro affectu, quo in sacra vulnera Salvatoris ferebantur, in illorum honorem partitione in singulas factâ, quinque mille orationes Dominicas, & totidem salutationes Angelicas simul omnes recitarent. Quæ devotio Salvatori ita placuit, ut Mechtildi extensis brachiis, & patentibus vulneribus apparens dixerit, Patrem suum horum affectu placari, seque cum quinque tantum oratio Dominica, & salutatio Angelica in illorum venerationem recitatur, mirum in modum recreari.

## §. II.

*Quàm gratus Salvatori sit hujus Coronæ  
usus.*

**N**on potest itaque non gratissimus accidere Salvatori novæ hujus Coronæ usus, à quo quæ non beneficia sperabimus, quando eandem percurrendo

rendo toties illi sacra vulnera, piis considerationibus, veluti balsamo condita, repræsentamus. Nam quemadmodum Regi, qui ut subditos suos in libertatem ab hostibus vindicet, pro illis bellum gerens, & fortiter pugnans graviter vulneratus est, nihil contingere potest gratus, quàm ut liberati præliorum ac vulnerum memores, ea in tabulis depicta, ac palam spectanda proponant, grati animi ac devotionis erga liberatorem suum æterna monumenta. Ita & Salvatori nostro nihil æquè placet, quàm certaminum ejus, cum antiquo animarum nostrarum hoste susceptorum, & vulnerum in illis acceptorum devota memoria, quæ in Coronula nostra, veluti in totidem tabulis, oculis nostris exhibentur, & ipse Dominus redivivus veluti totidem victoriæ ab hostibus suis reportatæ signa, in corpore glorioso servavit, ut æterna illorum in animis nostris sit recordatio.

## §. III.

*Coronam hanc Rosario, seu Coronæ Deiparæ nihil obesse, sed illam ab hac magis commendari.*

**P**lum ac benevolum lectorem hîc rogatum velim, ut sibi persuadeat novam hanc Coronam non proponi, ut piissimum usum, ac laudatissimum recitandi Deiparæ Virginis Rosarium ulla ratione impediat, aut obscuret. Quemadmodum enim istud in honorem, & memoriam gratiarum innumerabilium, quas à divina manu Deipara liberaliter accepit, à magno illo Patriarcha sancto Dominico institutum est, constatque orationibus Dominicis paucioribus, ac pluribus multò Salutationibus Angelicis, in quibus exordia recensentur Redemptionis nostræ. Ita Coronula hæc, quæ piè inventa est ob eandem Redemptionis nostræ memoriam, in sacris quinque Domini Iesu vulneribus consummata, tantum usurpat



pat quinque salutationes Angelicas, & orationes Dominicas viginti quinque. Neque improbandus est hic usus, sicut in Italia, Hispania, Indiis, aliisque Regionis ac Provinciis non improbatur Corona Iesu, à sancto RR. DD. Camaldulensium Ordine pro veneratione annorum Domini, & sacrorum ejus vulnerum, instituta: quæ triginta tribus orationibus Dominicis, & quinque Angelicis salutationibus constat, recitato ad Crucem Apostolorum symbolo. Cujus Coronæ devotionem ut promoverent Leo X. & Sixtus V. summi Pontifices, Indulgentias varias eam recitantibus concesserunt: ut causa non appareat, cur novæ hujus Coronæ pietas minus probari possit. Nam uti cruenta Filii vulnera cum Virgineis Matris uberibus rectè conveniunt: ita & Coronæ utriusque invicem se promovebunt: ut à Matris uberibus, cum sancto Augustino, ad Filii vulnera; & à Filii vulneribus ad Matris ubera confugiamus, & à Iesu, ac Maria gratiam & misericordiam impetremus.

## §. IV.

*Allocutio Zachariæ Prophetæ ad Salvatorem vulneratum, & introductio ad sequentes considerationes.*

**Q**Væramus ergo piâ sollicitudine ab optimo Salvatore, cum Zachariæ propheta, & dicamus ei: *Quid sunt plagæ istæ in medio manuum tuarum? Quam diu putas, & quomodo, inquit Rupertus, & à quo, vel à quibus dicitur ei? Nimirum in sæcula sæculorum, sine cessatione, dicitur ei. & admirando admiratione ineffabili dicitur ei. & à Deo Patre, cui factus est obediens usque ad mortem, mortem autem crucis, dicitur ei; & ab Angelis, qui in eum desiderant prospicere, dicitur ei; & ab hominibus, quos morte sua redemit, dicitur ei: Quid sunt plagæ istæ in medio manuum tuarum? O magnum miraculum! ô mirum spectaculum, exclamat Rupertus, præsertim in Domino dominatore omnium, plagas eum habere in medio manuum suarum! Quarum veneratione ut in Coronæ hujus usu utiliùs, ac suaviùs occupemur, decrevi piis animis quinques*

quies quinque considerationes, ad Dei ac vulnerati Salvatoris obsequium, & gloriam proponere, ut non uno tantum, sed omnibus vitæ nostræ diebus, & nos dicamus ei : *Quid sunt plagæ istæ in medio manuum tuarum?* nec manuum tantum, sed & in medio pedum, lateris, ac cordis tui suavissimi, atque amantissimi.

Observandum in sequentibus Considerationibus, exiguum aut nullum fructum relaturum esse eum, qui in singulis Orationibus Dominicis singulas considerationes vellet perpendere. Id enim non nisi cursim fieri possiet. singulæ autem ad unum vulnus expendendæ sufficient, vel certè si ita fert affectus, quælibet una consideratio extendi poterit ad omnia vulnera; ut enim hæc inter se habent commune meritum, ac parem dignitatem; ita & communia, ac paria elogia, & Considerationes habere possunt.

QUINQVIES QVINQVE  
CONSIDERATIONES  
CRVENTORUM VULNERUM  
CHRISTII ES V.



*Psalm. 50.*



*Or contritum, & humiliatum Deus non despicies, uti Rex David contritus, & humiliatus testatur. Recitans itaque Orationem Dominicam quinquies, & semel Angelicam salutationem ad vulnus sacrum sinistri pedis, ora Deum, ut tibi pec-*



peccata tua misericorditer condonet, excitando in te veram contritionem, non ex timore pœnæ alicujus, aut dolore jacturæ: sed ex vero Dei amore, quòd immensam illam bonitatem, tam benevolum ac benignum Patrem, tantâ malitiâ, ac contemptu, tot peccatis, tamquæ gravibus offenderis.

## CONSIDERATIO I.

*Vulnera Christi**Medicina animarum.*

**D**Eus, cui proprium est misereri, verè sollicitus de filiis Pater, ita mundum dilexit, ut Filium suum unigenitum illi Medicum daret, ad curandos animarum nostrarum morbos, & quidem mortiferos. Vnde rectè S. Augustinus: Bene nostis, charissimi, Dominum nostrum, & Salvatorem Iesum Christum à Patre datum esse Medicum Salutis æternæ, & ad hoc eum suscepisse infirmitatem naturæ nostræ, ne sempiterna esset infirmitas nostra.

*Serm. 18.  
de verb.  
Dom.*

Et peripicuè sanè Medicum se esse,  
ac

ac venisse ut nobis mederetur, ipse Sal-  
vator testatus est. Lucam audiamus :  
Et venit, inquit ille, Iesus à Nazareth, ubi nu-  
tritus erat, & intravit secundum consuetudinem  
suam, die Sabbathi in Synagoga, & surrexit le-  
gere. Et traditus est illi liber Isaïæ Prophetæ. Et  
ut revolvit librum, invenit locum, ubi scriptum  
erat, spiritus Domini super me, propter quod unxit  
me, euangelizare pauperibus misit me, sanare  
contritos corde. Et cum plicuisset librum, reddidit  
ministro, & sedit. Et omnium in Synagoga oculi  
erant intendentes in illum. Cæpit autem dicere ad  
illos, quia hodie hæc scriptura ( Medicum sci-  
licet me à Patre missum esse ) impleta est  
in auribus vestris ; mederi enim veni con-  
tritis corde, oppressis scilicet à peccato  
animabus, uti loquuntur interpretes.

Quod iterum alibi Dominus ipse  
affirmat. Nam Capharnai à Levi Publi-  
cano, qui deinde Apostolus & Evan-  
gelista Matthæus dictus est, ad men-  
sam vocatus, cum plures ille ejusdem  
conditionis convivas adhibuisset, nec  
cum illis accumbere Salvator detre-  
ctaret, indignè id ferentes Pharisei:  
Quare, ajunt, Domini discipulos allocu-  
ti,

Cap. 4.

v. 21.

Cap. 61.

v. 1.

Matth.

9. v. 11.

ti, cum Publicanis, & peccatoribus manducat  
*Magister vester?* quibus Salvator ipse: *Non  
 est opus, inquit, valentibus medicus, sed malè* *Osee 6.*  
*habentibus, euntes autem discite quid est: mise-* *v. 6.*  
*ricordiam volo & non sacrificium. Non enim ve-*  
*ni vocare justos, sed peccatores.* Inter quos vel-  
 uti misericors Medicus, accumbebat,  
 ut vulnera ac morbos curaret, quibus  
 illorum animæ laborabant.

Narrat Herodotus solere Ægyptum *Lib. I.*  
 Medicis abundare; neminem tamen  
 eorum præterquam ægri unius curam  
 suscipere solitum esse, ut ita omnem ar-  
 tem & industriam uni rectè sanando  
 impenderet. Non ita Medicus noster,  
 qui uti Matthæus ait, *circuibat totam Gali-* *Cap. 4.*  
*laam, sanans omnem languorem, & omnem infir-* *v. 23.*  
*mitatem.* Et S. Lucas: *Omnes qui habebant in-* *Cap. 4.*  
*firmos variis languoribus, deducebant ad eum, &* *v. 40.*  
*ille singulis manus imponens curabat eos.* Non  
 uni ergo infirmo Medicus est Salva-  
 tor, sed omnibus, à quacumque deti-  
 nentur infirmitate, solâ manus impo-  
 sitione, quamquam lic singulis omnem  
 divinæ suæ medicinæ opem impendit  
 & operam, tamquam unis & unicis  
 suis.

luis. Quam manum medicam pro te  
anima mea cruci fixam, ac vulneratam  
reverenter exosculare & salutarem  
ejus opem infirmitatibus tuis curandis  
implora.

Io. cap. 11.

2.3.

Lazarus Marthæ, ac Mariæ frater in  
morbum inciderat: Sorores è familia  
sua certum hominem mittunt ad Ie-  
sum, qui dicat ei: *Domine, ecce quem amas,*  
*infirmatur;* quod amanti dicere satis erat.  
Centurio pro servi sui valetudine ob-  
secrat. Respondet Dominus, *Ego veniam,*  
*& curabo eum.*

Matth. c. 8.

v. 5.

Domine Iesu, ecce animæ, quas a-  
mas infirmantur: veni ergo istis tuis  
benedictis & perfosis pedibus, & cura  
eas; veni istis tuis benedictis & per-  
fosis manibus, & has super eas impo-  
ne, & bene habebunt; veni isto tuo  
benedicto & transfixo latere, ut in hoc  
tanquam in divinum Nozocomium  
admittantur, & à te medico misericor-  
dissimo curentur; nam extra medicas  
illas tuas officinas, nulla animabus no-  
stris salus esse potest.

Inter rosas ea est, quam pentaphyl-  
lam



lam à totidem foliis vocamus, quæ a-  
quis suis, oleo unguento, aliisque quæ  
ab illa conficiuntur medicamentis, vul-  
neribus curandis, morbisque pellendis  
admodum opportuna est. Pentaphyl-  
lam hanc rosam legimus in sacratissimo  
Dominici Corporis horto sanctissimis  
ejus quinque vulneribus constantem,  
quæ aqua, & sanguine suo pretioso, di-  
vinisque suis meritis, misericordiæ  
veluti oleo certam animarum nostra-  
rum vulneribus, ac morbis omnibus  
medelam adferunt.

Hoc rectè S. Bernardus intellexit,  
cùm ait, *Nihil tam efficax esse ad curanda con-* *Serm. 62.*  
*scientiæ nostræ vulnera, nec non ad purgandam* *in Cant.*  
*mentis aciem, quàm est Christi vulnerum sedula*  
*recordatio, quæ eà de causâ, multò antè*  
Bernardum, D. Leo, in Domini Corpo-  
re servata dixit, quia hujusmodi sanctæ  
cogitationes magnam vim habent ex-  
citandi in nobis verum de peccatis  
commissis dolorem, ac sincerum erga  
Deum amorem, à quibus in Domini  
Iesu vulneribus animarum nostrarum  
sanitas integerrima speranda est.

Filii

Num. 21.

v. 9.

Cont. Ideo.

Jo. 6. 5.

Ad Carol.

Mag. Reg.

Fran. ep. 1.

art. 1.

Camer.

lib. 1. hist.

cap. 14.

Filii Israel Deo rebelles, in deserto serpentum moribus læsi, æneo serpente conspecto, quem iussu Dei in stipite Moyses erexerat, à venenato vulnere curabantur. Effigiem ænei serpentis, ait Tertullianus, formam designasse Dominicæ crucis. Si ergo quispiam, uti monet Adrianus I. Pontifex, percussus fuerit à serpentibus peccatorum, Christum crucifixum intueatur, & habebit sanitatem. Mosaïcus autem ille serpens neque è lapide, neque è ligno, aliâve materiâ confectus, sed ex ære, non sine mysterio fusus erat. Æs enim Ægyptium conservat humana cadavera, quibus populi illi, ne computrescerent, clavos æreos infigebant. Non secus à peccatorum corruptelâ animas nostras conservabunt clavi Domini lesu, si illis cruci ejus configamur.

Atque ut in efficacissima hac medicina quærenda & adhibenda piè solliciti simus, ingenti nobis erit stimulo quod subiicio, habeoque ex fide digna relatione. Vir princeps spectatæ virtutis Dominicæ Passionis admodum devotus erat, qui nullâ non nocte, antequam

quam quieti se daret, Christi in Cruce  
pendentis (quam in mensa sua ante  
oculos semper habebat) pedes oscula-  
batur. Æmulos patiebatur Principis  
optimi virtus. Convenerunt illi cum  
cubiculi ejus præfecto de tollendo per  
venenum Domino, quod perfidus ille  
Crucifixi pedibus immiscuit, ut dum  
his de more Princeps osculum daret,  
præsentissimi veneni pestem spiritu  
ipso hauriret, & in viscera transmittet-  
ret. Verùm Deus, qui populo suo ad-  
versus serpentum venena, in Crucis  
suæ figura adfuit, in ejusdem effigie ser-  
vo suo non defuit. Cùm enim pro con-  
suetudine sua Princeps, priusquam de-  
cumberet, crucifixi sui pedibus oscu-  
lum ferret, reluctatus est in imagine  
sua Dominus, atque osculum non ad-  
misit. Percussus rei novitate Princeps  
verebatur, ne occulto aliquo crimine  
hujus repulsæ dedisset causam. At cu-  
biculi præfectus Dei providentia erga  
Dominum suum permotus, illi ad ge-  
nua accidit, rem à se perfidè gestam a-  
peruit, culpam supplex deprecatur, fa-  
cilem-

cilemque teterrimi facinoris veniam, non tanquam à Principe ac Domino, sed velut ab amantissimo Patre impetrat. Eia anima mea, ad benedicta sacrorum Domini pedum vulnera semper confugito. Habes enim in his præstantissimum, contra omnium scelerum venena, antidotum.

Neque vulnera Domini animarum nocentioribus, ut ita dicam, venenis, deviis scilicet cogitationibus, quibus veluti pedibus itur ad malum, sed eandem morbis omnibus, quibus intellectus, voluntas, memoria, omnesque sensus nostri validè opprimuntur, opportuna sunt medicamenta. Iacet, inquit Augustinus, toto orbe, ab Oriente usque ad Occidentem grandis egrotus, sed ad sanandum grandem egrotum, descendit omnipotens Medicus. Humiliavit se ad mortalem carnem, tanquam ad ægroti lectulum, sacratissima sua nobis aperit vulnera, veluti tot officinas medicas, in quibus contra omnes animæ nostræ morbos remedia affluunt. Ingredere, ait S. Bonaventura, has vulnerum Domini Iesu apothecas, & accipe, in illis medicinam san-

Serm. 59.  
de verb.  
Dom.

P. 1. Stim.  
c. 1. apud  
Molanum  
de sindone.

triam,



civam, restaurativam, præservativam, & conservativam. Ibi quæcumque appetis electuaria repêries, quæ animæ tuæ stomachum fastidientem ad divinum gustum restituant. Sanabuntur languores tui, inquit Augustinus, noli timere, magni *In Ps. 102.* sunt, inquires, sed major est Medicus: Omnipotenti Medico nullus languor incurabilis occurrit. Et sanctus Ambrosius; *Vulnus est*, inquit, *In Ps. 118.* quod Christus accepit, sed medicina est, quam effudit.

Magnum ægro solatium est cùm Medicum benignum, sibi quæque habet compatiens, & simul omnipotentem. Is *De sacram Dom. pass.* nobis Dominus Iesus est, ait Drogo S. R. E. Cardinalis: Clamat, inquit ille, Salvator de cruce, O vos omnes, qui transitis per viam, attendite, & videte, si est dolor sicut dolor meus, nemo est qui audit, nemo est qui consolatur, nemo est qui respondeat. Sitio, inquit Dominus. Quid sitis mi Iesu? Ergone plus cruciatu sitis, quàm Crux? De cruce siles, & de siti clamas, sitio! Quid? vestram fidem, vestram salutem, vestrum gaudium, plus animarum vestrarum dolores, quàm corporis mei cruciatus me affligunt. Hæc nobis de cruce clamans, & carne tuâ sanctissima, veluti mundissima sindone sacrorum vulnerum tuorum balsamo

peruncta, alligas vulnera animarum nostrarum. ô samaritanè misericors, & sauciis atque agris tuis compateris compassione inenarrabili.

Cap. 3.  
v. 7.

Apud Isaiam apprehendebat vir fratrem suum, domesticum patris sui: vestimentum, inquit, tibi est, Princeps esto noster. At ille respondebat. Non sum medicus, & in domo mea non est panis, neque vestimentum. nolite constituere me Principem populi. Eia Domine Iesu, frater noster es, domesticus Patris tui, & Patris nostri, esto Princeps noster. Nam Medicus es, & quidem omnipotens, panis tibi est in domo tua, panis, inquam, qui de cœlo descendit, & dat vitam mundo. Vestimentum tibi est, & quidem nuptiale, quo qui induitur, è cœlesti mensa tua non eiicietur. Esto ergo Princeps noster, ô Medice omnipotens, & sana animas nostras, quia peccavimus tibi.

Ecclef.  
c. 3. v. 1.

Honora, inquit Sapiens, Medicum propter necessitatem. Quæ verò animarum nostrarum maior necessitas, quàm eas criminum suorum morbis, atque vulneribus mori æternam mortem. Hanc ut evadamus de Sapientis consilio omni-

omnipotens nobis Medicus honorandus est. At quis Medicus tantò in ægrum suum fuit affectu, tantaque illum persecutus est commiseratione, ut pro illo sanitati restituendo, ejus in se morbos suscipere, vulneribus confici, sanguinem suum profundere voluerit? Voluit id, teste Isaia Salvator; qui verè lan- <sup>cap. 53.</sup>  
 guores nostros ipse tulit, & dolores nostros ipse portavit, & suscepit omnes infirmitates nostras, ne æterna esset, uti D. Augustinus ait, infirmitas nostra. Nesciebam, inquit Bernardus, <sup>Serm. 3. de</sup>  
 sanus mihi videbar, & ecce mittitur Virginis fi- <sup>Vigil. Nat.</sup>  
 lius, Filius Dei altissimi, & jubetur occidi, ut vul- <sup>Dom.</sup>  
 neribus meis pretioso sanguinis sui balsamo medeatur. Agnosce, ô homo, quàm grævia sint vulnera, pro quibus necesse est Dominum Christum vulnerari, si non essent hæc ad mortem, & mortem <sup>W</sup>  
 sempiternam, nunquam pro eorum remedio Dei Filius moreretur.

Eduardus Angliæ Rex in prælio sagittâ veneno infectâ læditur. sine re- <sup>Roder. de</sup>  
 medio erat vulnus medicorum judicio, nisi venenum quispiam exfugeret. <sup>reb. Hist.</sup>  
 Audiunt consilium Regii cubiculi Præfecti: horrent omnes. Audivit &  
 D 3 Re-

Regina, quæ Rege dormiente, suspenso gradu, horrore nullo, amore summo ad lectum accedens, os vulneri intrepidè admovet, sibi que in viscera venenum, & mortem attrahit, Regique vitam interitu suo conservat.

O amor Salvatoris amantissimi quàm immensus es ! Telo venenatissimo flagitiorum nostrorum vulnerati omnes eramus, remedium malo huic mortifero nullum erat aliud, quàm, ut omnipotens Medicus vulnera sua sacratissima quasi tot ora vulneribus nostris applicaret, venena exsugeret, vitam sibi tolleretur, nobis daret. Suavi ac jucun-

*Lib. 5. Inst.  
divina piet.  
c. 45.*

do ausu medicinam hanc in vulneribus Salvatoris reperit sancta Gertrudis, Ordinis sancti Benedicti in Germaniâ Abbatisa. Hæc quodam Veneris die, dum sacram Domini passionem meditaretur, ut Iesu suo patienti solatium aliquod adferret, credens id sibi licitum, extractis è Crucifixo suo clavibus ferreis, aromaticos substituit. Sollicita deinde quasi levitate aliqua peccasset, à Salvatore intellexit magnopere



perè sibi innocentem hanc pietatem placuisse; atque ab eo tempore, ex suis se vulneribus pretiosum sanguinis sui balsamum in animam ejus effudisse, ad omnes ejus sanandas infirmitates; se-  
quē idem facturum omnibus, qui sacra ipsius vulnera, quā decet religione venerarentur.

Neque animarum tantum, sed corporum etiam morbos, Domini vulnera tollunt. Gravi capitis dolore affligebatur beata Mechtildis, invitatur à Salvatore, ut quod voluerit pro remedio, *Lib. 2. grat. spir. 6. 22.* vulnus sui sacri Corporis subeat. Remedium illa amplectitur, sed vulneris delectum Domino relinquit, qui eam ad sacri lateris vulnus invitat, quod ipsa piā meditatione ingressa, omni se liberam dolore protinus sensit.

Venite animæ, vulneratum Dominum amantes, & emite absque argento, & *Isaia 55. v. 1.* absque ulla commutatione in vulneribus Salvatoris medicinam infirmitatibus vestris plurimis, & maximis: lacrymula una, suave unum ex imo pectore suspirium satis erunt, quæ bonæ peccato-

Corona Sacratissimorum  
rum confessioni juncta, in sacratissimo  
Domini sanguine medelam certam  
morbis nostris invenient.

## CONSIDERATIO II.

### *Vulnera Christi*

#### *Fontes aquarum viventium.*

*Num. 20.  
16.*

*erm. de  
xaltat.  
Crucis.*

**A** Quam petebat in deserto populus  
Israël, pro quo Moyſes orans, ait:  
Domine Deus, audi clamorem populi, & aperi eis  
thesaurum tuum, fontem aquæ vivæ. Et jubente  
Domino, percussit virgâ bis silicem, & egressæ sunt  
aquæ largissimæ. Apud hanc B. Petrus Da-  
miani S. R. E. Cardinalis, Petra illa, in-  
quit, juxta Apostolum, Christus erat. Acec-  
dit virga ad silicem, & haurienda populis aqua  
producitur: adhibetur crux Christo, & omnium  
corda credentium irrigantur. Quod Sacramentum,  
& ipſe Moyſes per spiritum non ignorasse cogno-  
ſcitur, si ejusdem subtiliter verba pensentur; Ape-  
ri, inquit, Domine, thesaurum tuum, fontem a-  
quæ vivæ. Neque enim tam magnificis ac divinis  
verbis elementum describeret, ex cavernis, videli-  
cet terræ profluum, ac deinceps in secessuum cuni-  
culos

culos egerendum. Nunquid enim dignum fuit viles  
aquas, Dei appellare thesaurum? Dei thesau-  
rum aquam illam procul dubio nomi-  
nat, etiam assentiente Damiano, quæ è  
latere Iesu lanceâ transfixo cum san-  
guine continuo exivit, junxitque se  
manuum ejus, ac pedum perforato-  
rum divinis fontibus. Ita Petrus Da-  
miani. Id quod diu ante illum, etiam  
observarunt Severianus Gabalonensis  
in Syria Episcopus, & Macarius Ar-  
chiepiscopus Philadelphensis, qui ajūt,  
à Moysè, primo iclu directè in petram librato, ve-  
nâ scaturire incipiente, secundo, obliquè & trans-  
versim, aquas egressas esse largissimas; ita & in  
cruce è recto, & transverso ligno con-  
fecta; sacro Christi Corpore clavis, di-  
rectè percusso, divini ejus sanguinis  
primæ se scaturigines aperuère; at ve-  
rò corde ipso à dextero latere, lanceâ  
transverse verberato, totius sacratissimi  
sanguinis egressæ sunt aquæ largissimæ,  
ad curandam omnem animarum ne-  
cessitatem, aquarum viventium the-  
sauris, à Moysè prænunciatis.

Orat. 4. de  
S. Cruc.

Orat. de  
exaltat.

S. Crucis.

Quatuor fontes in Salvatore nostro

erm. I. de  
lat. Dom.

reperit, & aperit S. Bernardus, I. est ad  
abluendas sordes. II. ad levandam sitim. III. ad  
rigandum. IV. ad cibos decoquendos; quod in  
Scandia fieri narrat Abrahamus Ortelius,  
ubi fontem esse ait adeò calen-  
tem, qui sine ullo ignis adminiculo, e-  
lixet omnia. Primum fontem vocat  
Bernardus *Misericordiae*. Secundum, *divi-  
nae Sapientiae*. Tertium, *Devotionis*. Quar-  
tum, *Emulationis*, & sancti xeli. Quatuor hos  
fontes adhuc in carne viventibus nobis, in semet-  
ipso Christus exhibuit. Quintum, qui est fons  
vitæ, post hoc sæculum repromittens; ad quem si-  
tiebat Propheta cum diceret; Sitiivit anima mea  
ad Deum fontem vivum. Fortassis etiam propter  
hos quatuor fontes, quatuor in locis vulneratus est  
Christus adhuc vivens in cruce; propter quintum,  
cum jam tradidisset spiritum, transforatus est in  
latere. Vivebat adhuc cum fodiebantur ei manus,  
& pedes, ut nobis adhuc viventibus quatuor fontes  
ex se ipso proferret. Quintum protulit vulnus la-  
teris cum jam exspirasset, ut in se nihilominus  
quintum nobis fontem post obitum aperiret. Hau-  
rite dilectissimi, clamat Bernardus, in gau-  
dio aquas de fontibus Salvatoris, de vulneribus  
Iesu Et primus quidem communis est omnibus; in  
multis

f. 12. v. 1.



Aquæ in urbe Hierosolymitana, in quibus oves ad sacrificium abluebantur, *Bethsaidâ* apud S. Ioannem Evangelistam nuncupatæ, quinque porticibus cinctæ erant. Domini Iesu sanguis, ex quinque ejus vulneribus, quasi totidem porticibus fluens, aquas nobis dat, in quibus ipse, Agnus ille innocens, scelerum nostrorum sordes, quas in se susceperat, abluens, de se ac nobis immaculatum Deo obtulit holocaustum. Ad has aquas poenitens David anhela-  
bat, cùm mundari desiderans, ita ora-  
ret : *Amplius lava me ab iniquitate mea, & à* Ps. 50. v. *peccato meo munda me.* Ad harum aquarum fiduciam nos excitat Apostolus, cùm ait : *Si sanguis hircorum, & taurorum, & cinis* Heb. 9. *vitulæ aspersus, inquinatos sanctificat ad emun-* v. 13. *dationem carnis, quantò magis sanguis Christi, qui per Spiritum sanctum, semetipsum obtulit im-*  
*macu-*

*maculatum Deo, emundabit conscientiam nostram  
ab operibus mortuis, ad serviendum Deo viven-  
ti.*

*rev. Rom.*

*1. De-*

*mb.*

Leprâ infectus erat Constantinus Imperator, suadebant Medici ut ex infantum sanguine balneum sibi pararet, eoque lavaretur. Dissuascerunt impiam crudelitatem sancti Apostoli Petrus, & Paulus, illi per noctem visi, monueruntque si curari vellet, Silvestrum Pontificem in Soracte Monte latitantem accerferet, à quo, in baptismo, sacro Domini sanguine ablutus, corporis sanitatem recuperaret, & animæ obtineret: primus inter Romanos Imperatores, qui fidem Christianam complexus, toto eam orbe propagavit.

*rat. 6.*

Balneum hoc salutare nobis aperit S. Gregorius Nazianzenus, quando cum Apostolo monet, ut emundemur ab omni inquinamento carnis, & spiritus, & cum Propheta, ut lavemur, & mundi efficiamur. *Neque enim purus Deus,* inquit, *tanto in pretio quidquam habet, quàm puritatem, & peccatorum purgationem: quam ut consequamur, pretiosi sanguinis sui*  
bal-

balneum, in vulneribus sacratissimis,  
divino amoris igne succensum, nobis  
apparavit. Divi Nazianzeni pietati sub-  
scribit S. Cyprianus. *De latere tuo*, inquit, *Serm. de*  
*Resur.*  
*Dom.*  
*Domine Iesu*, fons egreditur, ex hoc non solum ab-  
lutionis primæ, Baptismi scilicet, *venas haurimus*,  
*sed & compunctionis, & lacrymarum perennes ef-*  
*fluunt rivus*, misericordiarum tuarum, & totius  
pietatis testes, quando in peccata relapsis secunda  
ablutione opus est. Ad hoc argumentum  
appositè ille,

*Quos cum non posset dare fontes ex oculis,*

*Dedit ex latere.*

*Aloys. Lug.*  
*elog. 76.*

*Ita hoc voluerat novo argumento probatum,*

*Iniquitates Mortalium*

*Se planè abluisse ex corde.*

Hic est fons ille, de quo Propheta  
Zacharias; *In die illa erit fons patens domui* *Cap. 13.*  
*Iacob, & habitatoribus Ierusalem*, in ablutionem  
peccatorum. Fons hic, ex communi Pa-  
trum sententiâ, est Christus Dominus,  
qui, ut ait S. Gregorius, ab æterno in fi- *Lib. 6. ep.*  
*c. 186.*  
nu Patris clausus, quando venit pleni-  
tudo temporis, clavis, ac lanceâ, in cru-  
ce, apertus fuit, ut in sacro vulnerum  
suorum sanguine lavaret nos à pecca-  
tis

In ps. 142.

tis nostris. Vnde rectè D. Augustinus: Quoniam fons vitæ, tu es Domine; ad te levavi animam meam, non contra te; tanquam vis attuli eam; imple ergo me, & lava me. Elue, inquit Hugo Victorinus, Domine Iesu, culpam, quam non fecisti, munda corpus, quod plasmasti, lava animam, quam tuâ imagine signasti. Merito queritur D. Gregorius quamplurimos hæere in peccatorum suorum sordibus, cum tamen satis illis sit prospectum; multiq̃ue in divinæ misericordiæ fontibus animas abluerint, querere, inquit, deberemus misericordiæ fontes, etiam si clausi essent. Patent modò in vuneribus Salvatoris, & tamen à nobis negliguntur.

Hom 20. in  
Ezech.In concl.  
anima  
cap. I.

At non illos neglexit S. Catharina Senensis, quam, ut refert Blosius, cum Diabolus vellet decipere, & ad nimiam pusillanimitatem, seu ad desperationem adducere, nitens ei persuadere quòd vita ipsius falsa, inutilis, & perversa esset; illa à Dei bonitate edocta humiliter, elevavit mentem suam ad misericordiam divinam, dicens; Ego aperte Creatori meo confiteor, me quotidie in tenebris fuisse, maleq̃ue vixisse: verumtamen latitabo

in



in vulneribus Domini mei Iesu Christi, & omnium iniquitatum mearum maculas pretioso sanguine ejus abluam, atque cum sancto desiderio jugiter gaudebo in ipso Creatore, & Redemptore meo, neque desinam cum Propheta pro necessitate *Is. 12. v. 1* anima mea haurire in gaudio aquas de fontibus, de vulneribus Salvatoris. quâ virginis pietate ac fiduciâ, mox dæmon in fugam conversus est.

Catharinam imitabatur Maria Claudina, Burgunda Cœlestina, quæ peracto quotidie examine vespertino, vulneri lateris Domini se committebat, in eoque diei istius defectus eluebat, orans ac obtestans, ut eâ nocte, isto in refugio, ab inimici insidiis custodiretur. *In Elog. eius M. S.*

Neque animæ tantum in sacris Domini vulneribus, à peccatorum sordibus expurgantur, sed novâ etiam gratiâ *Psal. 50.* supra nivem dealbantur, ut canit Propheta Regius, cum non minor sit sanguini Salvatoris, quàm aquis illis, virtus, quæ oves, quas nigro vellere accipiunt, albo reddunt. *Plinius Lib. 2. c. 103.*

Iuvenis genere ac moribus nobilis, urbem præclaram admodum, sibi per spe-

*Adm. R.**P. Nost.**Vinc. Car-**rafa l. 3.**Fas. conf.*

24.

*Apoc. c. 21.*

v. 27.

speciem oblatam in excelsso ardui montis cacumine sitam conspexerat, cujus ingenti desiderio tenebatur; verum dum cruentum flumen horret traicere, quod montem undique cingebat, animadvertit nonnullos spectatae formæ viros in eo vestes suas abluere, quibus laborantibus subsidio veniebat alius cultu & formâ dissimilis. Ex hoc juvenis quærit, Quæ urbs? quod flumen? qui viri? Cur vestes abluant? quis ipse? Civitas illa, inquit hic, cœlestis est Hierusalem; flumen, sanguis Agni, in quo lavant viri isti stolas, hoc est, animas suas, quia nihil coinquinatum intrabit in regnum cœlorum; illis te junge, & qui sint intelliges. Ego sum Iesus Salvator tuus, qui servos meos adjuvo, quia sine me nihil possunt facere. Confirmatus hac visione juvenis, sæculo nuncium remittens, Monasterium ingreditur, in quo eos omnes agnovit, quos in sanguine Agni, in vulneribus, scilicet Salvatoris, vestes viderat abluere, qui raro virtutis exemplo, & insigni munda, atque immaculatæ conscientia

tiae testimonio reliquis prælucebant.

Emundemur itaque, & nos in flumine isto, in sanguine Agni incontaminati, in cruentis Domini Iesu vulneribus, quæ in sacra confessione, atque Communione, veluti totidem fontes, ad ablutionem peccatorum, nobis referantur.

### CONSIDERATIO III.

#### *Vulnera Christi*

#### *Advocati peccatorum.*

**L**Iti gravissimæ, à qua omnia dependent, peccator implicatur. Actor est diabolus, rea conscientia, Deus iudex, quem nihil latet, cui patent arcana cordium, cujus æquissima sententia revocari non potest; adeò ut Advocato ac patrono perito, fidei, atque sollicito indigeamus: ipsi enim apti non sumus, qui causam nostram æternitatis decretoriam, agamus; siquidem vilissimi tantùm terræ vermiculi sumus, quibus ne-

E

que

que fas est, neque facultas verbum ullum, coram summa illa Dei Majestate, proloqui.

Confide nihilominus anima mea, nec spem abjicias. Vbi Iudicis filius Advocatus esset, de causa clienti bene sperare liceret. Sed quod apud homines non licet, apud Deum permittitur.

1. Tim. 2.

v. 5.

Audi Apostolum: *Vnus Deus*, inquit, *unus & Mediator Dei & hominum, Homo Christus Iesus*. Ecce Advocatum tuum & Mediatorem, Dei, & Iudicis filium, in quo ei bene complacuit, & complacet semper. Quid tanto Patrono desperemus peccatores?

Sur. in vi-

ta. 26. Feb.

S. Porphyrius Gazæ Episcopus, Constantinopolim cum venisset, Arcadium Imperatorem obsecraturus, ut Idolorum templa demoliri sibi liceret, non ignorans magni momenti rem, & quæ foret impetratu difficilis, se agere, ingeniosâ industriâ, cum infans Theodosius, qui illis diebus Cæsari natus erat, à sacro Baptismate ad Palatium reportaretur, purpuræ puero instratæ supplicem libellum imposuit, ab illo veluti



veluti Arcadio offerendum, quæ nati  
libellum offerentis species efficaciter  
peroravit apud Patrem Cæsarem. Ar-  
cadius enim piâ Porphyrii arte recrea-  
tus, sanctum Præsulem voti compotem  
fecit, ac benignè dimisit. Aprè ad hoc  
argumentum Bernardus. *Ad Patrem ve-* *Serm. in*  
*rebaris accedere? solo vocis ejus auditu territus* *Nat. Deip*  
*fugiebas? Iesum tibi dedit Mediatorem. Quid non*  
*apud talem patrem, talis filius obtineat? Exau-*  
*dietur utique pro reverentia sua.*

Ad hanc fiduciam Salvator sanctam  
Mechtildem excitavit, cùm ei factus  
est, vulnera sua, uti in cruce patuerunt,  
ita patere modò, & fore, ut semper pa-  
teant, ut ad Patrem pro nobis cla-  
ment, & Mediatorem agant. *Filioli, in-* *Ep. I. c. 2*  
*quit sanctus Ioannes; hæc scribo vobis, ut*  
*non peccetis, sed & si quis peccaverit Advocatum*  
*habemus apud Patrem, Iesum Christum justum.*  
In quem locum D. Augustinus. *Ibi ha-*  
*bes Advocatum, noli timere, ut perdas causam*  
*Confessionis tuæ. Si enim in hac vita commisit se*  
*homo diserta lingua, & non timet, committis te*  
*verbo, & periturus es? Clama, Advocatum habe-*  
*mus apud Patrem; qui tot ora habet quot vul-*  

E 2nera,

nera, quibus causa nostra patrocinetur.

Lib. 4. in  
Ioan.

Magno solatio est, quod apud Rupertum lego. Potuit, inquit ille, Dominus Iesus virtute quâ surrexit, clavorum & lancea penitus extirpare, & explanare vestigia; sed servanda erant oculis paternis, decencia Filium Dei, charitatis, & obedientia signa veneranda, nostra cause patrocinia, nostri-que amoris aterna incitamenta, & horroris impiorum aterna incendia. Quid gravius?

Apud Blos.  
Mon. Sp.  
c. 1.

quid suavius dici posset? S. Gertrudi quodam tempore pro zelo suo admodum sollicita, quodnam, ex quamplurimis, quæ à Domino hauserat, documentis, homini maximè esset utile, dictum divinitus est; nihil æquè nobis conducere, quàm ut intelligamus, quotiescumque cogitatione pravâ, noxiis desideriis, operève malo delinquimus, toties Salvatorem Patri suo cor transfixum, manus, ac pedes perfossos repræsentare, ejusque iram hoc sacrificio placare; adeoque impetrare peccatori gratiam, ut à sceleribus suis, per veram pœnitentiam resipiscat. Confirmat hoc piâ sanè, & mellifluæ suavi-

suavitatis plenâ sententiâ D. Ambro-  
sius, cujus piam eloquentiam amplifi-  
care licitum mihi erit: Ipse, inquit, Chri-  
stus ore suo, felle, & aceto potato, os nostrum  
est, per quod Patri loquimur, atque iram ejus  
placamus: corde suo, quod lanceâ transfixum  
est, cor nostrum est, per quod Patrem ama-  
mus: oculi ejus sanguineis lacrymis fluentes,  
oculi nostri sunt, per quos Patrem videmus:  
manus ejus clavis confossæ, manus nostra  
sunt, per quas nos patri offerimus: pedes ejus  
vulnerati, pedes nostri sunt, per quos, ut Fi-  
lii prodigi, redimus ad Patrem; ut totus Sal-  
vator quantus est, & quidquid in eo est, no-  
bis patrocinetur.

Lib. I. de  
Isaac, &  
anima, c. 8

Marcus Antonius Orator Roma-  
nus cum apud Senatum, reum quem-  
piam defendendum suscepisset, arre-  
pto illius sago multis confosso telis,  
sanguine consperso, ac testante vulne-  
ra, quæ pro patria acceperat, magis ad  
clementiam, hoc spectaculo Iudices,  
quàm eloquentiâ suâ commovit. Sal-  
vator noster, inquit Apostolus, cœ-  
lum ingressus est, ut appareat vultui Dei  
pro nobis, utque reservata in corpore plaga,

Apud Car-  
tag. Tom.  
de Pass.  
Dom.

Heb. 9.  
v. 24.

Sermon. 3. de  
Bap.

In Ep. ad  
Heb. c. 9.

uti ait S. Cyprianus, salutis humana à patre exigant pretium, & obedientia donativum. Et D. Anselmus pari pietate, ac fiducia; Ingressus est, inquit, Salvator in cælum, ut appareat presentia, ac benevolentia Dei patris, intercedens pro nobis & sacra vulnera ostendens, quæ pro redemptione nostra pertulit. Miro enim & ineffabili modo, eum, qui nihil potest oblivisci, qui semper misereri paratus est, absque intermissione, Dominus Iesus admonet, quàm congruè hominum misereri debeat, pro quibus, ipse cum morte confligens vulnera hac reportavit. Ita Anselmus.

Vascon. de  
Reg. Lusit.

Ioannes eo nomine secundus Portugalliæ Rex, Passioni Domini mirè addictus votum fecerat nihil se unquam negaturum, quidquid, interpositis quinque Salvatoris vulneribus, rogaretur. Die Veneris sancto, ad templum eunti, ut Crucifixum Dominum, de more veneraretur, occurrit mulier, quæ per Christi mortem, ac vulnera marito capitis damnato veniam, vitamque orabat: Majora, inquit Rex, vellem intercessoribus ac mediatoribus



bus istis, à me postulasses, vitam dono marito, pro amore ejus, qui die hoc, æternam vitam, suo nobis sanguine, ac morte donavit. Et Deus, cujus pater-nus affectus in filii sui dilecti vulneribus spirat, non misereatur nostri, quando his, veluti totidem patronis, apud ipsum utimur?

Pietatem nostram in sanctos Martyres provocat S. Chrysostomus, cum ait, eos *abscissa capita manibus gestantes, & in medium asferentes Deo exhibere, & quæcun- que postulant, nobis impetrare.* si hoc servi possunt, quid non apud Patrem filius poterit, illi pro nobis transfixum latus ac cor, pedes atque manus perfoctas, re-præsentans? *Habemus, inquit Apostolus, novi testamenti Mediatorem, & sanguinis asper-* *Serm. de SS. Iuven. & Max. m.m.*  
*sionem, melius loquentem, quàm Abel: dicam;*  
*& melius loquentem, quàm Martyres,*  
*quia clamant hi, & ille: Vindica Domine sanguinem nostrum, qui effusus est. At sanguis Iesu, per vulnera, quasi per tot ora, mi-*  
*sericordiam implorat, & obtinet. Ideo,*  
*inquit Anselmus, sanguis Domini loquitur* *Heb. c. 12.*  
*melius quàm Abel, ( de quo dictum fuerat,*

Genes. 4.  
p. 10.

quia vox sanguinis fratris tui clamat ad me de terra) quia sanguis Abel mortem parricida fratris petiit, sanguis autem Christi vitam persecutoribus impetravit; sanguis Abel expetit vindictam; sanguis Christi misericordiam; ille uni nocuit; iste multis profuit.

Sur. in vit.  
16. Iunii.

Præterire hîc non licet virginem illam, eximium Belgii nostri decus, sanctam Ludgardem, cui alia omnia cogitanti, uti Domini Iesu vulnera viam ad ejus amorem, atque obsequium aperuerunt; ita & ipse eam in horum pro peccatoribus patrocínio sibi sociam allegit. Venit enim ad illam Salvator, & nudatis lateris, manuum, ac pedum vulneribus: Vide, inquit, mea Ludgardis, ut vulnera mea clament ad te, ne frustra fuderim sanguinem, mortemque sustinuerim. Ad spectaculum hoc simul ac vocem, petit pia Virgo, quis sit ille vulnerum clamor? Ut, inquit Dominus, precibus, ac lacrymis tuis, mecum Patris iram extinguas, ne peccatores in cineres redigat. Alio tempore voluit Salvator, ut septenni jejunió Patrem secum mundo reconciliaret, quod dum illa facit pane solo, leguminibus, & aquâ victi-

visitans, patente cœlo Iesum videt  
vulnera sua recenti sanguine maden-  
tia, jejuniis ejus juncta, pro peccatori-  
bus, Patri repræsentare; sibi que deinde  
dicere; *Cernis filia, quomodo me totum offe-  
ram Patri tuo, pro meis peccatoribus? Ita & vo-  
lo, ut te quoque totam mihi offeras pro meis pecca-  
toribus; & iram meam in illorum supplicium ac-  
censam avertas. Quàm dulcis, quàm ama-  
bilis vox hæc est in auribus peccato-  
rum, quando eos toties peccatores suos  
vocat Dominus Iesus; qui duobus præ-  
terea locis eadem nomenclaturâ in vi-  
ta sanctæ hujus utitur, perinde ac si  
peccatores pignora ejus electa, solæ-  
que illi deliciæ forent, illos que sacris  
suis vulneribus, quasi totidem divinis  
annulis, gemmarum instar, insertos ge-  
reret, dum vultui Dei, hoc veluti orna-  
tu decorus pro illis apparet; immen-  
sum suum in hoc peccatoribus affe-  
ctum explicans, dum sanctorum suo-  
rum pro illis apud patrem patrocinium,  
in Ludgarde etiam visus fuit implo-  
rare.*

Concludo cum verbis D. Augustini, *Lib. 10. Confess.*

E 5

qui- c. 43.

quibus alloquitur cœlestem Patrem; Mediator, inquit, quem secretâ tuâ misericordiâ demonstrasti hominibus, & misisti, Mediator ille Dei, & hominum, Homo Christus Iesus. Quomodo nos amasti Pater bone! qui filio tuo unigenito non pepercisti, sed pro nobis impiis tradidisti eum. Quomodo nos amasti! pro quibus ille, qui non rapinam arbitrarus est, esse æqualis tibi, factus est subditus usque ad mortem, mortem autem Crucis; & nunc ad dexteram tuam sedens ac vulnera sua ostentans interpellat pro nobis. Quomodo nos amasti Pater bone!

## CONSIDERATIO IV.

*Vulnera Christi**Vrbes refugii.*

**L**Eges non omni crimini asylum concedunt, concedit Salvatoris erga nos pietas in sacratissimis suis vulneribus quantumcumq; enormi. Quod observasse videtur Dongardus Scottorum Rex, qui pro suo in Salvatorem affectu ac religione, loca omnia illi ac sacro-

*Hecl. Boet.  
lib. 18.  
Hist. Scot.*



sacrosanctæ ejus cruci sacra, servis, fugitivis, fontibus cujusvis flagitii reis, toto regno suo, asylum, publico edicto, esse jussit; cavitque, ne quàm diu in illis laterent, ulla auctoritate, ad judicium raperentur, memor procul dubio Dominum peccatoribus omnibus contra justissimam Patris sui cœlestis iram, in sacris suis vulneribus securissimum refugium præstare.

Tres urbes refugii statuerat Moy ses, *Dent. 4. v. 43.*  
Iosue sex, in quas, qui homicidii rei erant, se reciperent. *Ios. 6. 20. v. 8.*  
Magne Deus, quantum criminum me reum agnosco! leve est homicidium, cùm me quasi parricidam tui considero. quò à facie iræ tuæ confugiam? aut quis securitati meæ locus aperietur?

Ne time peccatrix anima, civitatem refugii unam tibi constituo, in quam te recipias aded munitam, ut nec cœlum, nec terra, nec inferi adversus eam possint prævalere, de qua eleganter ille, *Ingl. Elog. 86.*

*In civitatem refugii,  
Quò facilior sit reis ingressus,  
Non in uno dumtaxat latere.*

*Sed*

Sed &amp; in omni angulo

Suam pandi januam decuit.

Civitas hæc est Cor Domini Iesu quinque patens januis, qui pro te mortuus & crucifixus est; quem tamen iterum peccatis tuis in te crucifixisti uti ait Apostolus, aded tamen clemens, ac benignus est, ut in hoc suo Deicidio, tibi pro refugio, latus ac cor, totumque se offerat; sacris suis quatuor aliis vulneribus, ut in ipso securior lateas, quasi totidem propugnaculis communitum. Si quis fugerit, in aliquam scilicet designatarum urbium, vivet, ait Scriptura. *Tutum refugium*, ait Augustinus, *mihi præbent vulnera Salvatoris. Columba mea in foraminibus petra. Hac petra foramina*, inquit Bernardus, *rectè quidam vulnera Salvatoris interpretatur. In his passer nidum sibi, & turtur domum invenit: in his columba se tutatur, & secura circumvolantem in- tuetur accipitrem.*

In Man.

c. 22.

Cant. 2.

v. 14.

Serm. 61.

in Cant.

Manus. in

Apot. l. 7.

n. 335.

In vita Xenocratis, memorabilis refertur eventus qui ad rem nostram mirè facit. Passerem insequabatur accipiter, ille volatu vario, ac flexu hostem delu-

deludens, tandem anhelus, & jam jam capi, ac laniari metuens ad Chalcædonem sub fago intuetur Senatum considerare, in cujus medium convolans pro azylo Xenocratis finum occupat, qui aviculæ misertus, atque ad collegas conversus, oportet, inquit, profugam, ac supplicem protegere. Eia anima mea, te accipiter tartareus, ut passerem mox discerpendum insectatur, ecce Senatum sacratissimum in Calvariæ monte sub Crucis arbore congregatum, mortuum scilicet pro te Salvatorem in virgineo matris gremio depositum, Ioannem Zebedæi, Iosephum Arimathæum, Nicodemum, aliosque de sepultura defuncti Iesu consilia agitantes: Coniice te, si rapacem cupis hostem evadere, in sacrum hunc confessum, confuge in sinum imò in latus Salvatoris tui. *Nam ubi tuta, firmaq; securitas*, inquit Bernardus, *nisi in vulneribus Salvatoris? tantò illic securior habitas, quanto ille potentior est ad salvandum. Fremat mundus, premat corpus, diabolus insidietur: ne time, quia in foraminibus petra secura es.* Hæc Bernardus.

Age

S. m. 61.  
in Cant.

Brev. Rom.  
10. Nov.

Anonymus  
tratt. Ital.  
de pass.  
Dom.

Age itaque, anima mea, totâ devotione, cum Bernardo, in Christi vulneribus, & jugi meditatione demorare, inde Martyrii omnisq; adversitatis tolerantia, inde tibi magna fiducia apud Deum altissimum. Nam quid est, quod stet Martyr irripudians, ac triumphans toto licet laceratus corpore, & rimante latera ferro, non modò fortiter, sed & alacriter, sacrum videns è carne sua ebullire cruorem? Tryphon miles fortis, & sanctus in equuleo torquetur, & ferreis ungulis excarnificatur. Deinde sublimis pedes clavis candentibus ad trabem confixus, fustibus cæditur, facibus aduritur; Conon ante Imperatoris currum, pedibus, clavis transfixis currere jubetur, & cursui immoritur. Vbinam, quærit Bernardus, tum Martyrum erat anima? nempe in foraminibus petra, in visceribus Iesu, vulneribus nimirum patentibus ad introeundum. Ecce anima mea Martyrum in tormentis, ecce tuum in tentatione, ac ærumnis perfugium.

Ad hoc refugium se invitabat beatus Vbertinus de Casali è S. Francisci familiâ, vir doctissimus ac religiosissimus,



mus, qui dicere solitus erat: singulis Veneris diebus, non aliud se mente volvere, quàm clavos, spinas, & crucem Domini; neque alio se cibo animam pascere, quàm sanguine ac vulneribus Salvatoris. Beatæ omnino animæ, quæ sic esuriunt, & saturantur. Ad vesperam verò eiusdem diei, totus erat, ut mœrentem Deiparam, in doloribus suis, ex dilectissimi filii acerbissimâ passionis, ac ignominiosissimæ crucis morte haustis, consolaretur. Ipsum audite:

*Veni, inquit, anima mea, & ingredere benedictam domum tuam. Quid foris manes?*

*In arb. vi-  
ta crucifixa  
Iesu, l. i.*

*profuge ad locum tabernaculi admirabilis, ad* c. 9.

*terram promissionis, ad sacratissimam scilicet Domini Iesu vulnera, non jam lacte, & melle, sed divina benignitate, & suavitate manantia. Ingredere ergo, & caveto egredi cor divinum, & amabile Salvatoris tui, in quo es quidquid es, & extra quod non bene es. Dina egressa est, ut videret filias regionis aliena, & se vanitate illarum pascere, & perire. Semei Hierosolymâ egressus est, ut servos suos, mundi scilicet honorem, & gloriam quæreretur, & trucidatus est. Prodigus*  
ille

ille egressus paternâ domo, abiit in regionem longinquam, & tantum non fame est absumptus. Occlude itaque anima cordis Iesu ostium, in hoc cubiculo te contine, in hac urbe refugii, in qua secuta nullum hostem timeas; extra quam cum Dina, Semei, ac Prodigio necesse est ut pereas, uti peribat nocens quisquis in lege veteri extra refugii urbem deprehendebatur.

In hac refugii urbe perstitit ille, qui graviter oppugnantem se dæmoni aiebat; vulnera Domini Iesu sibi locum refugii esse, atque in iis se tutum securumque vivere.

In caus.  
quæst. 12.  
1.2.

Verum quando opportunius ad hoc asylum confugiemus? Refert Archidiaconus olim Sacerdotem, sacram Eucharistiam, per plateas deferentem pro asylo fuisse. Ad hoc idem asylum confuge anima mea cum è Sacerdotis manibus Sacratissimo Domini corpore reficeris. Patent enim tum tibi ejus manus, pedes, ac latus, ut in illa tanquam in securissimum asylum te recipias.

Neque tantum dum vitam fungimur,  
sed

sed etiam cum ea defungimur, ad has  
refugii urbes nobis confugiendum est  
cum Sancto Præfule Eligio, qui ani-  
mam agens: *Aperi mihi, inquit, Domi- In vita*  
*ne, aperi mihi latus tuum, & cor divinum ejus.*  
*lanceâ apertum, ut Principes tenebrarum,*  
*non occurrant mihi, nec me conturbent pote-*  
*states aëris hujus, sed hoc sanctum vulnus*  
*tuum protegat me, & potentia tua defendat*  
*me. Ita & tu anima mea, cum Præfule*  
*hoc sancto, & cum sancta Matre Eccle-*  
*sia opta & ora.*

*O bone Iesu exaudi me.*

*Intra vulnera tua absconde me,*

*Ne permittas me separari à te,*

*Ab hoste maligno defende me,*

*In hora mortis meæ voca me.*

## CONSIDERATIO V.

### *Vulnera Christi*

#### *Remissio debitorum nostrorum.*

**C**Arolo V. magno Cæsari Antver-  
piam suam videnti Mercator præ-  
dives, in amplissimo conclavi luculen-  
tum

tum ex cinnamomo, aliisq; aromatibus ignem struxisse fertur, displicuit Cæsari prodigalitas; perplacuit tamen illi alterius Mercatoris munificentia, quâ flammis Chiographum iniecit multorum millium aureorum, quos Cæsar illi debebat.

Tali & nobis igne opus est, ut in eo *Chiographum decreti* exuramus, quod juxta Apostolum, *nobis contrarium*, & uti sanctus Thomas ait, *est in Dei, conscientia nostra ac diaboli manibus. Omnes enim, qui se peccato obstringunt, obligationem scribunt*, juxta Origenem, *reos se esse pœnarum ignis aeterni; in aeternum Deo persolvendarum.*

Anima mea, quæ ratio, quisve modus ut à Chiographo hoc libereris, & reddaris indemnis? ne, ut ait S. Thomas, à nobis illud exigit Deus, ne deinceps illo Conscientia tua gravetur; ne in severo illo judicii die, quando debita omnia rigidissimè persolvenda sunt, eodem te dæmon oneret, & accuset? *Venit Christus*, inquit Chrysostomus, *& invenit nostrum paternum chiographum, quod*

Colof. 2.

v. 14.

Ibid.

Hom. 1. in  
Genes.Hom. 1. ad  
Neophy.Ad  
tra  
de  
D.



*quod conscripsit Adam, ille initium induxit debiti, nos fœnus auximus posterioribus peccatis. Quis fœnus hoc dissolvat?*

O ignis qui semper ardes, & nunquam extingueris, omni aromate, ac cinnamomo suave olentior; tu flagellis, ac spinis, tu crucis ligno, tu clavis ac lanceâ, tu in misericordiâ, ac miserationibus extractus es, in sanguineis illis quinque conclavibus sacratissimorum vulnerum Salvatoris, ut debiti nostri in te exuratur Chirographum, cui nos solvendo pares non eramus.

Alexandro Macedonum Regi magno nuntiatum cum esset, militum suorum plurimos ære alieno gravi obstructos esse, voluit ut singuli sincerâ fide illud denuntiarent, spondens se omnia persoluturum. Hoc facere cum illi palam non auderent, nova, eaque multiplicia ostia in palatio fieri curavit, ut sua nomina deferentium verecundiæ consuleret. Eia anima mea, habes & cubicula tua, viscera scilicet misericordiæ Salvatoris nostri. Habes & ostia, sacra scilicet eius vulnera; in illis non

*Plus. in  
Alex.*

corruptibilibus auro, vel argento, sed sanguine agni immaculati debita tua persolventur.

Egregium & illud, imò regium quod de Ludovico XII. Galliarum Rege refertur: ubi hic descripta eorum nomina legisset, à quibus graves injurias passus fuerat, cruce illa induxit, cruci Dominicæ veluti trophæum chirographum hoc affigens, ipsius Domini ac Salvatoris sui exemplum secutus, qui chirographum decreti seu peccatorum nostrorum cruci suæ affigens, illud cruce sua induxit, ac pretioso suo sanguine deleuit, debita à nobis olim præstanda nunquam repetiturus. Unde rectè S. Ambrosius, *Delevit sanguine suo atramentum Evæ; deleuit hereditatis obnoxie obligationem.* Et iterum: *Eramus oppignorati malo creditori, contraxeramus chirographum culpa, pœnam sanguinis debebamus. Venit Dominus Iesus, suum pro nobis effudit, & debitum nostrum deleuit.* Hæc Ambrosius.

B. Alquirinus Doctor medicus, in Clara valle Ordinis Cisterciensis, Deo se dedi-

nussin  
ourt S.  
marquez  
r la colo-

ib. I.  
sol. Da-  
d c. 13.

b. 4. de  
rg. p. 4.

A  
cr. nabus  
de nachus  
P. Cister.  
D. e. 56.

dedicans in sublevandis ægris inopiâ  
pressis, virtutem suam, atque artem me-  
dicam maximè commendabat: nemi-  
nem omninò abhorrebat qualicumque  
demum morbo afficeretur, expurga-  
bat ulcera, osculabatur, exsugebat;  
perinde ac si sacris Domini vulneribus,  
fontibus illis mellifluis os admovisset;  
quos pharmacis non poterat, curabat  
fufis ad Deum precibus. Cùm viri Prin-  
cipes, in morbis suis opem ejus implo-  
rarent, eam illis nunquam impendit,  
reddebatque facti rationem, se non  
Magnatibus, sed pauperibus, qui Do-  
minum Iesum referrent, curandis, à  
Deo vocatum esse. Fuit autem hæc er-  
ga ægros inopes Alquirini caritas, &  
commiseratio Deo tam accepta, ut,  
cùm morte jam vicinâ, de peccatis suis  
admodum esset anxius, Salvator se illi  
videndum exhibuerit, patentibus vul-  
neribus, cum invitans, atque am-  
plexans, ut osculum his ferret, fidu-  
ciam famulo suo addens, certumque  
reddens in illis, sacratissimi sanguinis  
sui pretio, chirographum debiti, quod

contraxisset, jam pridem deletum esse, ac persolutum. Atque ita liber & lætus cum Domino suo, ad cœlos abiit Alquirinus.

Lib. 1. de  
Virg. p. 4.

Et tu anima mea, tam gravi chirographo liberata, tam grandi pretio redempta, cum Ambrosio perpende; Bonum servum conari præstare Domino pretium, quod pro se solutum est. Noli aurum præstare, noli argentum. Non divitis istis te Christus redemit. Sanguinem solvit, sanguinem debes. sed non potes, inquires, sanguinem reddere. Ergo dignam te præbe tali pretio, ne veniat, & dicat tibi: Quæ utilitas in sanguine meo? Ita Ambrosius.

S. Leo

Serm. 10.  
de pass.

Numquam non animo inhæreat quanti benignissimo Redemptori steterit nos è gravissima servitute, in libertatem filiorum Dei asseruisse, quod Leo magnus solerter expendit: Evacuatum est illud generale venditionis nostræ, & lethale chirographum; & pactum captivitatis in jus transit redemptionis.

Ar  
tra  
de  
Do





**A**D vulnus pedis dexteri, cum vero emendationis proposito, Deum orabimus, ut nos à peccatorum periculis liberet; contra tentationes, vires, & opem tribuat, atque in virtutum & bonorum operum studio, desideria nostra augeat.

CONSIDERATIO I.

*Vulnera Christi*

*Arma animarum.*

**D**avid filius Isai ovium pastor, in 1. Reg. 17  
arenam contra Goliathum, fin- v. 40.  
F 4 gulari

gulari certamine ingressurus, non aliis armis, quàm fundâ, baculo, & quinque limpidissimis lapidibus usus est, quos de torrente legerat, & miserat in peram suam pastoralem.

In antiq.  
Juda.

Philo Iudæus, ait lapidibus hisce insculpsisse Davidem nomina celeberrimorum Patriarcharum, Abrahami, Isaaci, Iacobi, & Moylis, quinto verò nomen Iosue Iudicis, ac ducis populi Israël, qui re, ac nomine Dominum Iesum referebat.

Prodit itaque ad certamen Goliathus, obviam illi procedit David, qui quinto lapide, Iosue, hoc est, Iesu nomine insignito, oneratam atque armatam fundam circumagens, lapidem illum in Gigantis frontem impexit, eumque prostravit, & turri illi carneæ ense suo à cervice caput avulsit.

2. 40. v. 10.

Habet & homo hostem suum, quem Behemot seu Leviathan Iob appellat, cuius ferocia tanta est, ut comedat sicut paleas ferrum. Nonne militia cum eodem Iobo, rogat Augustinus, est vita hominis super terram? Cui enim non est necesse tentatio-

An Lib. 10.  
tra Conf. c. 28.  
de Do

tatio-

rationes, & molestias pati? Tolerari eas jubet Domine, non amari, nemo quod tolerat, amat, *et si tolerare amat: quamvis enim gaudeat se tolerare, mavult tamen non esse, quod toleret.* Heu mihi, Domine, miserere mei. Ita Augustinus.

Contra hunc hostem animos nobis addit Apostolus, cum ait, *Confortamini* Ephes. c. 6. v. 11. *in Domino, & in potentia virtutis ejus, induite vos armaturam Dei, ut possitis stare adversus insidias diaboli.* Verum quæ hæc armatura Dei? non alia sanè, quam Davidis baculus, Crux scilicet Christi; ejusdem funda, intellectus noster; lapides quinque limpidissimi, cruenta quinque Salvatoris vulnera, nomine Domini Iesu insignita; quæ consideratione piâ, atque attentâ quasi fundâ circumactâ, vi, atque impetu motæ voluntatis hostem nostrum prosterment; ad quem insultando Augustinus; *Percussisti, vulnerasti, dejecisti.* Serm. 43. de verb. Dom. *sed vulneratus est pro me, qui fecit me, & de morte sua vicit te.* Deinde Christianorum Athletarum ad certamen erigens animos; *Quid vultis, inquit, ô Sancti, ô boni praliatores, ô fortes milites*

*lites Christi! quid vultis? ut non sint omnino concupiscentia mala? sed non potestis. Exercete bellum, sperate triumphum. Armate vos, sumite instrumenta bellorum. Præcepta Dei (præcepta amoris, vulnera, inquam, Salvatoris) arma vestra sint. Hæc Augustinus. His veluti totidem clypeis anima mea hostem tuum aggredere, illa veluti totidem æneas balistas Domini Iesu meritis operatas, divini amoris igne accende, atque in eum exonera, & de victoria secura es.*

*Io Pier.  
Valer. in  
Apend.  
Hierogl.  
l. II.*

Antiochus, qui ΣΑΤΗΡ, seu Salvator cognomento dictus est, cum adversus Galatas pugnaret, nec satis ex sententia res succederet, essetque in discrimine; ut militum animos in spem erigeret, aiebat per quietem vidisse se, vel se vidisse simulabat, Alexandrum Magnum, se monentem ut salutis, ac victoriæ symbolum assumeret, idque pro tessera Tribunis daret. Symbolum autem illi huiusmodi ostendisse, triangulum triplicem invicem insertum, ex lineis & angulis quinque constantem, in quibus ΤΡΕΙΑ, id est, salus scriptum

*Ar. 2  
tra C  
de  
Do*



ptum erat. Istud vana, ac profana Gentilium superstitio fingebat. Quæ enim in pentagoni tessera salus, seu victoria inesse potuit? aut cur Salvatoris nomen sibi arrogavit Antiochus? Vnicus & æternus nobis Salvator est Christus Iesus, qui in bello, quod cum tartareo hoste pro anima gerimus, salutis tessera ac symbolo sacris scilicet suis quinque vulneribus, divino veluti pentagono, signatis, certam victoriæ, ac salutis spem pollicetur.

Quantò ergo sanctiùs, quia veriùs & religiosiùs Alphonsus primus Lusitanix Rex, cum exercitu suo non copioso, à quinque Maurorum, seu Saracenorum Regibus obsidebatur. Anxio, Deumque tota nocte deprecanti apparet Salvator madentibus recenti sanguine vulneribus, illum cohortans, ut copiis suis, licet exiguis, hostem aggrederetur, auxilium illi de cælo adfuturum; Rex cælesti monito erectus, nova, & non visa hætenus arma, clypeum scilicet & labarum scutulis quinque distinctum, quibus quinque Domini

*Vascon.de**Reg. Lusit.*

mini vulnera insculpta erant, parat; militem de conspecto à se, illa nocte, crucifixo Domino monitum, in hostem ducit, eumque fundit, quinque Domini vulneribus fortior ac felicior, quàm Mauri illi Reges exercitibus suis quinque instructissimis.

*Cosm. Ma-  
ga: pres.  
in Iosue.*

Vir Princeps ad singulare certamen ab altero provocatus dolo usus, crystallinum scutum detexit, idque soli obvertens hosti objecit, qui radiorum percussu occæcatus, manus dare, & ex arenâ cedere cogebatur. Quot Iesu vulnera, tot nobis sunt clypei, qui radiis divinitatis, ac meritorum ejus oculos hostis nostri hebetent, eumque nobis subiiciant. Crucifixus Salvator instar illius est turris, quæ ad Sionis arcem à Davide ædificata est, ex qua mille clypei pendent, omnis armatura fortium. Nam in cruce Dominus, veluti in turri munitissima, contra hostes animæ nostræ appendit, non mille, sed quinque tantum clypeos, vulnera scilicet sua sacrosancta, clypeis omnibus validiora, ac potentiora, in quibus omnis armatu-

ra

*Cant. 4.  
v. 4.*

*Ant. 1  
tra C  
de  
Do*

ra fortium, Martyrum, Sanctorum, ac  
servorum Dei consistit. Non enim cly-  
pei solum, sed & tela, & gladii, & hastæ,  
& lanceæ, omneq; armorum genus no-  
bis sunt Domini vulnera, ad vitiorum  
omnium auctores hostes profligandos.

Quo armorum genere ut utamur,  
hortatur nos S. Petrus, cum ait, *Christo* Ep. I. c. 4.  
v. I.  
*passo in carne, & vos eadem cogitatione ar-*  
*mini:* in Christo enim passio, ac vul-  
nerato, & cum illo certandum, vincen-  
dum, ac triumphandum nobis est. est  
enim Christi passio, & crux, inquit Cor-  
nelius à Lapide in hunc locum, plena  
armatura, sive Panoplia, quâ debellavit  
peccatum, mortem, infernum, ac diabo-  
lum. unde Doctor Angelicus ait, *Chri-* D. Thom.  
in epist.  
Pet. I. c. 4.  
v. I.  
*stum in cruce fuisse instar equitis ar-*  
*mati:* coronam enim spineam illi fuisse  
pro galea, cruorem toto corpore perfu-  
sum pro lorica, clavos pro gladio, cru-  
cem pro equo: neque lanceam defuisse,  
ac scutum sacra quinque vulnera, at-  
que hanc armaturâ mundum, carnem, ac  
dæmonem profligasse. *Christo igitur pas-*  
*so in carne, anima mea, arma te adversus*  
*hostes*

hostes tuos omnes, ejusdem passionis cogitatione, memoriâ, consideratione, invocatione. Iisdem enim armis necesse est uti & pugnare te, quibus usus est, & pugnavit pro te Christus; qui & tibi paratus est se armigerum præbere.

Barth. Fi-  
zen. in ejus  
vita 9. Oct.

Elisabetha Wansia, virgo domo inter Leodienses nobilis, Christi patientis supplicia tanto affectu meditabatur, ut illa numquam de memoria dimitteret; sed neque ipsa à Domino relinquebatur. Totos tres annos quocunque se illa conferret, ille crucifixus euntem ita comitabatur, ut nunquam abiret à conspectu; & si quæ fortè impuræ, ac illicitæ cogitationes animum pulsarent, arma illicò expediebat, & revulsam à cruce dexteram pectori Elisabethæ admovebat, hostemque abigebat. Ita Christus suis semper est futurus armiger, & armiger, ut si velint, semper vincant, & de adversario suo triumphant.

Jo. Bollandus & Go-  
desfridus  
Hensche-  
nius in  
M.S.

Ita pugnavit, vicit, ac triumphavit B. Christina mirabilis, non illa Leodien-  
sis Hasbana, sed Colonienſis Agrippi-  
na, quamvis isti par virtute, opere, dæ-  
monum



monum tentatione , & gratiis à divina manu liberaliter acceptis, æquè mirabilis. Huic à Dæmone vix unquam ulla erat requies , modò illi corpus maleis, veluti in incude rundebatur ; modò manus ac pedes clavis terræ affigebantur , modò aliis cruciatibus afficiebatur ; semper tamen constans Christina non alia arma, non alios defensores, præter Domini vulnera implorabat, quæ, oculis animoque semper iis intentata, iisdem dimicabat, iisdem vincebat, ac triumphabat.

*Apprehende hac arma , & scutum (anima mea) & exurget Dominus Iesus in adiutorium tibi.*

## CONSIDERATIO II.

### *Vulnera Christi.*

#### *Lux animarum.*

**P**Rænunciavit hoc lumen Isaias, *Cap. 62.*  
cùm ait: *Propter Sion non tacebo ; & v. 1.*  
*propter Hierusalem non quiescam ; scilicet*  
ejus

ejus salutem annuntiare, donec egredia-  
tur, ut splendor, justus ejus, & Salvator ejus,  
ut lampas, accendatur.

Math. 5.  
v. 15.

Docet Salvator neminem accendere  
lucernam, & ponere eam sub modio, sed super  
candelabrum, ut luceat omnibus, qui in domo  
sunt. In obscurissimâ plurimorum erro-  
rum nocte, à salutis tramite aberrabat  
mundus ante Salvatoris adventum,  
verùm cùm ad nos advenit, populus, ait  
C. 9. v. 2. Isaias, qui sedebat in tenebris, vidit lucem  
magnam, quinque quippe lucernas san-  
ctissimorum suorum vulnerum accen-  
dit, & candelabro crucis suæ imposuit,  
ut illuminarent omnem hominem venien-  
tem in hunc mundum, & ad virtutis, ac sa-  
lutis æternæ viam tenendam nobis  
prælucent.

Plin. 2.  
c. 103.  
Ios. 15. v. 7.

Lubet hîc cum D. Augustino quæ-  
rere, quomodo fontes vulnera Salva-  
toris, quomodo dicantur lucernæ? Ait  
Plinius fontem esse qui faces accen-  
dat. De fonte Solis meminit Scriptura,  
an fortè, quod & fontibus sua lux in-  
sit? Apud Estherem, fons parvus crevit in  
fluvium maximum, & in lucem, solemque  
con-

Ap. Esther. 10.  
c. 6.  
de  
D.

conversus est: sed D. Augustinum audia- *Tract. 34*  
mus in hæc Regij Prophetæ verba: *in 10.*

*Quoniam apud te est fons vitæ, & in lumine* *Psal. 35.*  
*tuo videbimus lumen. In usibus, inquit il-* *v. 10.*

le, corporeis, aliud est lumen, aliud est fons.  
Non sic est apud Deum: quod lumen est, hoc  
est fons: qui tibi lucet, ut videas, ipse tibi ma-  
nat, ut bibas, ut te reficiat, ut te abluat. Ita  
& vulnera Salvatoris quæ sicuti fon-  
tes nobis fuerunt ad eluendas pecca-  
ti sordes, ita & lumen erunt, quo vir-  
tutis atque æternæ salutis via nobis o-  
stendatur.

Lux hæc sanctæ Franciscæ Roma- *In ejus vi-*  
næ, dum Deum deprecaretur, oborta *ta.*  
est. Videbat sacra Domini vulnera ra-  
dios suos ejaculari Solis instar, in au-  
gustissimam, ac sanctissimam Trinita-  
tem, in Virginem Deiparam, Angelos,  
ac sanctos omnes; fulgore novo cœ-  
lum omne coruscabat. Observans de-  
inde quâ ratione lux hæc ad homines  
se diffunderet, videbat alios uno tan-  
tùm vulnere, quosdam duobus, non-  
nullos tribus, paucos quatuor, paucio-  
res quinque, pro meritis suis omnes il-

G

lustra-

lustrari, ut singulis constet, unde vitæ æternæ lumen illis oboriatur.

Euseb.

Nicrinb. in  
vita.

Divinam hanc lucem etiam Francisco Zuario Societatis nostræ religiosissimo ac doctissimo viro illuxisse ferunt. Cum enim ante Christi è Cruce pendentis effigiem à terra sublimis oraret, à Collegij Ianitore cubiculum ingrediente visus fuit Salvator ex imagine & vulneribus suis radios in Francisci vultum ac pectus emittere, virtutis ejus ac religionis testes.

Brev. Rom.  
21. Mar.

Hac etiam luce illustratus fuit sanctus Benedictus, magnus ille religiosi Ordinis in Occidente Patriarcha, cujus animam duo Monachi viderunt in cœlum euntem, pallio pretiosissimo ornatam, & circum eam fulgentes undique lampades, simul clarissimâ, ac gravissimâ specie virum, dicentem: Hæc est via, quâ dilectus Domini Benedictus cœlum ascendit; lampades scilicet, virtutes ejus erant, quæ à sacris Domini vulneribus lucem suam omnem acceperant.

Orabis anima mea, & obtestaberis  
Sal-



Salvatorem tuum, ut in divino fulgen-  
tissimorum vulnerum ejus lumine tibi  
resplendeat lumen humilitatis, obe-  
dientiæ, patientiæ, ac reliquarum ejus  
virtutum, ut dum iis illustraris, ita luceat *Matth. 5.*  
*lux tua coram hominibus, ut videant opera v. 16.*  
*tua bona, & glorificent Patrem tuum, qui in*  
*cælis est.*

### CONSIDERATIO III.

#### *Vulnera Christi*

#### *Thesaurus animarum.*

**C**RUX index fuit Tiberio Constan- *Paul. Dias*  
tinopolitano Imperatori thesauri *l. 3. c. 6 de*  
à Narcete olim defolli, qui ne prodere- *gest. Longo-*  
tur, familiares suos illius conscios om- *bard.*  
nes trucidavit. Satis quippe illi fuit si  
esset, etiamsi prodesset nulli.

Afferit Salvator, simile esse regnum cœ- *Matth. c.*  
lorum thesauro abscondito in agro, quem qui *13. v. 44*  
invenit homo, præ gaudio illius, vadit, & ven-  
dit universa quæ habet, & emit agrum il-  
lum. Thesaurus hic Christus est, neque  
aliud optamus, aut quærimus; investi-  
gabiles

Phes. 3.  
v. 6.

Is. 6. 2.  
v. 10.

p. 1. 1. 1.  
c. 1.

Ingl. eleg.  
36.

1 Apoc. 3.  
v. 18.  
1

ad  
tra  
de  
Do

*gabiles enim ejus divitiæ sunt, ut ait Paulus; stabiles scilicet atque æternæ: mundi verò labiles, ac fluxæ. sed quomodo thesaurus hîc inquirendus? uti alii omnes, fodiendo. Salvator autem spinis confossus, flagellis peraratus, clavibus, & lanceâ perfossus est. Ingredere itaque anima mea cum Propheta, & abscondere in fossa humo, crux tibi index est thesauri in ea latentis, in vulneribus scilicet ac visceribus Salvatoris. Ecce, clamat S. Bonaventura, apertus est thesaurus divinæ sapientiæ, & æterna suavitas; intra vulnere aperturam, & eum invenies, de quibus eleganter ille:*

*Has qui scrutari fodinas dilexerit,  
Paupertatem non timeat:  
Manant hinc divite vena thesauri,  
Vnde mundus quandoque aureus fiat.*

illo scilicet divinæ charitatis auro, quod ignitum à se, apud Ioannem, emi voluit Dominus.

Sunt hæc sacra Domini vulnera quinque illa talenta, quæ ipse, non peregrè proficiscens, sed à peregrinatione sua in patriam revertens dedit nobis, ut in

in iis prosperemur & lucremur alia  
quinque, omnem scilicet gratiarum  
abundantiam; eoque lucro provocatus  
Dominus ponat nos super quinque ci-  
vitates, sensibusque nostris quinque  
dominemur. Eia ergo anima mea, noli  
divina hæc talenta sudario obliuioſo  
involuta negligere; sed pone illa ad  
mensam, mensam, inquam, sacratissimi  
Corporis Salvatoris, & coelestem tibi  
usuram reddent, ac veluti bono fide-  
lique servo gaudium Domini tui fœne-  
rabuntur.

Scribit Isidorus in Lybia lapidem Lib. 6. c. 4  
reperiri, qui in exiguo orbiculo sexa-  
ginta gemmarum colorem referat; ada-  
mantis radios, Smaragdi virorem, can-  
dorem margaritarum, flammæ Pyropi,  
Sapphyri notas aureas, & sic deinceps.  
Ita & in sacris ac sanguineis Domini  
Iesu vulneribus, in divinis illis veluti  
pyropis, observare est Angelicorum  
ordinum omnium gratiam, Patriarcha-  
rum fidem, Prophetarum lumen, Apo-  
stolorum zelum, Martyrum fortitudi-  
nem, Virginum puritatem, Sanctorum

omnium virtutem : denique , ut cum Chrysostomo loquar , totius divinitatis, atque humanitatis Christi divitias.

*Iscon. de  
reg. Lusit.*

Ioannes II. Portugaliæ Rex, sui semper similis , in concepta erga Domini vulnera religione, morti proximus per illa à viro nobili subsidium pro inope familiâ rogatus , omnem ei suppellectilem suam argenteam largitus est , donoque huic annum censum liberalem addidit. Anima mea , si sacra Domini vulnera apud Reges & Principes , terrenas opes inveniunt , quid ni & à Deo coelestes obtineant.

*Fred Forn.  
n prefat.  
rosa pent.*

Rosæ pentaphyllæ , de qua suprâ, aquas, oleum, unguentum, pulveres, aliasque ex illa confectas medicinas Regibus suis offerre solent Indi , cum ab illis beneficium aliquod postulant. Nos rosæ pentaphyllæ nostræ, sacratissimorum scilicet Domini vulnerum aquas, sanguinem, merita coelesti Patri offeramus , & à divina illa bonitate tanto dono provocatâ, necessitati nostræ gratiarum omnium thesauros impetabimus.

Rectè

Rectè quærit Ecclesiasticus; *Sapient. 6. 20. v. 31.*  
*ria abscondita, & thesaurus invisus, qua uti-*  
*litas in utrisque?* Magno sanè bono nos  
privamus, quia thesauros illos in pro-  
patulo positos, & nobis obvios, quasi  
abditos præterimus, & negligimus; ne-  
que in fossam illam corporis Domini  
humum, cum Bernardo, ingredimur, in  
eaque, piâ meditatione abscondimur,  
ut illos quæramus; quemadmodum  
quæsit, & invenit ille Societatis no-  
stræ Sacerdos, qui animam agens, cum  
magna lætitiæ signa vultu, animoque  
ostenderet, rogatus causam: si, inquit,  
alicujus oculis obversaretur ingens  
auri, argenti que vis, gemmarum que  
pretiosissimarum omnis generis copia,  
is que certus esset, hæc omnia sua esse,  
ut tanto thesauro Toparchiam ali-  
quam nobilem compararet, nōne me-  
ritò ingenti afflueret gaudio? Ita &  
ego video oculis meis obversari lacry-  
mas, labores, flagella, spinas, clavos, cru-  
cem, supplicia, vulnera, sanguinem Do-  
mini Iesu, certus que sum inæstimabiles  
hasce divitias, atque thesaurum hunc

*Apud Io.  
Euseb.  
Nieremb.*



immensum meum esse, ut eo cœlum mihi emam; cur igitur non gaudii omnis signa præferam? Atque hoc solatio, & fiducia plenus Dei servus vitam conclusit. Invenerat has opes, & thesauros Bernardus, cum ait: *Ego fidenter, quidquid mihi deest, usurpo ex visceribus Salvatoris, qua misericordia affluunt, neque desunt foramina, per qua effluat.* In vulneribus itaque Domini Iesu Thesaurus tuus est, anima mea, in iisdem sit & cor tuum. Nam cœlestis ille paterfamilias de thesauris istis profert nova, & vetera, veteris scilicet, ac novæ legis perfectionem ac sanctitatem.

Serm. 61.  
in Cant.

## CONSIDERATIO IV.

### *Vulnera Christi*

#### *Fundamentum Fidei, Spei, & Charitatis.*

Io. c. 8.

v. 28.

**C**um exaltaveritis filium hominis, ait Saluator, in cruce scilicet, & in ea illum clavis confixeritis, & lanceâ latus ejus aperueritis, tunc cognosceris, quia  
ego

*ego sum.* Vnde S. Bonaventura docet p. 1. *stima.*  
vulnera Salvatoris fundamentum esse c. 6.  
fidei, spei, & charitatis. Quò profundius  
fundamentum hoc in illis attentâ me-  
ditatione jacimus, eò altius virtutum  
harum ædificium exurget.

S. P. N. Ignatius Hierosolymitanum Nicol. Or-  
land. *hist.*  
Soc. Tom. 1.  
l. 4. n. 31.  
iter aggressurus, nullos viæ comites, li-  
cet se offerrent quamplurimi, nullum  
pecuniæ subsidium admisit. pro comi-  
tibus, aiebat, & omni subsidio, habitu-  
rum se fidem, spem, & charitatem in  
Deum, cum his securum se, ac tutum  
esse, ab his sibi, de necessariis, prospici-  
endum. Hisce sociis, se loca sacra, san-  
guine Domini conspersa veneraturum,  
auctioremque, ac beatiorum inde redi-  
turum, quando scilicet attentâ patien-  
tis, ac vulnerati Salvatoris considera-  
tione, incrementum illæ virtutes acce-  
pissent.

Quod ut consequeretur ubi primùm  
sacra illa attigit loca, uti refert Orlandi- *Hist. Soc.*  
2. l. 1.  
n. 37.  
nus, præcipuis nobilitata salutis nostræ  
mysteriis, solo illo, illis specubus, mon-  
tibus illis, tectorumque reliquiis anti-

qua repræsentantibus tempora, ipsasque res ante oculos ponentibus totus in lacrymas abire, pietatis sensu colliguescere, nec os, nisi ad reliqua raperetur, posse à primis avellere; ut quando non posset Dominum intueri ubi est, intueretur ubi fuit. Ita verò urgebat virum sanctum in Redemptorem suum caritas, ut optaret, arderetque illo in loco vitam ponere & sanguinem fundere, ubi Salvator vitam posuisset suam, & suum fudisset sanguinem. Reditum autem in Europam cogitans, cupidus relicta à Christo in cœlum subeunte vestigia regustandi, raptim in Olivetum montem evolavit, ubi cùm pietati atque affectui suo suavissimè satisfecisset, ad sancti Francisci cœnobium revertens, Salvatorem habuit viæ comitem, fidei, spei, ac charitatis suæ magistrum, ut quibus comitibus venerat Ierosolymam, iisdem auctior, & confirmator Venetias, unde solverat, regrederetur, quod non multò post paruit. Stabant Cypri in portu quo felici cursu fuerat appulsus Ignatius, navigia

vigia tria mox in Italiam solutura. Turcicum unum, alterum Venetum firmum ac magnum prædivitis mercatoris; tertium pusillum vetustate, carieque fatiscens, cumque quidam peregrinorum instaret apud navis robustissimæ Navarchum, ut Ignatium susceperet, sanctum esse hominem, is cognito quod pauper esset, sanctis navigio opus non esse respondit: sed brevi didicit cavillator impius re ipsa, non ita sanctos viros navigiis, quam navigia sanctis opus habere. Nam cum tres illæ onerariæ pariter vela secundo vento fecissent, sub vesperam gravissimâ tempestate coortâ, Turcica continuò periiit. Veneta prope Cyprum allisa in scopulos naufragium fecit, hominibus dumtaxat salvis: parvula, & malè cohærens, in quam gratis, facileque Ignatio ascensus patuerat, quamvis multum jactata, cursum tamen incolumis tenuit.

Præfecerat quippe vir sanctus illi pro Navarcho & epibatis peritissimis, spem ac fiduciam in Deum, eò securior quò

quod divina illa virtute à passi & vulnerati Salvatoris conspectu ac meditatione auctior & confirmator Ierosolymis factus, non dubitabat quin æternus Pater, qui proprio filio suo non pepercit, sed pro nobis omnibus tradidit illum, ipsi non solum felicitis cursum navigationis, sed & alia omnia cum ipso daturus esset.

Quod & viso altero confirmavit Deus, voluitque servi sui Ignatij in se fiduciam ac spem non minore beneficio magis corroborare. Romam vir sanctus, postquam Parisiis novem sibi adlegisset socios cum fabro & lathio, reliquis per Italiam ad Evangelium distributis, properans, toto in itinere, præsertim dum quotidie cœlesti pane reficitur, frequentia supra naturam divinitus lumina recepit. Illud maxime, quod diu in optatis habuerat, animo versabat, quemadmodum posset quasi in familia Christi Iesu famulus cooptari; assidue sanctissimam rogans matrem ut apud filium sibi conditionem inveniret; id ipsum ab æterno ejus Patre



Patre flagitans, ut eum sibi conciliaret. Itaque sanctis hisce cogitationibus plenus, quo die propius accedebat ad urbem, cum templum salutandi Numinis gratiâ solus esset ingressus, mente excessit à sensibus, & in ipso contemplationis æstu Majestatem Dei patris, qui filio Iesu crucem bajulanti se suosque amicissimè commendabat, clarissima luce perspexit, quos cum in suum Iesus patrocinium, fidemque reciperet, ad Ignatium placido ore conversus, *Ego vobis*, inquit, *Roma propitius ero*, Ignatij in se spem ac fiduciam excitans eo quo passus ac vulneribus confossus fuerat schemate, ut & ipse & socij quos sibi adlegerat, & deinceps in Iesu Societatem adlegendi erant non aliis comitibus, non alio viæ subsidio quàm fide, spe, ac in Deum caritate à passio suo ac vulnerato Salvatore confirmati & corroborati, diversa loca peragrarent, vitamque in quavis mundi plaga agerent, animarum, ac divinæ Majestatis obsequio consecrati.

Ad Heb.  
12. v. 2.

*Habentes itaque ( ut cum Apostolo meos in Christo Iesu Socios compellem ) impositam nobis sanctissimum Patriarcham nostram imitandi dulcer necessitatem, deponentes omne pondus, & circumstans nos peccatum curramus ad propositum nobis certamen, aspicientes in auctorem fidei, & consummatorem Iesum, qui proposito sibi gaudio sustinuit crucem confusione contempta; ut qui crucem bajulans propitium se nobis futurum Ignatio ipopondit, per eandem à nobis, difficultate omni perrupta ac contempta, animas obtineat pretioso suo sanguine redemptas.*

At videamus modò quâ ratione fides, spes, atque in Deum caritas à passio, & vulnerato Salvatore in animis nostris roborentur.

Primum itaque fidei nostræ fundamentum esse passionem, & vulnera Domini, eaque testari ipsum verum Deum, Deique filium esse, probatissimum est; modus tamen adstruendi veritatem hanc, ab ea planè alienus videtur. Nam capi, ligari, ut virum sce-

ratif-

ratissimum ad tribunalia varia abripi, conspui, pugnis contrundi, cædi colaphis, flagellari, coronari spinis, vario ludibrio exponi, cruci, inter latrones, suffigi velut novissimum virorum, lanceâ deinde latus aperiri, quis dicat, judicetque clarissima in Christo Divinitatis esse argumenta? cum præsertim nemo, quamvis mortalium nequissimus, majori contemptu, graviori que supplicio affici potuerit. Nihilominus omnia hæc opprobria, tormenta, vulnera, Dominum Iesum, ut verum hominem, ita verum Deum probant, teste Centurione, qui Salvatoris patientiam, ac mansuetudinem, in gravissimis cruciatibus admiratus, cælumque videns, ac terram, in ejus morte commoveri, exclamavit: *Verè filius Dei erat iste!*

Hoc ipsum probat Isaias, cum ait: *de angustia* (legunt in humilitate LXX.) *& de judicio sublatu est, generationem ejus quis enarrabit?* Quis, inquam, eum à tot Iudiciis adeò severè examinatum, ut blasphemum à Caypha, ut amentem ab

Hero-

C. 53. v. 8.

Herode, à Pilato, Barabba viro seditio-  
so, latrone, homicidâ nequiores judi-  
catum expendens, ac in modesta illa, &  
patiente innocentia, sublatum in cru-  
cem, divinam ejus non fatebitur gene-  
rationem, quam & Pilatus ipse in illo  
agnovit, & reveritus est?

Ac, ne cui dubium relinquatur, Chri-  
stus ipse hoc de se testimonium dedit,  
cùm egresso Iuda ad eum vendendum  
& prodendum; *Nunc clarificatus est*, in-  
quit, *filius hominis, & Deus clarificatus est*  
*in eo, si Deus clarificatus est in eo, & Deus*  
*clarificabit eum in semetipso, & continuo cla-*  
*rificabit eum.* Perinde ac si diceret: Iu-  
das jam egreditur ad prodendum me,  
& tradendum; imminet ergo mihi crux  
infamis, ac dura mors, quæ adeò non  
cedit mihi ad ignominiam, ut per eam  
summè sim glorificandus. In illis enim  
non tantùm agnoscar esse filius homi-  
nis, & homo, sed & filius Dei, & Deus.  
coelum enim, & terra testabuntur  
Deum in cruce mori.

*In sacramento* Unde rectè Drogo S.R.E. Cardina-  
*Dom. pass.* lis occasione verborum apud S. Lucam.  
Et

10.13.

2.31.

Et cognoverunt eum in fractione panis ; in <sup>c.24. v.35.</sup>  
 mystico sensu ait : verè non cognosceris,  
 Domine , nisi in fractione panis. Panis caro  
 tua est. fregisti manibus tuis corpus tuum,  
 fregisti vulneribus scilicet corpus, quod foris  
 apparet, & ostendisti medullam scilicet divi-  
 nitatis tue, qua intus latebat, uti confractis <sup>Ios.6.7.</sup>  
 Gedeonis lagenis, lux qua in illis erat se pro- <sup>v.17.</sup>  
 didit.

Nabuchodonosor, Alexander Ma- <sup>Dan.3.</sup>  
 gnus Imperatores, Reges varii ac Prin- <sup>v.14.</sup>  
 cipes eò dementiæ abrepti sunt, ut Dii  
 à suis haberi & coli voluerint, etiam to-  
 nitrua, fulmina que fingentes, ut Dii  
 esse crederentur ; quos tamen verus, &  
 unus Deus miserrimos esse homines  
 variis argumentis ostendit, & ipsi de-  
 mum confessi sunt. Aliter Dominus  
 Iesus, qui in humilitate, & angustia, qui  
 in flagellis, & spinis, in clavis ac vulne-  
 ribus, in cruce & probrosissima morte,  
 ita se Deum testatus est, ut in nomine ejus <sup>Phil.2.</sup>  
 omne genu flectatur, cælestium, terrestrium, <sup>v.10.</sup>  
 ac infernorum.

Observant Interpretes, & inter hos  
 Cornelius à Lapide Societatis nostræ  
 H Theo-



ant. 2.  
114.

Theologus in eum scripturæ locum: *Columba mea in foraminibus petra, in caverna maceria*. Hebraicè legi, columba mea, in recessu scalarum petrae, in abscondito graduum maceriae. Habent multæ petrae, seu rupes foramina, quæ pro scalis serviunt: ita Alexandri Magni milites trecenti, editissimam & præcipitem vel maximè rupem per ejus foramina, quasi per scalas conscendentes, in supremo ejus vertice arcem munitissimam expugnarunt. Habet item maceria, murus scilicet cariosus, excussis vetustate hinc inde lapidibus, velut gradus suos, per quos etiam ascensus in urbes subinde patet, ut successus aliquando docuit.

Ait itaque Christus, qui apud Apostolum petra est, & in flagellato ac vulnerato corpore vera maceria, ait, inquam, fidelem animam alloquens: *Columba mea in foraminibus petra, in caverna maceria*, in sacris scilicet meis vulneribus commorare, per quæ, piâ meditatione, tanquam per scalarum recessus, & gradus absconditos, ascendes ad  
in.

intelligendam celsitudinem divinitatis  
 meæ, cum Thoma Apostolo meo. *O bo-* *Serm. 61  
in Cant.*  
*na foramina, inquit Bernardus, quæ fidem  
 adstruunt resurrectionis, & Christi divinita-*  
*tem! Dominus, inquit, meus, & Deus meus.*  
*Vnde hoc reportatum oraculum, nisi ex vul-*  
*neribus Salvatoris, quæ ad divinitatem ejus*  
*gradum faciunt?*

In hisce sacrorum Domini vulne-  
 rum gradibus à terra in coelum porre-  
 ctis, tantillum hæreamus. Ascendit per  
 eos Salvator ad Patrem suum, & Pa-  
 trem nostrum, ut per eosdem ad Apo-  
 stolos, & ad nos descenderet Spiritus *Genes. 28.  
v. 12.*  
 sanctus. Per hos, si ipsi voluerimus, non  
 minùs, imò & certius, quàm per scalam  
 Jacob Patriarchæ, descendant ad nos, &  
 ascendent à nobis ad Deum Angeli, ne-  
 cessitates nostras, & vota ad ipsum de-  
 ferentes, & dona ejus, ac gratias ad nos  
 reportantes. Per has scalas *ascendat homo* *Pf. 63. v. 3.*  
*ad cor altum, à terra scilicet, ac terrenis*  
*desideriis sublevatum, & exaltabitur in*  
*illo Deus, & ille in Deo.*

*Beatus planè ille, cujus est auxilium abs* *Pf. 83. v. 6.*  
*te, Domine Iesus qui novam hanc coro-*

nam usurpando, per quinquies quinque orationes Dominicas, piâ sacrorum vulnerum tuorum meditatione ordinatè dispositas, intermediis quinque salutationibus Angelicis, quasi per totidem scalas, *ascensiones*, & quidem purpureas, *in corde suo disponit*, per quas, ad votorum suorum, atque omnium bonorum culmen pertingat. Longè utique felicius Salomone qui ferculum fecit sibi, cujus inter cætera fecit ascensum purpureum, & cujus media charitate constravit. tui unius causâ fecit se ipse Dominus Iesus ferculum; ô filia Ierusalem, ô anima Christiana, & in eo ascensum vulnerum purpureum, illius maximè in medio sacri lateris imò cordis, hoc est divinissimæ charitatis. Nullibi ergo feliciùs columba, nullibi beatiùs anima esse poterit, quàm in foraminibus petræ, quàm in caverna maceriæ, in vulneribus scilicet Salvatoris, per quæ veluti per scalarum recessus, & gradus absconditos, cum Thoma Apostolo ad Dominum, ac Deum suum ascendat.

Sed

Sed ut ad institutum redeam ; *super cap. 3. 9.*  
*lapidem unum septem oculi sunt*, ait Deus  
 apud Zachariam, lapis hic Christus Do-  
 minus est; super eum septem oculi sunt,  
 attentissima scilicet Dei consideratio,  
 & sollicitudo, ut eum poliat, & excel-  
 lentiam quæ in illo latet ostendat ; &  
*ecce ego*, inquit, *calabo sculpturam*  
*ejus*; Hebræus legit: *aperiam apertu-*  
*ram ejus*; hoc est, inquit Hieronymus:  
 istum lapidem clavis crucis, & lanceâ  
 militis faciam vulnerari, & aperiri, ut,  
 quæ in illo latet divinitatis Majestas, se  
 per vulnera & aperturam, veluti per  
 cælaturam ac sculpturam manifestet.  
*Clamat clavus, clamat vulnus*, ait Bernar- *Serm. 61.*  
 dus, *quod Christus Deus sit, & homo*, do- *in Cant.*  
 centque Deo viciniorem esse nemi-  
 nem, quàm qui cum Christo patitur,  
 ei que cum Apostolo configitur.

Sunt etiam vulnera Domini spei  
 nostræ robur ac firmamentum ; cum  
 enim constet per illa redemptos nos  
 esse, speramus salutem æternam conse-  
 cuturos. *Iesus*, inquit Paulus, *est spes glo-*  
*riæ nostræ*, per sanguinem Crucis, ex

sacratissimis scilicet ejus vulneribus profusum. Tertiò vulnera Salvatoris charitatis nostræ fundamentum. Militum unus aliquis, de exiguo in Iulium Cæsarem amore accusabatur. Is ubi hoc intellexit, illico pectus nudans, vulneraque ostendens: Hi, inquit, Cæsar, testes mei sunt adversus mendaces hostium meorum linguas, quo in te affectu semper fuerim. Et quis in animi dejectione, dum Domini Iesu vulneratas manus, ac pedes, perfossumque pectus recogitat, de ejus in se amore, ac benignitate dubitabit?

Joan. c. 11.

37.

Deflebat Salvator defunctum Lazarum fratrem Marthæ ac Magdalenæ. lacrymas has vident Iudæi, & exclamant: *Ecce quomodo amabat eum!* Ad mortem æternam eramus damnati omnes: vulneribus suis, quasi tot oculis, & sanguineis lacrymis deflevit Dominus miseriam nostram: Ecce anima mea, quomodo amabat te. Redde illi amorem tuum, neque illi tantum, sed & proximo tuo, quem, si per charitatis januam, non admiseris in cor tuum, neque Sal-  
vator



tor in sacratissima sua vulnera te admittet; quibus excludi, est cœlo excludi.

## CONSIDERATIO V.

*Vulnera Christi**Scholæ veræ Sapientia.*

**Q**Vi studiis applicare vult animum, perito & docto Magistro, & libris instituto suo accommodis indiget. Naturale est homini, ut scire desideret. ut autem quæ oportet discamus & sciamus, Magister nobis erit Dominus Iesus, qui se solum, & unicum Magistrum dicit, & qui nobis à Patre constitutus est magister, ut illum audiamus. Appositè ad rem nostram Augustinus: *Magistrum omnes unum habemus, & in una* *Math. 23 v. 9.*  
*schola omnes discipuli sumus. Cathedram in* *Luc. 9. v. 33.*  
*cruce habet, qui corda docet. De hoc Ma-* *Tract. 16 sup. 10.*  
*gistro, & præceptore rectè Thomas à*  
*Kempis, Cui æternum verbum loquitur, à* *Lib. 1. de imit. Chr*  
*multis opinionibus expeditur. O veritas* *c. 3. §. 2.*  
*Deus. Tadet me sæpe multa legere, & audire;*

*in te est totum, quod volo, & desidero. Taceant omnes Doctores, sileant universa creatura in conspectu tuo; tu mihi solus loquere. Hæc ille pro Magistro nostro appositè,*

*Verùm ut de profectu in studio nostro magis securi simus, Salvator, qui Magister nobis unicus & solus est, ipse & pro omnibus mundi totius libris, solus & unicus liber erit, scriptus intus & foris: intus Divinitate, quam, ut ait Augustinus, soli Beati legunt: foris, Humanitate, conscripta, flagellis, spinis, clavis, lanceâ, qui à nobis legendus est liber, de quo eleganter Aloysius Ingularis noster.*

*Quid agunt characteres mortis in libro vitæ?*

*Tolle, lege nobilem paginam*

*Trophæa sunt, non probra.*

*de Humil. c. 21.*

*B. Laurentius Iustinianus Dominum Iesum apertum codicem appellat, in quo legendo, & meditando, universa virtutum disciplina discitur. Non in membranis, inquit, non in lapide, non in ligno, sed sanguine proprio, in sua carne, conscripsit librum hunc Salvator, utq; ab universis legeretur, publicè eum, in Crucis scilicet pluteo,*  
*expo-*

exposuit. Habet in eo foris simplex & indotus quod legat; habet spiritalis, & perfectus, quod intus intelligat. In eo scripsit charitatis compendium, perfectionis celsitudinem, virtutum normam; & totius humana redemptionis modum, ordinemq; in hoc sui corporis inclusit volumine. Quam ob rem cum scribere complexset, nihilq; superesset scribendum, dixit, Consummatum est, Haftenus B. Laurentius Iustinianus. Atque hic liber est thesaurus sapientiae, ac scientiae Dei, *Coloss. c. 2. v. 3.* ut recte D. Bonaventura dixerit, Crucifixum sibi omnem bibliothecam esse. Quod *In elog. vitæ eius.* & intellexit venerabilis illa Anna Maria Ordinis S. Claræ in Sicilia, Monasterii sui Superior, quæ subditas sibi Religiosas hortari solita est: si Patris sui sancti Francisci virtutem æmulari cuperent, non alio Magistro ac libro uterentur, quàm Iesu Crucifixo, quem unaquæque in cellula sua, in ejus effigie, præ oculis haberet.

Hunc nobis librum etiam indicat S. P. N. Ignatius, & unâ quam in eo discere debeamus lectionem. *Colloquium*, inquit, absolutâ scilicet Meditatione,

tione, fiet imaginando Iesum Christum coram me adesse in cruce fixum, Ecce librum, audi lectionem. Itaque exquiram rationem, quâ Creator ipse infinitus, fieri creatura, & ab aeterna vita ad temporariam mortem venire pro peccatis meis dignatus sit. Arguam insuper meipsum, percunctans quid hactenus dignum memoratu egerim pro Christo? quid agam tandem? aut agere debeam? Ita & sancta Ludgardis clausis oculis corporis, animæ verò apertis, Christi in Cruce ante se pendentis effigiem considerabat, & veluti librum suum, pia mente legebat, quando Salvator se illi ostendit patenti lateris vulnere; cui Virgo os applicans ex eo hausit illuminationem, quam vocat Apostolus, scientiæ claritatis Dei, in facie Christi, per claram scilicet ejus, & redemptionis ab ipso consummatæ cognitionem.

Barth. Fi-  
zen. in vita  
eius, 16.  
Iunii.

I. Cor. 4.  
v. 6.

Habemus itaque Magistrum & librum, ac pro Cathedra crucem: scholaras Magister ipse offert, & aperit, sacratissima sua quinque vulnera; sumus in his sanctorum omnium condiscipuli, in his docebimur, qua sit longitudo, latitudo,  
subli-

*sublimitas, & profundum Crucis Christi, ut*  
*sciamus supereminentem scientia caritatem*  
*Christi, & impleamur in omnem plenitudi-*  
*nem Dei, arbitantes cum Apostolo, nihil nos*  
*scire, nisi Iesum Christum, & hunc cruci-*  
*fixum.*

*Ephes. 3.*

*v. 10.*

*1. Cor. 2.*

*v. 2.*

Gymnasium igitur ad hanc doctri-  
nam capeffendam adeamus. In prima  
ejus schola, vulnere scilicet sinistri pe-  
dis, profundum crucis Christi nobis  
addiscendum est, ejus scilicet flumili-  
tas, qui etiam latronibus passus est se  
postponi, medius inter illos suspensus,  
qui Deus erat, sanctitas, atque inno-  
centia ipsa; ut Nihilum nostrum, &  
peccata nostra cognoscentes, optemus  
omnibus posteriores haberi. Hac in  
schola S. Paulus, & S. Franciscus opti-  
mè profecerant, cum se peccatores  
omnium maximos profiterentur, & ta-  
les æstimari, dicique cuperent.

*1. Tim. 1.*

*v. 11.*

*In eius*

*vita.*

In secunda schola, hoc est, in dexte-  
ri pedis vulnere Crucis Christi, debe-  
mus perdiscere latitudinem: ut parato  
ac lato animo prospera æquè atque  
adversa complectamur, divinæ volun-  
tati



Rib. in  
vita.

tati in omnibus nos conformantes. Quod sancto P. N. Ignatio adeò usitatum fuit, ut in omni rerum eventu, non aliâ animâ, quàm Dei voluntate agi, ac vivere videretur.

Syr. in eius  
vita.

In tertia schola, hoc est, in vulnere sinistræ manus, longitudinis Crucis Christi doctrina traditur, quam crucem ipse ab æterno complexus est, & tandem ineffabili patientia atque æquanimitate subivit, ut & nos hoc exemplo patienter, atque æquanimiter Crucem nostram admittamus, & cum sancta Elisabetha Hungariæ Regis filia, Hassiæ Landgravia, socios conquiramus, qui in adversis Deo nobiscum laudes concinant.

Philip. 3.  
v. 20.

In quarta schola, hoc est, in vulnere dexteræ manus, Crucis Christi discemus sublimitatem, ut animo à terra sublato, divina tantum sectemur, & cum Apostolo *in cælis sit conversatio nostra.*

Iuglavis  
elog. 76.

De quinta schola, in vulnere scilicet lateris & cordis Domini constituta, eleganter ita scribit qui suprâ:

Clarus

*Elatum in Cathedram*

*Veri Magister Amoris*

*Idiomate amantum posthac loquuturus*

*Ore clauso, cor aperis.*

*Fideliorem Interpretem,*

*Doctrinacordium hætenus non invenis*

*An planè loquatur ex corde,*

*Idioma cordis interroga?*

Schola itaque hæc, schola divini Amoris, eaque suprema est.

S. Vincentius Ferrerius ex D. Domini familia, studiis fatigatus non alibi relaxabat animum, quam in vulneribus Salvatoris, sibi in Crucifixo suo, obversantibus, fassus se in Dei, virtutumque scientiâ progressum majorem hisce in scholis fecisse, quam in alio ullo orbis Gymnasio, quocunque magistro facere potuisset. In illis scholis & nobis omnis opera ponenda est, si ad supremum, libri scilicet vitæ æternæ præmium adspiremus.

*Paul. Bar.  
in an. Sa.*



**A**D vulnus sinistrae manus orabimus, pro sancto Dei timore obtinendo, & ut ab inferis liberemur.

## CONSIDERATIO I.

### *Vulnera Christi*

### *Theca Dei scriptoriae.*

**T**Hecas hominum scriptorias, ab atro colore, vulgò atramentaria dicimus; ego hasce thecas Dei scriptorias, à sanguine Domini Iesu, si loqui ita fas

fas est, Rubramentaria appellabo. Nihil æquè horrere solitus erat Iob Prophe-  
ta, quàm Dei manum, quâ librum vitæ,  
ac mortis conscribit; *Scribis*, inquit, cap. 13.  
v. 16.  
Domine, *contra me amaritudines, & con-  
sumere me vis peccatis adolescentiæ meæ. Erat*  
*Iob vir simplex, & rectus, ac timens Deum, &* cap. 1. v. 1.  
*recedens à malo*; thecam tamen Dei scri-  
ptoriam, manum ejus, ac calamum hor-  
ret, ne his adolescentiæ suæ peccata  
annotaverit: & nos securi vivimus in  
peccatis non solum adolescentiæ, sed &  
virilis ac senilis ætatis, perinde ac si  
Deo theca nulla scriptoria, nulla ma-  
nus, nullusque calamus foret, quibus  
contra nos æternas scriberet amaritu-  
dines.

Terrore plenum est quod refert Cæ- T. 8. m.  
Ch. 646.  
n. 15.  
sar Cardinalis Baronius. Pyrrhus Pa-  
triarcha Constantiopolitanus, in Mo-  
nohelitarum hæresim inciderat. Ro-  
mam evocatus, & à Theodoro I. sum-  
mo Pontifice monitus resipiscit; sed  
vix dum Constantinopolim rediens,  
Aquileiam attigerat, cum in eundem  
errorem relapsus, ei pertinaciter adhæ-  
sit.

fit. Quare Pontifex, coacto Romæ  
Episcoporum concilio, post decretam  
contra Pyrrhum sententiam, summum  
Orbis tribunal conscendit, veneran-  
dum scilicet SS. Apostolorum Petri ac  
Pauli sepulchrum, eoque super, coram  
sacro Præsum Concilio, & S.P.Q.R.  
sanctissimum Missæ sacrificium offe-  
rens, peractâ sacri calicis consecratio-  
ne, partem Dominici sanguinis in atra-  
mentarium suum infudit, illoque scrip-  
psit, adversus Patriarcham sententiam,  
quâ illum ab Ecclesiæ Communione,  
& æterna salute proscribebat.

Anima mea, quàm meritò de te que-  
ritur Salvator! Clamat sibi graviora  
esse vulnera peccati tui, quàm corpo-  
ris sui, nec times illum pretioso sangui-  
ne suo, caractere indelebili, scribere  
contra te mortis æternæ decretum?

*Solil. c. 2.*

Ora anima mea, cum Divo Augustino,  
aliisque, & dicito: *Manus tue Domine  
fecerunt me, & plasmaverunt me totum in  
circuitu, illa manus quæ pro me cruci affixæ  
sunt: opus manuum tuarum ne despicias. Ecce  
in manibus tuis descripsisti me, sacratissimo-*  
*runt*



rum vulnerum tuorum caractere, caractere scilicet suavitatis, & non amaritudinis, caractere misericordiae, & non iustitiae, lege Domine Iesu hanc scripturam, & salva me.

## CONSIDERATIO II.

## Vulnera Christi.

Terror malorum, & Spes bonorum in  
Iudicio.

**B**eatissimus est homo, qui semper est pavidus, Prov. 28. v. 14.  
inquit Sapiens. Abbas Elias dicebat tria se timere solitum. Primum, quando anima corpore egreditur. Herib. Rosw. in vitis PP. Secundum, quando Iudici Deo sistenda foret. Tertium, quando extrema sententia esset pronuntianda: Cogitemus, inquit Caelarius Arelatensis, illius Iudicis incessanter adventum, qui utinam nos sic paratos inveniret, quomodo nemo potest dubitare, quod veniet! Quod si requiras, quomodo veniet? In illo utique corpore, quod pro nostra salute susceptum, pro nostra absolutione natum, & pro nostrorum vulnerum medicina lanceâ, clavissq; transfixum est. Pri-

ma erit in reos intoleranda sententia, reverendarum praesentia cicatricum, quando dices Dominus, infer digitum tuum huc, & vide manus meas, affer manum tuam, & mitte in latus meum, & agnosce qua pro te impio, pietas divina perpeffa est.

Lib. 2. de  
Symb. c. 8.

p. 1. Sim.  
c. 2.

Zach. 12.  
v. 10.

Instr. vita  
spir. medit.  
de lud.

Quò se tunc, uti rectè S. Augustinus, peccator convertet? quando illi meritò exprobrabit Salvator, vide hominem quem crucifixisti, vide vulnera qua inflixisti, vide latus quod transfixisti, quoniam pro te, & propter te, apertum est, & tamen intrare noluisti. Neque minus terribile est, quod S. Bonaventura, Apparebit, inquit Dominus Iesus cum vulneribus suis, & clamabit dicens: Videte quanta à vobis, & in vobis, & pro vobis passus sum, & tamen ingrati omnia contempsistis, & pro nihilo duxistis: Ite maledicti in ignem aeternum. Certum itaque est, in extremo iudicio, impios, uti Propheta ait, aspecturos in eum, quem confixerunt; videbunt eundem & iusti, sed hi ad solatium, illi ad horrorem. Ita Ludovicus Blosius, Christus Dominus, inquit, in iudicio ostendet vulnera sua ineffabili decore: fulgentia, qua iusti

qui-

*quidem dulcissimam consolationem, impii  
verò horribilem confusionem adferent.*

S. Mechtildis, die quodam Veneris Lib. I.  
Grat. Sp.  
c. 12.  
sancto, eâ horâ, quâ Salvator Cruci-  
gendus erat, alienatâ à sensibus mente,  
iudicio divino sistebatur. Compare-  
bant Deipara, Angeli, Sancti, creaturæ  
omnes. Credebat illa extremum adesse  
diem, & in orbem universum feren-  
dam sententiam. Accusabat eam Dei  
mater de exigua nimis erga Dominum  
Iesum filium suum obedientia, Sera-  
phini de tepido illius in eum amore,  
Apostoli de doctrina sua non accuratè  
satis ab ipsâ observata, Sancti omnes  
de virtutum suarum exemplis, subinde  
neglectis, creaturæ quòd his ad Dei  
gloriam non semper usa fuisset. Quid  
agat hîc Mechtildis? procidit ad pedes  
Iesu Iudicis, rigat lacrymis, & per vene-  
randa horum vulnera, misericordiam  
ac pacem implorans, sibi restituitur.  
Audi & horresce peccator, *si in viridi  
ligno hac faciunt, in arido quid fiet?*

Lego in Actis pro canonizatione B. Euseb. Nie-  
renbergius  
in vita  
sine.  
P. Francisci Borgiæ, Tertii Generalis  
Socie-

Societatis Iesu promovenda, conscriptis, virum in Hispania, quàm sanguine nobilem, tam vitiis ac flagitiis infamem, gravi ægitudine correptum, ac de vita periclitantem tantâ obstinatione in sceleribus suis perstitisse, ut recta omnes monentes rejiceret, nolletque de anima per Confessionem expianda quemquam audire. Venit tum fortè eam in urbem Borgia, qui cognito miseri periculo, pro zelo suo, illum juvare cupidus, ante Christum Crucifixum in genua procidit, eum ardentè obsecrans, & obtestans, ut qui Orbi universo, sanguine suo salutem fuisset, infelici ac pertinaci illi animæ non decederet. Francisco hæc præcato ex cruce Salvator: Adi, inquit, confestim ægrum, cumque hortare, ut se expiet, & ego mox illi, ut Medicus, & infirmorum curator adero. Abit Franciscus spei bonæ plenus, & tanto adjutore gaudens, ad ægri domum se confert, quo Salvator jam antecesserat, Medici, ac prope famuli specie illi solatia, atque obsequia deferens. Excipitur ab  
intr-

infirmo non inurbanè Borgia, verùm  
ubi de Confessione cœpit agere, ad  
eam instituendam adduci non potuit.  
Recedit interim Dominus, relicto ad  
ulteriores conatus apud ægrum Fran-  
cisco, qui & ipse, cùm operam perde-  
ret, etiam recessit, & denuo coram  
Christo crucifixo in genua provolutus,  
per sacra illius vulnera obtestatur, ut  
misero adsit. Cui Dominus: Conveni-  
terum pertinacem illum Francisce,  
meque tecum defer, si fortè me con-  
specto, cruci pro se fixo convertatur,  
& vivat. Redit Borgia, & submotis ar-  
bitris, ut liberior esset æger, verbis ad  
pietatem omnem compositis, submissis  
in terram genibus, Christum Cruci af-  
fixum illi repræsentat: per passionem,  
dolores, sacra Domini Iesu vulnera  
orans, obsecransque, ut animæ suæ mi-  
sereatur, æternitatem consideret; nol-  
le Deum mortem peccatoris, sceleri-  
bus omnibus misericordiam eius mayo-  
rem esse, ad omnia miser obsurdescit.  
Addit & vocem suam Dominus Ie-  
sus, & vocem sanguinis, quem ex

I 3 vul-



vulneribus omnibus copiosè effundebat : per hunc iterum iterumque obtestatur Franciscus ; sed nihil proficit. Tum verò Salvator revulsa à cruce manu , sacrosanctum suum cruorem in faciem proiicit obstinati peccatoris, qui quot guttas numerat, tot veluti linguis in magno iudicii die , coram orbe universo , neglectam , & contemptam benignissimi Dei , ac Salvatoris sui misericordiam illi exprobrabit , suntque

1. 4. in lo. misero, ut cum Ruperto loquar , *Veneranda Domini vulnera, aeterna futura incendia.* Ita tecum agetur peccator obstinate.

## CONSIDERATIO III.

*Vulnera Christi**Tesserae fiduciae nostrae.*

**T**Hronum divinae Majestatis non ita obsident tonitrua ac fulmina iræ , & furoris in peccatores, ut misericordiae , ac benignitatis ejus radios obnubilent. Neque sacratissima Domini vulnera adeò nobis terrori esse debent, dum

dum illa flagitiis nostris conculcamus, ut omnem nobis fiduciam tollant ; sed per eam quæ in illis est , Dei benignitatem, ac misericordiam, animos nostros in certam salutis spem debent erigere.

*Peccavi, inquit Bernardus, peccatum grande: turbatur conscientia, sed non perturbatur,* *Serm. 61. in Cap.*

quoniam vulnerum Domini recordabor. Nempe vulneratus est propter iniquitates nostras ; Et ideo liquet errasse eum, qui ait: Major est iniquitas mea , quàm ut veniam merear. Veniam enim meretur ille, pro quo Christus & vulneratus & mortuus est. Ita Bernardus.

Hujus spei plena dicebat fidelis illa anima : *Messui myrrham meam cum aromatibus meis ;* quæ misceo, ut illius amaritudinem horum suavitate temperem, & animum meum maximis pressum angustiis sublevem. Ita in horto Domini corporis, sacris quinque vulneribus , quasi totidem areolis distincto, non solum timoris myrrha , sed & suavissima spei , ac fiduciæ aromata nobis legenda sunt, firmissimè credendo, benignissimum Salvatorem nolle perire

animas tanto à se labore quæsitæ, tanto pretio redemptas.

Serm. 74.  
ad fr. in  
eremo.

Neque alio argumento pusillanimes consolabatur D. Augustinus. *Noli, inquit, dicere: in cælo non ero. tenemus mortem Christi, tenemus sanguinem Christi, si quod plus est tenemus, quod minus est, speremus. Qui pro nobis dedit mortem suam, non is daturus est vitam suam? & qui pro nobis pertulit mala, non is daturus est, quæ possidet bona? desperarem utique, sed non despero, quia vulnere Domini recordabor.* Hæc Augustinus. Ad hanc fiduciam ipse etiam Dominus infinita suâ misericordiâ nos excitat. Aliquando enim

Lib. 7. Re-  
vel. c. 27.

sanctæ Birgittæ factus est, si ulla apud inferos foret redemptio, toties iterum paratum se pati ac crucifigi, quot in æternis flammis animæ cruciantur. Spera itaque anima mea in Domino, & fac bonitatem, & pascere in fiducia passionis, vulnere, ac mortis ejus.

Apud Lob-  
bet. in Ec-  
cles. p. 259.

Referunt Græci Scriptores morem gentis suæ obtinuisse, ut hospes subla-  
ta mensa convivas suos dimittens, per-  
cussâ sibi venâ, pro haustu postremo,  
quem

quem τελὸς Φιλίας, hoc est, extremum  
amicitiæ appellabant, sanguinem suum  
illis propinaret. Omnes corporis sui  
venas aperuit Dominus Iesus, ut in ma-  
gna illa cœna, haustum æternum sem-  
piternæ felicitatis, ac suavitatis nobis  
propinaret. *Bibimus ergo, ait Ambrosius, Lib. 10. in  
pretium nostrum, ut bibendo redimamur. Luc. c. 23.*

Non vult tamen Dominus haustum  
hunc extremum esse suæ in nos beni-  
gnitatis ac misericordiæ, qui semper  
paratus est eum nobis non semel tan-  
tùm propinare, sed millies ac millies  
repetere ac repræsentare. Exclamabo  
itaque cum Propheta regio: *Quid retri- Psal. 115.  
buam Domino, pro omnibus quæ retribuit v. 3.*  
*mihi? Calicem salutaris accipiam, non unum  
sed totidem, quot mihi vulnera offert,  
quæ mihi fiduciæ ac spei calices erunt  
pretioso sanguinis ejus potu inebrian-  
tia animam meam; hos, inquam, calices  
accipiam, & nomen Domini Iesu pro me  
vulnerati invocabo, ut sit mihi Iesus.*

## CONSIDERATIO IV.

## Vulnera Christi

## Consummatio redemptionis nostræ.

**S**alvator postea, postquam suffixus  
 cruci fuit, accepissetque manuum,  
 ac pedum vulnera, preces, supplicationesq;  
 ut ait Apostolus, cum clamore valido & la-  
 crymis offerens, dixit: Consummatum est;  
 opus scilicet humanæ redemptionis,  
 quâ reſeratum coelum, obſeratus infer-  
 nus, homo Deo reconciliatus est. Cave  
 anima mea, iterum æternæ damnatio-  
 nis viam ingredi, atque ita pretioſo Do-  
 mini Ieſu ſanguine utere, divino illo re-  
 demptionis tuæ pretio, ne hoc peccatis  
 tuis prodigas. Quod Salvator ipſe aver-  
 tere conatur, continuâ ſuâ miſericor-  
 diâ te erudiens, ut ſaluti tuæ conſulas,  
 pro qua tibi obtinenda tanta paſſus eſt,  
 & pretioſum ſuum ſanguinem tam co-  
 pioſè effudit.

Luc. VVad.  
 an. Ch.  
 1220, n. 35.

Nonnemo è D. Franciſci familia, in  
 hanc ab ipſo ſancto Patre admiſſus, gra-  
 vi



vi pulsatus tentatione, ut manum ab aratro tolleret, ac retrò respiceret, facultatem ab eodem petit repetendi sæculum. Cui ille, Itane fili? ut pro terra coelum deferas? pro parentibus, Salvatorem tuum pro te tanta passum? ut à via salutis, quam cœpisti, ad viam regrediaris æternæ damnationis? Quibus verbis nihil ille commotus, Hugolinum S. R. E. Cardinalem Ordinis protectorem adit. sed & huic saniora suadenti non auscultans, ad Pontificem summum Honorium, ejus nominis III. se contulit, à quo etiam passus repulsam, fugit è Monasterio. Vix è limine excesserat, cùm virum habuit indignante vultu obvium, qui, quò tenderet quærît: cui profugus stomachabundus; Quid, inquit, tibi mecum? quid ad te iter meum? viam ego meam, tu tuam ito. detexit illico viator latus, manusque, ac pedes sanguine fluentes, & ingemiscens: poteris, inquit, testibus hisce vulneribus agnoscere, quàm mea intersit, de hoc tuo itinere te interrogare, quæ, ut te ab itinere æternæ damnationis,

tionis, in quod hodie recurris; abduce-  
rem, in cruce pertuli. An igitur non ju-  
re merito, quò pergas, à te quæ. o, qui  
cupio per hæc vulnera, per hunc san-  
guinem, te viam, quæ ad coelum ducit,  
relegere? Est ille quidem salutem tuam  
operatus in medio terræ, sed non de-  
scendit ad inferos, quò tu properas, ut  
te inde iterum redimat. Commotus il-  
le infinita hac Salvatoris sui benignita-  
te, ad ejus pedes se abiicit, inconstantia,  
ac protervia veniam supplex orat, &  
velut prodigus ad Patrem reversus, à  
S. Francisco benignè recipitur, ac dein-  
ceps religiosæ vitæ exemplo omnibus  
præluxit. Ita nunquam non salutem no-  
stram, quam semel consummarunt, sa-  
cratissima Domini vulnera, conservant.  
Ora hîc, anima mea, cum S. Francisco  
Xaverio: *Domine Iesu Christe, Deus cordis  
mei, per quinque illa vulnera, quæ tibi in cru-  
ce noster amor influxit, tuis famulis subveni,  
quos pretioso sanguine redemisti.*

## CONSIDERATIO V.

*Vulnera Christi**Claustra inferni.*

**S** Catharina Senensis tanto erga *Surius in*  
 animarum salutem zelo ferebatur, *vita.*  
 ut optarit non semel, ita se infernum  
 posse obferare, ut reserari deinde non  
 posset. Quod sancta illa Virgo optabat,  
 hoc facere potest Dominus Iesus. est  
 enim ipse apud S. Ioannem, teste D. *Apo. 20.*  
 Augustino, *Angelus ille qui habet clavem* *v. 1.*  
*abyssi*; clavis hæc juxta D. Chrysosto- *Lib. 20. de*  
 mum, Crux Domini est; juxta D. Ber- *Civ. c. 7.*  
 nardum, *clavus Salvatoris, clavus est rese-* *Serm. 61.*  
*rans cælum, obferans abyssum.* *in Cant.*

S. Mechtildis, orationi more suo, *Lib. 5.*  
 intenta, infernum aliquando vidit pa- *Grat. Sp.*  
 tentem, in eoque serpentes, dracones, *c. 17.*  
 tigres, leones, lupos, canes mutuis se  
 moribus atrocissimè laniantes. Inter-  
 roganti quid sibi hæc monstra vellent?  
 respondit Dominus animas esse, quæ  
 nun-

nunquam Salvatoris sui, passi scilicet, & suppliciorum, ac vulnerum ejus dulciter meminissent; quibus tamen veluti clavibus cœlum aperitur, & clauditur infernus;

Lib 8.

Mat. c. 8.

Necessarias nobis hasce claves esse lego apud Cæsarium, qui refert à quodam visos fuisse cum Christo crucifixos quindecim Ordinis sui Religiosos; quam crucifixionem scribit Obedientiâ, patientiâ, ac humilitate perfici; pedes humilitatis, patientiæ sinistram, obedientiæ clavo figente dexteram; malleum esse spem cœli, atque inferni horrorem, ut clavi, malleus, vulnera Salvatoris, claves nobis sint cœli ac abyssi, quibus illud aperitur, hæc clauditur,





**A**D sacrum hoc vulnus dexteræ manus, cum omni fiducia pete à Deo, ut æternam beatitudinem consequi possis.

CONSIDERATIO I.

*Vulnera Christi.*

*Cælum in terra.*

**S**I fieri potest, ut in terra cælum reperiat, hoc ille consecutus est, qui sacra Domini Iesu vulnera invenit. Cæli felicitas ac beatitudo est Deum intue-



*Psal. 17.  
v. 15.*

*Serm. 61.  
in Cant.*

intueri; *Satiabor*, inquit Propheta Regius, *cum apparueris gloria tua*. Animarum autem in hoc mundo beatitudo consistit in meditatione, & cognitione atque imitatione patientiæ, quam in passione, cruce, vulneribusque suis tolerandis, Salvator nobis exhibuit, quæ illi adeò gravia fuerunt, ut indignum arbitrari debeamus, sine passione, cruce, ac vulnere esse, ubi Dominum Iesum passum, crucifixum, vulneratum conspiciamus. *Vult benignus Dux*, ait Bernardus, *devoti militis sui vultum in sua sustolli vulnera, ut illius ex hoc animum erigat, & exemplo suo, reddat ad tolerandum fortiolem, ac latiolem. Enimvero non sentit sua, dum illius vulnera intuetur*. In quo animæ tolerantis ac patientis summa in terris est felicitas, ac beatitudo, patientem se ac dura tolerantem in patiente, ac duriora tolerante Salvatore contemplari.

De cœli pulchritudine quid dicam? Inexplicabilis illa est à Dei Majestate, à gloria Deiparæ, Angelorum ac Sanctorum omnium, ab ornatu, & constitutione

tutione, quæ à D. Ioanne describuntur, desumptâ comparatione ab iis; quæ in terra sunt ornatissima, ac splendidissima. Præclare D. Augustinus: *In ps. 85. Pulchrum, inquit, est cælum, sed pulchrior est fabricator cæli. At video cælum, inquit, & illum non video: oculos enim habes ad videndum cælum, cor nondum habes ad videndum fabricatorem cæli. ideo venit de cælo, ut mundet cor, (aquâ scilicet & sanguine manante è cordis sui vulnere) quo videatur qui fecit cælum, & terram. Ita Christi sacrosancta vulnera non solum dignos nos reddunt, ut Dei, cælique pulchritudinem conspiciamus, sed & ipsa, ait Blosius, plus pulchritudinis, letitiæ, atque claritatis toti cælesti curiæ conferunt, quam pass. Dom. omnia alia qua in vita perenni, excepta divinitate, habentur. quare deplorandum, ait, tantam pulchritudinem, toto terrarum orbe, parum adeò ab hominibus æstimari.*

In monte Thabor facies resplenduit *Matth. 17. v. 1.*  
 Salvatoris, sicut Sol, & vestimenta ejus facta sunt splendentia, & candida nimis velut nix, qualia fullo; ut ait Marcus, non potest super terram candida facere; æternæ quip-

pe lucis candor illis à Domino communicabatur. Captus hoc splendore, & candore, ac gloriæ dulcedine Petrus, sui ac sociorum Apostolorum oblitus exclamat: *Domine, bonum est nos hic esse; faciamus hic tria tabernacula: Tibi unum, & Moyse unum, & Eliæ unum.* Non enim sciebat, quid diceret, ait Evangelista. Verum scit sanctus Bonaventura quid dicat, cum vult, *ut faciamus tria tabernacula in vulneribus Salvatoris, unum in pedibus, unum in manibus, & unum in latere ac corde Iesu; in quibus planè bonum est nos esse, omnia opera nostra peragere, & calo in terra frui, est enim in illis omnis cœli splendor atque ornatus.* S. Mater Teresa, solo splendore, ac lumine vulneris dextræ manus conspecto, ita afficiebatur animo, ut spreto omni eo, quod mundus pulchrum æstimat, sacro isti vulneri semper adhæserit, atque hoc, velut cœlum suum, semper habuerit. Quid si reliquorum gloriam conspexisset? credidisset sanè cœlos novos in terris creasse Deum.

De cœli suavitatem, quid dicam? de illa

I. p. stim.  
e. 5.

In vita.

illa ambrosia? deque illo nectare? *Tanta*, ait Augustinus, *suavitas ac jucunditas* *Aug de lib*  
*est lucis aeternae, ut etiamsi non liceret am-* *arb. l. 3.*  
*plius in ea manere, quam unius diei morâ;* *c. 25.*  
*propter hoc solum, innumerabiles anni hujus*  
*vita, pleni deliciis, & circumfluentia tempo-*  
*ralium bonorum, rectè meritoq; contemneren-*  
*tur. Non enim falso ac pravo affectu dictum*  
*est: melior est dies una in atriis tuis super*  
*millia. Habent & hîc, in terris, atria Do-*  
*mini, sacratissima scilicet illius vulnera,*  
*jucunditatem, & suavitatem suam, quæ*  
*omnes mundi delicias superant, & cœ-*  
*lestes adæquant. Ita expertus judicavit*  
*Abbas Bloisus, cùm ait: Ore ad patulum* *Marg. Sp.*  
*vulnus lateris ejus appposito, cœlestem suavi-* *c. 19.*  
*tatem ex corde ipsius manantem gustato, re-*  
*vera enim torrens voluptatis illinc erumpens*  
*te abundanter satiare poterit. Ita sancta vir-*  
*go Ludgardis lateri Domini sibi oc-* *Barth. Fi-*  
*currentis, dum ad templum ægra se* *zen. in vita*  
*conferret, os applicans tantam exluge-* *16. Junii.*  
*bat dulcedinem, ut nullis posse affugi*  
*ærumnis se crederet, in quibus cœli so-*  
*lattia ex divino illo fonte hausta non ex-*  
*periretur. Ista dulcedine perfundeba-*

Infl. spir.  
s. II.

tur Bloſius cùm ait , *Saluto, Domine Ieſu, roſea, ac ſuaviſſima vulnera tua, qua ſuſcepiſti pro me, & in quibus deſcripſiſti me. ſalvete, ſalvete, ſalvete veneranda & ſalutifera plaga Redemptoris mei, & amatoris mei. Ita Dei ſervi animum recèant in Domini Ieſu ſacris vulneribus.*

In eius  
vita.

S. Clara Afflicta, nullo non die ſtatis precibus ſacra Domini vulnera ſalutabat, ac venerabatur, quo in pietatis exercitio ingenti ſemper conſolatione perfundebatur, utq̃ue ſanctiſſimorum horum pignorum aſſiduum haberet monitorem, ſune aſpero nodis quinque implexo corpus cingebat.

Laur. Scala  
vin. Moral.  
19. de paſſ.  
Dom.

Neque in oratione tantummodo, piisq̃ue devotionis exercitiis, quibus vulnera Domini colimus, hanc cœli ſuavitatem invenire eſt; ſed in ipſa etiam tribulationum, atque afflictionum amaritudine, uti mox in ſancta Ludgarde vidimus, & ipſe Salvator nos docet. Juvenis nobilis & lectæ virtutis familia Senenſis, Ioannes de Incontris in deliciis paternæ domus educatus, illis nuntium remittens, Ordini ſancti Auguſtini



gustini nomen dedit. Mox tamen vitæ religiosæ incommodis in gravem moerorem dejectus, domum paternam repetere statuit. At non passus id Salvator se illi videndum obtulit, detecto lateris vulnere; fili, inquit, ubi cibus tibi minùs sapidus, lectus durior, nocturnæ vigiliæ meis concinendis laudibus constitutæ molestiores fuerint, ingredi vulnus hoc, & intinge illa in divino sanguinis mei condimento, & coelesti tibi suavitate dulcescent. Momenti obtemperavit juvenis, & tantis cum solatiis, tantis virtutibus vitam peregit, ut beati appellatione à sede Apostolica meruerit condecorari. Non absimile est, quod de sui ordinis religioso scribit Hieronymus Gratianus, vir religiosissimus. Ille in Hispania, mensæ accumbens in communi triclinio, cum vinum tam acidum, ut acetum magis videretur, quàm vinum, Oeconomus apposuisset, illud bibens, lateri Salvatoris os sibi videbatur applicare, ex eoque potum haurire favo ac melle suaviorem. Suo etiam solatio, à vulne-

Salvatoris  
in  
logis.

rato Salvatore affectus fuit frater Ioannes Baptista Faventinus ex D. Francisci familia Capucinus laicus. Hic perditis moribus homo, cum Ordini illi sacro se dedicasset, tantò in religiosa vita melior, quantò in priore deterior fuerat, moritus coram toto monasterio à superiore suo, vel ut emendaretur, vel ut ad omnem virtutem magis erudiretur, adeò monitionem hanc sensit, ut venâ pectoris disruptâ sanguinem per os copiosè eiecerit, quem manu excipiens, & ad Ecclesiam convolans, Salvatori in cruce pendenti obtulit: En, inquit, Domine, quæ pro te patior. Cum ecce Dominus, revulsâ è cruce manu, sanguinem è sacro suo latere profluentem cum simili voce reddidit: en Baptista, quæ ego pro te passus sum. Quâ Salvatoris sui benignitate confirmatus, quæcunque illi deinde ardua occurrerunt, in latere ac sanguine Domini reposuit, atque in deliciis habuit, & tanquam dona è cœlo missa de manu Dei accepit.

Ita vulnera Domini gaudia sunt, solatia,

latia, dulcedo, ac beatitudo in terris ad patientem & vulneratum Salvatorem recurrentibus, eumque sincerè amantibus; ad quem eleganter ille nos invitat, cùm ait :

*Iuglavis  
elog. 86.*

*Huc, huc, vel è cæli Hybla apes mellifica,  
Vbi flori unico quinq<sup>3</sup> alvearia non sufficiunt,  
Tam suavis est.*

Est enim Salvator flos ille campi, & lili-  
um convallium, adèd succulentus &  
suavis, ut mellis, & consolationis omnis  
materiam in quinque sacrorum vulne-  
rum suorum divinis alveariis supera-  
bundantem sufficere possit, quâ, quid- *Cant. 2.*  
quid adversum nobis, atque acerbum *v. 1.*  
accidit, veluti dulcedine è cœlo hausta  
leniamus.

## CONSIDERATIO II.

*Vulnera Christi*

*Via ad patriam.*

**A** *Dvena super terram, & peregrini su-* *1. Pet. 12.*  
*mus omnes. Viæ nobis ad patriam* *v. 11.*  
*sunt Domini vulnera. Illam viam nobis.*

*In Ps. 60.* ostendit S. Augustinus : *Salvator* , inquit , *si spes nostra factus non esset , non nos deduceret : deducit tanquam dux , & in se ducit ; per vulnera scilicet sua , tanquam per viam , & ad se ducit , tanquam ad patriam.*

*Apoc. 21.*

*v. 21.*

Portæ cœlestis Hierusalem singulæ , ex margaritis singulis constructæ sunt : sed per has ingressus non patet , nisi per portas anteriores , ex vulneribus Domini , veluti totidem pyropis constructas , ut de his rectè ille dicat :

*Ingl. eleg.*

*86.*

*Hâc ad arcana cœlitum iter est ,  
Hac qui ad Deum non intrat per ostia ,  
Fur est , & latro.*

*In vita.*

S. Edmundus morti proximus , Christi in cruce pendentis effigiem postulabat , cujus vulnera deosculatus : Hæc , inquit , naves meæ sunt , quibus plenæ fiduciæ velis , per rubrum sanguinis Dominici mare , in diu optatum patriæ cœlestis portum penetrare spero.

*Exod. 13.*

*v. 22.*

Filiis Israëleductis à Deo , per desertum , in terram promissionis , ne aberrarent , dux fuit *columna nubis per diem , columna ignis per noctem.* Ita & nobis , in dubio

bio hoc æternæ salutis itinere, columna Dominicæ crucis dux esse debet, vulneribus Salvatoris, veluti totidem luminibus refulgentis, ne errore non reparando à via deflectamus. Verùm, uti qui in lubrico ac præcipiti loco iter facit, ductore aliquo opus habet, qui manum porrigat; ita & quilibet qui cœli viam ingreditur, duce opus habet. Ductor autem ille, Salvator est; quod, more suo, mellifluè scribit S. Bernardus ad Hugonem Novitium; *Ep. 351. Crucifigere, inquit, pariter cum Christo; (socius dolorum ejus esto) nec ladere aliquatenus poterunt clavi, qui per manus ejus ac pedes, ad tuos usque pervenient, totum tibi figent Salvatorem; & pedes tui pedibus ejus confixi, quocumque in lubrico, quovis in præcipitio, gradientur securi, manusque ejus tuis fixæ, te ad cœlestem patriam deducunt. Hanc viam tene, hoc duce gradere viator quisquis cœlum petis, & non aberrabis.*



## CONSIDERATIO III.

*Vulnera Christi**Pignora animarum.*

**M**agno Reipublicæ bono, Montes, quos pietatis nuncupamus, aperiuntur, ut qui paupertate, vel necessitate aliquâ premuntur, dato pignore, sibi consulere possint. Anima mea plurimum dubito, an egestatem tuam fat noveris. Dicis fortasse cum illo, apud D. Ioannem, *quia dives sum & locupletata, & nullius egeo; & nescis, quia tu es misera, & miserabilis, & pauper, & cæca, & nuda.* Ita nobiscum agitur, & tamen miseriam nostram non capimus. Sed quod paupertati nostræ remedium inveniemus? Ad sacratissima Domini Iesu vulnera, & pretiosum ejus sanguinem confugiendum, veluti ad pignora, quibus neque in cælo, neque in terra digniora, atque opulentiora sunt. Cum his properandum nobis ad Montem pietatis, ad Calvariæ, inquam,

*Apoc. 3.  
v. 17.*

quam, Montem, ad thronum gratiæ Dei, & tali datâ arrhâ cœlum ipsum nobis obligabitur.

Pignus hoc uti refert S. Mater Teresia invenerat anima illa admodum afflicta, & sollicita ante Crucifixum Salvatorem consistens, quæ cum dolenter agnosceret paupertatem, & egestatem suam, atque omnino nihil sibi esse, quod pro peccatis suis divinæ offerret Majestati, ex ipso audivit Crucifixo, se vulnera, sanguinem, universoque passionis suæ dolores illi donare, ut ea veluti propria patri suo cœlesti repræsentaret, isto pignore ab ipso omnia impetraturam. Quid ni & nos impetrabimus?

Obiciebat D. Bernardo Dæmon, *In vita eius.*  
nullum illi ad æternam gloriam jus esse. Reposuit vir sanctus; æternam gloriam duplici titulo Christo deberi, primò, quòd æterni patris unigenitus sit filius, adeoque cœlestis regni hæres; altero, quòd suo illud sanguine comparasset, factus obediens usque ad mortem. Primus titulus, aiebat Bernardus, cum

cum Salvatori meo plus quam satis sit, alterum ipse misericorditer mihi cedit, quo, veluti pretiosissimo pignore, mihi cœlestem gloriam polliceor, atque hac fiducia fretus, vitam deinceps securè transigam.

*Exemp. 51.  
de Mir.  
B.V.*

Quam ut & nos transigamus securius, juvat hac super re audire Discipulum. Narrat is quendam nomine quidam, sed non moribus Religiosum fuisse solitum, quot diebus centum Angelicis salutationibus Deiparam venerari. Placuit clementissimæ Matri hominis pietas, sed displicebat vita improba. Pro ejus ergo salute sollicita, Deum orat, ut morbum illi gravem immittat, qui animis sæpè mederi solet; lecto ergo affixus, & morti proximus, rapi sibi ad tribunal Christi visus est, à dæmonibus graviter accusari, atque ab irato judice illis adjudicari. Quid agat miser? ad cujus confugiat auxilium, supernè judex illi iratus, inferiùs patens infernus, intus conscientia accusans, circa vincentes dæmones, & mox illum abrepturi. Dum autem in cœlum

coelum oculos conjicit, an nullus inde  
exsurgeret patronus, adest ecce Mifericordiae Mater, pro cliente suo supplex apud Iudicem filium: illi salutationes Angelicas omnes variis schedis descriptas, honori suo à reo recitatas repræsentat. E contrario dæmones ingentia volumina flagitiis referta producunt. Bilanci utraque imponuntur; volumina longè præponderant. Virgens tamen pro filio prodigo pientissima Mater: Nate, inquit, tu sanguis meus, & caro de carne mea, ego te in ætatem istam perduxì, & lac virginum tot mensibus dedi, recognosce, obsecro, hujus clientuli mei causam: non illi passionis tuæ supplicia, non flagella, non spinas, non crucem, non sanguinem tuum omnem deponco; sed eius tantùm guttulam unicam, & minimam mihi, fili, pro misero concede. Ad quæ Dominus: Ita est Mater; tuus ego, & omnia mea tua sunt, neque fas est, ut avertam faciem meam à te. Hæc ita elocutus, è divino latere pretiosi sanguinis sui guttam accipiens,  
vir-

virgineis sanctissimæ Matris suæ manibus obtulit, quam illa omni veneratione acceptam lanci imposuit, in qua schedulæ erant, eaque flagitiorum voluminibus longè præponderavit. Abscessere dæmones horrendis ululatibus omnia complentes, ac Mariam tibi semper inimicam, peccatoribus securum misericordiæ perflugium, Dominicum sanguinem, quem etiam sceleribus suis conculcarunt, pignus illis esse salutis æternæ, quiritantes. Postremum addo. Tiro è D. Francisci familia moribundus, à mente alienior, exclamabat, ô si natus non essem! mox in has voces erumpebat: libram æquo examine suspendite. Deinde iterum, etiam in istam lancem imponite tantillum de passione, cruore, ac vulneribus Domini Iesu Christi, sibi redditus, rogatus ab adstantibus, quid ita exclamasset? quid sibi illæ voces vellent? Vidi, inquit, Dei iudicium, & in eo omne verbum otiosum, ac minimum quoque detectum severè examinari, operaque mea bona, erratis meis composita in multis deficere;

*In Chron.*

*l. 4. c. 35.*

*p. 2.*



cere ; rogavi itaque divinam misericordiam , ut de Salvatoris mei meritis parum operibus meis adderetur ; quod ubi factum , benignè pro me pronuntiavit Iudex. dixit, & beatam animam Deo reddidit, ac tanto pignore æternam fælicitatem obtinuit.

## CONSIDERATIO IV.

*Vulnera Christi**• Omnis felicitas.*

**I**lla hominum animis temeritas insidet , ut ex manuum nescio quibus notis, quæ eventura credunt, ominari non erubescant. Dicam ego cum Regio Propheta : *In te speravi Domine, dixi* <sup>Ps. 30.</sup>  
*Deus meus es tu, in manibus tuis sortes mea.* <sup>v. 15.</sup>  
*Audito nomine sortium, inquit Augusti-* <sup>In hunc</sup>  
*nus, non debemus sortilegos querere. Sors e-* <sup>locum.</sup>  
*nim non aliquid mali est. Quid igitur est, in*  
*manibus tuis sortes mea ? sortes dixit, quan-*  
*tum ego existimo, gratiam quâ salvi facti su-*  
*mus, quæ ex Domini Iesu manibus, cla-*  
*vis in cruce confixis fluxit, fecitque*  
*nos,*

Ad Colof.  
1. v. 12.

nos, ut Apostolus ait, annumerari in partem sortis Sanctorum.

In Achai.  
1. 7. n. 50.

Refert Pausanias speculum ad templum Cereris fuisse expositum, in quo quisque, ubi odores accenderat, & ritē deam precatus fuerat, eventuram sibi sortem felicem, vel infelicem, conspiceret. Fabula hæc est, & insanum demonis ludibrium. verissima specula nobis exhibent sacra Domini vulnera, in quibus infelicitas nulla, sed felicitas omnis demonstratur. Ludovicus Blossius; *Melliflua Redemptoris nostri vulnera*, inquit, *revera mundissimum speculum sunt. si quis illa cum Apostolo penetrare sciret, inveniret in eis, quidquid divinitas exhibere potest, quod est omnis beatitudinis, ac felicitatis complementum.*

In Hist.  
Coll. Mon.  
Soc. Iesu  
an. 1599.

Monasterii, in Westphalia, matrona quædam acatholica binos habebat filios, quos, ea in urbe, Societati in scholis suis erudiendos commiserat. Vanitati hæc nimis addicta, ad speculum comebat, & componebat se crebrius; quod cum parvuli observant crucifixum, ex arula sua, materno speculo appen-

pendunt, quo spectaculo illa permota, atque in Salvatore suo vulnerato, quasi in purissima crystallo sceditatem, atque errorem suum contemplata, hæresim ejurat, moreſque mutat; à natis felicius immortalis vitæ reddita, quàm eos ipsa in mortalem ediderat. Ita in divinis vulnerum Domini speculis fors & felicitas nostra constituta est. Id quod etiam edoctus à Deo est vir religiosissimus B. Henricus Suso, è D. Dominici familia. Hic aliquando magnâ pressus tristitiâ, & de salute sua anxius, hanc de cœlo vocem audivit: Surge, ingredere in vulnera mea, nam in his felicitas tua unica consistit.

## CONSIDERATIO V.

*Vulnera Christi**Auxilium animarum Purgatorij.*

**R.** P. N. Iacobus Laines, secundus  
Generalis Societatis Iesu, ipso  
statim initio gubernationis familiæ  
L. . . . . suæ,

Francisc.  
Zach. To. 2.  
Hist. Soc.  
Iesu.

suæ, quidquid ad eam vel tuendam, vel promovendam, ubique terrarum facere posset, attentè circumspiciens, impensè per litteras quædam rerum capita commendavit; inter quæ hoc in primis erat, ut quotidie quamque frequentissimè animarum, quæ in Purgatorio igne cruciantur studiosè omnes meminissent. Nam quandoquidem Societas tantum exhaurit laboris, occupationibus tam multis, sive litterarijs, sive spiritualibus, eo dumtaxat consilio, ut homines, ad æternam felicitatem consequendam juvet, quem ad finem creati, pretioq; tam grandi redempti sunt; consentaneum profectò esse, ut eundem prosequentes charitatis spiritum, etiam ex hac vita digressis, ad cursum conficiendum opitulentur, ne justa sit illis causa Societatis charitatem, quasi imperfectam, & mancam accusandi, & meritiò liceat conqueri, se medio in itinere eoq; in loco destitutos, ubi nullam omnino sibi ipsis opem queant adferre. Idem ipsum B. Franciscus Borgia post alterum Generalis III. suis vehementer commendatum cupiebat.

Si igitur ea nobis etiam est cura, ut  
clavis,

clavis, & clavibus sacrorum Domini Iesu vulnerum, cœlum vivis refere-  
mus, potiori sanè jure idem vitâ fun-  
ctis commiserationis & caritatis obse-  
quium præstare nos oportet. Refert *Lib. 5. c. 10. Grat. Spir.*  
sancta Mechtildis sibi à Salvatore re-  
velatum esse, quotiescunque honori  
sacrorum suorum vulnerum quinquies  
oratio Dominica, & salutatio Angeli-  
ca recitantur in subsidium purgantium  
animarum, eas mirè recreari, licet pœ-  
nis suis non continuò eximantur. San-  
cta Gertrudis non unam animam cœlo  
transmisit, postquam eadē prece, Domi-  
ni vulnera salutasset, & deosculata fuisset.  
Refert S. Antoninus observatum *p. 3 tit. 24. c. 8. §. 15.*  
non rarò fuisse, B. Ioannem de Alver-  
nia, Ordinis PP. Prædicatorum, vul-  
nerum Salvatoris cultu, tot animas è  
Purgatorii flammis solvisse, quot ab in-  
genti igne vehementer agitato in aë-  
tem evolant scintillæ.

Matrona pia inprimis Beatæ Lidu- *In vita.*  
winæ Virgini Hollandæ, ex oppido  
Schidamo perfamiliaris, cùm ei dice-  
ret, si salutis suæ certa foret, se ignibus



purgatorii, tot cupere annis cruciari,  
quot in vicino vase sinapis grana con-  
tinerentur. Non rectè, inquit Lidu-  
wina sapis, ac loqueris dilecta, neque  
fatis cruciatibus Salvatoris, ac sacris  
ejus vulneribus confidis, quæ poten-  
tissima remedia sunt, ut te, atque alios  
à purgatorii igne liberes. Vivere illa  
desiit; dein magno ploratu sociæ Lidu-  
winæ apparet, ac suam diffidentiam  
accusat; orat, obsecratque, ut meritis  
sacrorum Domini vulnerum è tormen-  
tis ineffabilibus eximatur, quod Lidu-  
wina præstitit, cælumque exemptæ  
flammis animæ aperuit.

*Alexis de  
Salo de  
Purg. p. 2.  
s. 9.*

B. Henricus Suso, de quo paulò an-  
tè, Colonix Agrippinæ studiis operam  
dabat, quibus decursis, abitum parans,  
cum altero ejusdem ordinis Religioso,  
sibi ob probitatem devincto, pactum  
iniit, ut qui ipsorum alteri superstes vi-  
veret, pro defuncto, quot hebdoma-  
dis, anno integro, diebus Lunæ Deo  
Missæ sacrificium offerret, quod pro  
mortuis legi solet: diebus autem Ve-  
neris, quod de passione Domini. Mo-  
ritur

ritur post annos plures, Susoni ille familiaris, quod ubi hic intellexit, orationibus variis, ac piis operibus amici animam Deo commendat. Comparet tandem defunctus; conqueritur de fide sibi non servatâ, ignibusque purgantibus vehementer eam ob causam se cruciari. Ait Suso, ex quo de illius obitu certior factus esset, non destitisse se animam ejus Deo impensè commendare. Sanguinem, sanguinem clamabat defunctus, sanguinem posco. Vbi Missæ sacrificia mihi promissa, & pacto firmata? quæ passionis ac vulnerum Domini meritis, præsentissima purgantibus animabus sunt auxilia. Damnavit Suso oblivionem suam, & promissa sacrificia persolvere coepit, sociumque supplicii exemit. Sanguinem, sanguinem, flagitant à nobis defuncti, quem in sacra generali, & quacunque corporis Domini Communionem, in sacrosancto Missæ sacrificio, quod vel de Defunctis, vel de Passione Domini, vel de immaculata Dei paræ Conceptione, more Hispanico,

L 3      legitur,

legitur, vel novæ hujus coronæ usu, illis haurire possumus, purgatoriiis flammis extinguendis efficacissimum.



*Vulnus lateris Christi*

Io. 21.

v. 10.

**D**E sacratissimo hoc vulnere Ioannes Evangelista solus meminit. Ille scilicet *discipulus, quem diligebat Iesus, qui & supra pectus Domini in cæna recubuit*, cui proinde conveniebat acceptum à Salvatore vulnus cordis atque amoris, præ reliquis, posteritati tradere.

Quærunt sacrae Scripturae Interpretes, dexterumne, an sinistrum Domini

ni latus à milite lanceâ percussum fuerit? Franciscus Zuares antiquo sensu, à quo consultum non sit recedere, ab Ecclesia receptum esse ait dexterum latus, uti imagines referunt, crucifixi Salvatoris lanceâ fuisse apertum. Sunt tamen, qui rationi, cum D. Cyrillo consonum putant, sinistrum Domini latus percussum, cum in illo cor resideat, quod vitæ principium est, ut certiùs de Salvatoris morte constaret, à qua generis humani redemptio dependebat, quando illud transfixum videretur. *In Carus. de pass.* Conciliari tamen possunt hi auctores, si cum Prudentio credamus tam gravi vulnere dexterum latus percussum fuisse, ut lancea universum pectus ad cor usque penetrarit, evidenti mortis, amorisque Domini erga nos argumento.



## CONSIDERATIO I.

*Vulnus lateris Christi*

*Principium & origo Ecclesiæ, ac regenerationis nostræ.*

*Ep. 4. c. 6.*

*Lib. 10.  
in Luc.*

*De symb.  
ad Catech.  
c. 6.*

**V**ULNUS lateris Domini Iesu potentius, quàm reliqua, animos nostros provocat, & afficit, neque præ illo, aliud sæpius exhibuit Salvator, quia cordis simul, atque amoris vulnus est, & Ecclesiæ, nostræque regenerationis fons, & origo, uti communi consensu sancti Patres affirmant. Ita S. Leo manifestè: *Tunc regenerationis potentiam sanxit, quando de latere ejus profluxerunt sanguis redemptionis, & aqua baptismatis.* Cui præclarè consonat S. Ambrosius: *Ex illo incorrupto corpore; sed defuncto, omnium vita manabat, aqua enim & sanguis exivit: illa, quæ diluat, ille qui redimat.* sed more suo doctè, & ingeniosè D. Augustinus: *Ascendat, inquit, sponsus thalami sui lectum, dormiat moriendo, aperiatur latus ejus,*



Et Ecclesia prodeat virgo, ut quemadmodum Eva facta est ex latere Adam dormientis, ita Ecclesia formetur ex latere Christi in Cruce pendentis. aqua videlicet quæ de latere Salvatoris lanceâ percussio continuò exivit, significat sacrum baptismum, & sanguis sanctissimum Eucharistiæ sacramentum: uti ex Cyrillo, & Chrysostomo docet Franciscus Cardinalis Toletus, adeoque per Baptismum regeneramur Deo, per sacram verò Eucharistiam, ejus obsequio, & gloriæ nutrimur. 10. 19.

Aptè videor posse me hoc loco usurpare nomen illud, quo Salvator ipse juxta Alcazarii nostri mentem se ipsum appellat, cum ait, *Ego sum* Α & Ω, *Apoc. 1. v. 8.* *Principium, & finis*; nam ut Α litterarum est principium aliarum, notaque absolutionis, ac felicitatis apud Romanos, aliasque gentes, ita & Salvator Α est principium, & signum absolutionis, felicitatis, ac salutis nostræ. Neque, ut Ioannes Pierius Valerianus rectè ac pie observat, Alpha simplex est Salvator; sed Pentalpha figura illa antiquis-

sima, & vulgatissima ( quam alibi Pen-  
 tagonum diximus ) esse demonstratur:  
 nam lineæ per angulos suos rectos ( uti  
 in subjecta figura patet ) ductæ à pe-  
 dum ad manuum vulnera, ac deinde ad  
 vulnus lateris, Pentalpha conficiunt  
 perfectissimum, singulaque vulnera  
 Alpha sunt, principium scilicet Eccle-  
 siæ, regenerationis, ac salutis nostræ;  
 quod licet à SS. Patribus potissimum  
 vulneri lateris Domini tribuatur, om-  
 nibus tamen, & singulis vulneribus ad-  
 scribendum est: nullum enim est, quod  
 non sit principium Ecclesiæ, atque  
 origo regenerationis, ac salutis nostræ,  
 quæ uti à Salvatore tanquam ab A ha-  
 bet principium, ita & in ipso veluti  
 in  $\Omega$ , & fine nostro conquiescit. Cujus  
 ego, nobis tam desideratæ veritatis  
 non aliud quàm ipsiusmet Domini le-  
 su testimonium pono, qui ultimo Apo-  
 calypsis capite, hæc suprema sui in nos  
 affectus verba pronunciat: *Ego sum A &  
 $\Omega$ , primus & novissimus, principium & finis.*  
*Beati qui lavant stolas suas in sanguine Agni,*  
*ut sit potestas eorum in ligno vite, & per-*  
 por-

*portas intrent in civitatem.* Per quas portas quid aliud, & quid suavius quàm sacratissima Domini vulnera intelligamus? quando hoc ipsemet tam clarè insinuat, dicens: *Beatos qui lavant stolas suas in sanguine Agni, ut sit potestas eorum in ligno vitæ, & per portas vulnerum scilicet in cruce, hoc est, ligno vitæ acciptorum & manantium divino sanguine in ablutionem omnis peccati, tamquam per principia & fines salutis nostræ intrent primo quidem in civitatem Sanctorum, hinc in Ecclesia militantium, ac denique in civitatem domesticorum Dei triumphantium in cælo, & in Deo beatitudinis omnis novissimo termino quiescentium.*

Habes amice Lector, eorum quæ diximus in subjecta imagine explicationem illam pio oculo dignare, & ad considerationis hujus extremum perge.





Refert Lucius Marinæus Sanctii Garfiæ Aragoniæ Ducis septimi matrem Vracam nomine, illo gravidam, cum in bello contra Mauros locia Garfiæ Cunico marito esset, fortis & animi plena mulier, lanceâ in latere, grandi vulnere, ab hoste percussam fuso exercitu, & Cunico occiso, in fuga mortuâ, in Navarræ montibus solam concidisse, ubi fortè à Nobili quodam, cui Guevara nomen erat, deprehensa, & agnita, cum, quem utero gestabat, infantulus per vulnus manum exereret, eum è matris utero excidit, ac testibus adhibitis, sacro fonte ablutum uxori alendum commisit. summo silentio, pastoritio deinde habitu, & famularibus muniis adjunctis, alumni sui fortunam, ipsi etiam ignotam per annos omnino quindecim dissimulavit. Quo tempore evolutò cum Aragoniæ Procere ad eligendum sibi Principem convenissent, Guevara alumnum suum illis obtulit, postquam, mirantibus rei totius seriem, prout contigerat ordine explicasset. fuitque is magno omnium consensu



ac plausu Aragoniæ Dux septimus renuntiatus.

Cap. 46.

v. 3.

Lud. Grana-  
nat. in vita  
M. lo. Avi-  
la c. 4. §. 6.

Gestabamur omnes intra viscera misericordiæ Dei ac Salvatoris nostri, uti ex Isaia discimus. Longinus lanceâ latus ejus aperuit, per quod ad vitam æternam sumus omnes regenerati. Hunc sensum altè imbiberat Eleonora d'Inochosa Domini ac Magistri Joannis de Avila, viri religiosissimi, ac doctissimi discipula, quæ contemptis ac rejectis illustrissimæ familiæ suæ titulis, & nomine, non alio voluit compellari, quam Eleonora de latere Iesu; omnem dignitatem, nobilitatem, ac felicitatem in hoc sitam existimans, quod ex illo renata esset, ad tam dignæ, divinæque generationis normam, vitam, moresque componens. Admirare anima mea nobilissimæ, ac sanctissimæ Matronæ hujus pietatem, & imitare.

CON-

## CONSIDERATIO II.

*Vulnera Christi**Sigilla animarum.*

**P**one me ut signaculum super cor tuum, *Cant. 8.*  
ut signaculum super brachium tuum: ait *v. 6.*  
Crucifixus, & vulneribus perfossus  
Salvator, ex unanimi SS. Patrum con-  
sensu. Sacra Domini vulnera tot San-  
ctorum corporibus fuisse ab ipso im-  
pressa, evidens argumentum nobis est  
magnopere illi placitum, si & nos  
corda, animosque nostros illis obli-  
gnemus.

Sigillaturam hanc, uti loquitur D. *Brev. Rom.*  
Bonaventura, S. Franciscus in carne *in festo*  
sua, quasi ad ignis liquefactivam virtu- *Stigm.*  
tem præparata, à Seraphico crucifixo  
accepit. In manibus namque ac pedi-  
bus ejus, apparuerunt signa clavorum  
ipsorum, capitibus in interiori parte  
manuum, & superiori pedum apparen-  
tibus, & eorum acuminibus existenti-  
bus ex adverso. Dextrum quoque la-  
tus

tus, quasi lanceâ transfixum rubrâ cicatrice obductum erat, quod sæpè sanguinem sacrum effundens, tunicam viri sancti respergebat.

*Brev. Rom. 29. Ap.* S. Catharina Senensis, cum Pisis moreretur, die quodam Dominico, refecta cibo cœlesti, & in ecstasim rapta, vidit Dominum Crucifixum, magno cum lumine advenientem, ex eius vulneribus quinque radios ad manus, pedes ac latus suum descendentes; sed Dominum precata, ne cicatrices apparerent, radii colorem sanguineum in splendidam, ac puram lucem mutarunt, ita ut à vi vulnerum frigentem quidem dolorem senserit, sed signa illorum cruenta non apparuerint.

*Barth. Fix. in vita eius 19. Nov.*

Circa annum Domini millesimum, ducentesium, sexagesimum, in pago Spalbeeck, patriæ Leodiensis Teutonice, Elisabetha virgo admirandæ sanctitatis signis clauit. Hæc à tenera ætate, vix dum quinquennis, eâ fuit corporis infirmitate, ut nec gradum ulquam promovere, nec in pedes erecta posset consistere. Sed imbecillum corpus

pus vegetabat animus, qui miro conatu ad arduum altissimumque virtutis fastigium nitebatur. Primus ac præcipuus illi gradus fuit per assiduam meditationem cruciatuum, quos Salvator nostri causâ perpeffus est, Deo se gratam acceptamque reddere. In hos quando animum intendebat, vi tantâ se mens efferebat, ut corpus illâ, quam diximus, ægritudine prostratum erigeret, & per cubiculum commodè, nullo adminiculo inambularet, flagris se cæderet, pugnis contunderet, capillos evelleret, aliaque de se supplicia sumeret, prout ea de patiente suo Salvatore meditabatur, ut externo etiam schemate se illi quàm simillimam exhiberet.

Sed ut propiùs ad rem nostram veniamus, de illa ita scribit Philippus Abbas Claravallensis: Cùm fortè, inquit, per Belgium, instituti nostri familias inspicerem, audiivi multa de virgine quadam Elisabetha nomine, quæ nisi prudenter explorata, fidem mereri non viderentur. Exploravi, & dictis majora

ra deprehendi. Primum hoc constat, impressa corpori Virginis esse Dominicæ Passionis stigmata, è quibus plerumque, potissimum diebus Veneris, ceu è recentibus vulneribus cruor promanet, & quandoque ebulliat. Rotunda sunt manuum pedumque vulnera, lateris oblongum. Ipse ego, sociique Abbates, ac Monachi alii, nocturnis aliisque horis, cruorem animadvertimus oculis effluentem, ac perfundentem amictum lineum, quem vestibus superinduit. Notavimus præterea, quodam Veneris die, per apertam in latere vestem, sanguinem scaturire non omninò purum, sed velut aquâ mixtum (ut & in hoc Salvatore suo similis esset) inficientemque colore suo corporis partes vulnere vicinas, & intimam è lana vestem. Hæc Philippus Abbas. Francisco, Catharinæ, Elisabethæ, addere possem Gertrudem, Liduwinam, Luciam Ferrariensem, & longè plures, quarum corporibus vulnera sua impressa Salvator voluit, ut constet velle cum illis corda animalque nostras signari.



gnari. id quod istis verbis apertè declarat, cùm ait: *Pone me ut signaculum* Cant. 8, *super cor tuum, ut signaculum super brachium tuum*, ubi Hebræi, pro signaculo legunt sigillum, vel annulum, qui pro sigillo servit.

Est autem sigillorum, & annulorum varius usus, & finis, uti bene observat Cornelius à Lapide Societatis nostræ pius, doctus, & eruditus Sacræ Scripturæ Interpres. 1. Regum & Principum sigillo pecunia notatur, & cuditur. 2. annuli, seu sigilla nobilitatis, & antiquitatis familiarum sunt monumenta. Ita Augustus Magni Alexandri imaginem, pro sigillo, in annulo gestabat, perinde atque si ab ipso genus duceret. 3. annuli sunt testimonia auctoritatis, & potestatis. Amano Assuerus Rex non secus, atque alteri sibi annulum suum dederat. 4. quod servatum, quod nostrum esse volumus, annulo, seu sigillo obfirmamus. 5. annuli notæ sunt amoris, quorum gemmis, aut scutulis amici, vel testeras, vel vultus suos inculpunt, eosque sinistra manus

M 2                  digi-

digito, quem cordis nuncupant, inserunt.

*Vascon. de  
Reg. Lusit.*

Optat ergo Salvator nobis sua vulnera sigillum, & annulum esse. Lusitanæ Reges, uti & Ordines aliqui religiosi, pro sigillo seu signatorio annulo, expressis Domini vulneribus, neque alio, utuntur; sed nec possunt digniore, & pretiosiore, utpote qui Senatoris illius Romani sigillum gemmæ xx. millibus sestertiis æstimatæ incisum longè superet: illo & nos sacrorum vulnerum sigillo, ac toto Salvatore uti debemus.

*In cap. 8.  
Cant.*

Primò, ut cogitationes nostræ, verba, & opera iis signata, veluti moneta, ac pecunia optima, probentur, & admittantur à Deo, Angelis, ac hominibus. Vult, inquit Theodoretus, *Salvator noster, ut eum pro signaculo, in contemplationibus, & actionibus nostris habeamus, notam ipsius, crucis scilicet ac vulnerum, in omnibus tum dictis, tum factis, imprimamus. Sic enim erunt, ut numismata regiam non adulterina, sed imaginem regiam præferentia.* Ita Theodoretus.

Secun-

Secundò, Christo Iesu, ac vulnerum  
 ejus sigillo, signati esse debemus, ut  
 constet nos genus ab illo ducere. Ita  
 Scipio Africanus patrem in annulo  
 semper gestabat. Vnde sanctus Hiero-  
 nymus ad Eustochium: *Quotiescunque,* Ep. 22.  
*ait, te vana seculi delectaverit ambitio, quo-*  
*ties in mundo videris aliquid gloriosum, ad*  
*paradisum mente transgredere, & audi à*  
*Sponso tuo: pone me ut signaculum super cor*  
*tuum, ut signaculum super brachium tuum, &*  
*quod es, permane, genus scilicet Christi, non*  
*mundi, & esse incipe, quod futura es, heres*  
*scilicet regni cœlestis.*

Tertiò, annulo, seu sigillo notamus,  
 quæ nostra sunt, & nobis servata volu-  
 mus. sic omnes electi apud D. Ioannem,  
 signantur Crucis signo; ut constet per-  
 tinere eos ad Salvatorem crucifixum  
 ac vulneratum, illique servandos esse;  
 uti Antichristi affeclæ characterem  
 ipsius, & notam impressam habent. Po. In Cant.  
*ne me, ait Dominus, teste Anselmo, regen-* c. 8.  
*tem cor tuum, & cogitationes tuas, ut pateat*  
*amicis te continere mea secreta, & inimicis*  
*item pateat, ab eis secreta, quæ habes, clausa*  
 esse,

In eodem  
loc.

esse, habeasq; me rectorem in omnibus operibus tuis. Quod, quid aliud est, quàm ita Christo crucifixo signatum esse, ut totus illius sis, ejusq; character amoris, uti loquitur Hugo Cardinalis, te ab omni alieno discernat, & in castro animæ tuæ vexillum sacratissimis ejus vulneribus distinctum, quod Lulitanis Regibus proprium est, appareat.

Quartò, sigillo, seu annulo vulnorum Domini uti debemas, ut ostendamus per illa nos multa nobis, multa aliis posse; quemadmodum Salvator ipse, per eadem, Patri suo cœlesti representata, omnia potest, & obtinet: id quod satis superque à me ostensum est in variis Considerationibus præcedentibus.

Lib. de finibus.

Quintò, Christum Iesum vulneratum, ac crucifixum, in æterno memoriæ, ac cordis nostri annulo, uti amici amicos in annulis circumferunt, gestamus, inquit Honorius, cum ejus doctrinam, ac vitam semper præsentem habemus. sic Cicero docet, Epicuri discipulos & amicos, ejus imaginem in annulis

nulis gestasse. quanto nos melius in  
 memoriæ, & cordis annulo Iesum, &  
 hunc crucifixum? è contrario de Ie-  
 chonia ait Deus: *Vivo ego, si fuerit Iecho-*  
*nias annulus in manu dextera mea, inde evel-*  
*lam eum.* Nunquam, ô! annulus noster  
 Iesus, nunquam armilla vulnerum  
 Christi Iesu decorantium coronulam  
 nostram, aut de manu, aut de brachio  
 nostro evellantur, neque pro Salvato-  
 re, mundi ac vanitatis idolum signa-  
 culum sit cordis nostri. *Signaculum,*  
 ait Ambrosius, *Christus est in fronte, si-*  
*gnaculum in corde: in fronte ut confiteamur;*  
*in corde, ut diligamus; signaculum in brachio,*  
*ut semper operemur. Luceat ergo imago ejus*  
*in confessione nostra, luceat in lectione, luceat*  
*in operibus & factis, & si fieri potest, tota*  
*ejus species exprimatur in nobis; ipse est*  
*enim signaculum nostrum, quem, uti Ioannes*  
*ait, Pater signavit Deus, flagellis scilicet,*  
*spinis, colaphis, clavis, cruce, lanceâ,*  
*vulneribus; ut nobili hoc, ac divino si-*  
*gillo signati, Dominum Iesum Chri-*  
*stum ubique, in omnibus circumfere-*  
*mus.*

*Jerem. 22  
v. 24.*

*In cap. 8.  
Cant.*



Lib. I. Re.  
vel. c. 6.

At quando aptissimè hoc sigillo signabimur ? illo sanè tempore , quod nobis S. Gertrudis demonstrat. Cùm, inquit illa , festo quodam recepissem sanctam Synaxim , mente intentâ in Deum, & in meipsam, percepi, & sensi animam meam, instar ceræ, igne divino liquefactam sigillatione pectoris, ac lateris Christi fuisse signatam , atque ex plenitudine divinitatis immensos accepisse thesauros ; Quid ni & nos eodem modo notamur ac signamur, quibus ejusdem sigilli , corporis scilicet Dominici, tanta est copia ? Concludo, & quod in celeberrimo illo Deiparæ planctu habetur, orans ingemino:

*Eia Mater istud agas,  
Crucifixi fige plagas,  
Cordi meo valide.*

Vt sint mihi signaculum compassionis,  
gratitudinis, imitationis, & amoris.

## CONSIDERATIO III.

*Vulnera Christi**Magnes animarum.*

**M**Agnes ferrum trahit, & acum  
 nauticam temperans, illâ na-  
 vium cursum non minùs, quàm stellâ  
 polari visâ, dirigit. Vulneratum cor Do-  
 mini Iesu Magnes est, animas nostras ad  
 se trahens, ut plenis bonæ voluntatis  
 velis ad Deum, cursum nostrum diriga-  
 mus. Itä ipse Dominus testatur : *Ego, si* 10, 12.  
*exaltatus fuero à terra, omnia traham ad*  
*me ipsum*, hoc est, cùm fuero in cruce  
 fixus, & in ea manibus, pedibus, atque  
 latere confossus, sanguinis mei merito,  
 exemplo meo & amore, omnia homi-  
 num genera, per amicam vim attra-  
 ham, uti ait Cornelius, ut eos fratres  
 meos, imò filios meos faciam : ut sicut  
 ego sum Filius Dei naturalis, sic illi sint  
 filii Dei adoptivi.

Ita attracta fuit sancta Ludgardis, *Barth. Fi-*  
 quæ cùm ætatis annum ageret tantùm *zen. in vita*  
*16. Iuni.*

duodecimum, jam tum à pluribus expectabatur ad nuptias, quas Ludgardis pater non improbabat, neque ipsa averfabatur; cumque uni ex illis fortè familiaritè loqueretur, ostendit se illum Salvator, cruentum latus & cor faucium detegens; jussitque illam deinceps, nihil præter se, quærere. Ex illa humana omnia Ludgardis jam vilescere, ut cum Ignatio, inter Leones constituto, unicus, & solus amor illi crucifixus esset; usque adeò à conspecto lateris Domini sacro vulnere in illum rapta fuit.

*S. Ant. p. 3.*

*Hist. c. 9.*

*S. 7.*

Magnete eodem attractus fuit insignis ille in Parisiensi Academia Doctor. Cum is Franciscanæ familiæ se addixisset, mater ejus quæ inopiâ haud mediocri laborabat, & ad alia beneficia illud adjecerat, quòd illum donec studiis per otium vacaret, suarum manuum laboribus sustentarat, multis lacrymis, & clamoribus suam orbitatem lamentari cœpit, & tam filium, quàm illius Ordinis Patres omnes, tanquam inhumanos, & injustos accusare. Quibus


bus ille commotus, cùm jam in proposito nutaret, oraretque ante Crucifixi imaginem, quasi veniam ab eo petens discedendi ad matrem sublevandam, vidit è perfosso Christi latere manantem cruorem, simulque hanc vocem audivit: Ego te carius nutriti, quàm mater tua; quare deserere me non debes propter matrem. His ille visis, & auditis stupefactus, & simul ita roboratus est, ut deinceps maternas omnes lacrymas, & querelas facilè contempserit, & Domino iterum atque iterum se trahenti, in arrepto semel instituto, per omnem vitam constanter adhæserit.

Non aliter etiam exaltatus à terra Dominus ad se traxit nobilem illam in Hispaniis puellam, quæ æqualium societatem fugere solebat, in qua certa temporis, sæpè etiam animæ jactura est. Hæc cùm à matre, & sororibus geniali quodam die abducta esset ad tripudium, atque ad hoc à juvene nobili invitaretur, elevans in cœlum oculos, vidit sibi supra caput astantem Domi-

num

*Paul. Bar-  
ry in an.  
Sac. p. 1.  
devot. 2.  
c. 7.*

num Iesum, vulneribus toto corpore concisum, manibus, pedibus, ac latere multo fluentem sanguine, & facie laboranti similem, ac multo sudore madentem, qui illam compellans: Vide, inquit filia, quàm graviter me afficiat sociarum tuarum levitas, in quam te insinuas. Monet illa matrem, & cum ea ac sororibus domum se recipit; ac deinde mundo valedicens, eas elegit socias, apud quas Salvatori supplicia sua, ac vulnera renovatura non esset. Quando tandem anima mea, patieris, & tu te trahi suavi illo magnere venerandorum Domini vulnerum, dissolvens ferreae voluntatis tuae catenas, quibus in molestissimo affectionum tuarum carcere captiva jam nimium diu detineris?





## CONSIDERATIO IV.

*Vulnera Christi**Domicilium animarum.*

**S**alvator noster, in sermone illo af- Io. 13. v. 3.  
 fectus divini plenissimo, post coe-  
 nam ultimam habito, significavit Apo-  
 stolis abire se, ut illis locum pararet. Et  
 sanè in terris gratiorem nullum parare  
 poterat, quàm sacri lateris, sacrorum-  
 que vulnerum suorum domicilium.  
 Rectè, & subtiliter more suo D. Augu- Tract. 120.  
 stinus, cum ait, non dicere Evangeli- in Ioan.  
 stam militem lanceâ percussisse, aut  
 transfixisse latus Domini, sed illud a-  
 peruisse, ut in vulneris latitudine in-  
 telligeremus ostium nobis apertum  
 esse, per quod in superbenedictum cor  
 ejus penetraremus; quod ipse Augusti- Man. 23.  
 nus facit, cum ita ait: *Longinus aperuit*  
*michi latus Christi lanceâ, & ego intravi.*  
*Hic fidenter habito, hic me jucundè reficio,*  
*hic quiesco securus.* Hunc D. Augustini Tract. de  
 suavissimum affectum etiam ipse Sal- Virt. qua-  
 vator driga.

vator comprobavit. Nam cum vir quidam pius magno illum zelo oraret, ut homines omnes in divinum suum latus, veluti in tutissimum, ac suavissimum domicilium admitteret, illud amplum adeo ac spatiosum illi Christus ostendit, ut nulli non recipiendo sufficeret. Ut pie & eleganter canit ille;

*Sidron. de  
Hoffche in  
eleg. de  
vul. Dom.*

*Aspice ut pateant, & se tibi vulnera  
pandant?*

*Præcipue quod sub pectore vulnus hiat:  
Fecit in hoc sedem, & solium regale locavit,*

*Hic aulam voluit Rex Amor esse  
suam.*

*Hic sedet, & valvis quemvis admittit  
apertis.*

*Noctes atque dies omnibus aula patet.  
Quo veniunt plures, plures agit ille triumphos*

*Nec, nisi non omnes velle venire, desinet.*

*Hic ego sum felix, hac degam & latibam  
in aula.*

*Pulchra sit hac oculis Regia sola meis.  
Regum*

Regum, Principumque Majestas, & potentia splendida molitur substru-  
ctiones. Chinarum Regis palatium *Majol. l. 2; 1*  
septuaginta novem aulas numerat, in- *dier. Cami,*  
ter quas quatuor ornatissimæ, atque o-  
pulentissimæ sunt ære, argento, auro,  
gemmisque, insigni arte elaboratæ.  
Monarchis hisce libentes, volentesque  
palatia sua cedemus, cum vulnera Do-  
mini sacratissima, ejusque cor tam a-  
mabile nobis pateant: Nam ut more  
suo piissimè Abbas Blosius; *apertum est* *Marg. Sp. 19.*  
*Christi latus, ut nobis accessum aditumq;*  
*pius Iesus, ad cor suum patefaceret. Unde de-*  
*claravit suum erga nos incomprehensibilem*  
*amorem. Et quid ultra nobis potuit facere,*  
*quàm fecit? Ipsum cor suum, tanquam secre-*  
*tissimum cubiculum, nobis reſeravit; sunt*  
*namque delicia ejus esse nobiscum, & in si-*  
*lenti tranquillitate, & tranquillo silentio vo-*  
*luit apud nos quiescere. Dedit nobis cor suum*  
*dirè vulneratum, ut in eo commoraremur,*  
*donec penitus expurgati, & mundati, suoque*  
*cordi conformes, idonei, ac digni simus, unà*  
*cum ipso, in aterni Patris cor abduci. Nobis*  
*præbet cor suum, ceu lectulum purpurei san-*  
*guinis*

guinis sui rubentibus rosis adornatum; repositq; cor nostrum, ceu lectulum candidis mundorum operum condecoratum liliis. Haetenus Blossius.

*Sur. in vita.*

*In Elog. vita manus.*

Hoc cordis, hoc sacrorum Christi vulnerum domicilium incolebat Sanctus Comes Elzearius, qui à Dalphina conjuge rogatus, ubinam, quidve ageret? agere se aiebat, in vulneribus Salvatoris, atque in illis latè vivere, neque in terris aliud se domicilium querere. Idem sensus fuit, eademque pietas Mariæ Claudiae de Pontaliers Burgundæ, è Coelestinarum familia; quæ inde harum Coloniam Insulas, & Tornacum deduxit. Rogata enim, an ex Burgundia ab amicis, & notis discedens nihil inæroris passa esset? respondit: ex quo sacrum Domini Iesu latus elegisset in domicilium, in illo se Burgundiam, amicos, & notos reperisse, tantumque simul solatij, ut neque ad spatium, quo percurreretur psalmus *Miserere*, fuerit subtristior.

D. Bonaventura S. R. E. Cardinalis non palatium aliud; religiofissimus ve-

rò Ordinis sui Generalis non cellam  
 aliam præter sacratissima Domini vul-  
 nera optabat. O, inquit, quàm beata lan- <sup>stim. p. 1.</sup>  
 cea, qua aperturam huiusmodi facere meruit! <sup>c. 1.</sup>

O si fuisset loco illius lancea, exire de Christi  
 latere noluissem, sed dixissem: Hac requies <sup>Ps. 131.</sup>  
 mea in saculum sæculi, hic habitabo, quoniam <sup>v. 14.</sup>  
 elegi eam. Et iterum: O amantissima vulne- <sup>vbi sup.</sup>

ra Domini nostri Iesu Christi! Cùm in illa,  
 quodam die, oculis subintrarem apertis, ipsi  
 oculi sanguine sunt repleti, sicq; nihil aliud  
 videns, cæpi ingredi manu palpans, donec per-  
 venirem ad interna viscera charitatis Iesu,  
 quibus undique circumplexus redire nescivi;  
 ideoque ibi inhabito, & quibus vescitur cibis,  
 vescor, & potu illius inebrior. Ibi tantâ abun-  
 do dulcedine, ut tibi non valeam enarrare. Et  
 qui prius fuerat novem mensibus pro pecca-  
 toribus, in utero virginali, mirè dignatur me  
 servum suum intra vulnera sua, totâ vitâ  
 meâ conservare. O cecitas filiorum Adam!  
 qui per hac vulnera in Christum nesciunt in-  
 trare, in quibus non anima solum, sed & cor-  
 pus pia solatia reperit. Experientiam cape, ô  
 homo, & cognosces me verum tibi dicere, &  
 quod optimum est, suadere. Hactenus Bo-



Luc. VVad.

p. 2. an.

Min. an.

1274. n.

17.

p. 1. sim.

c. 15.

naventura ; Cujus tam pio erga sacra  
 sua vulnera affectui dulcissimam Do-  
 minus vicem reposuit. Ad mortem  
 enim æger vir sanctissimus cùm ob  
 stomachi debilitatem , sacro Christi  
 corpore vesci non posset, petiit in pyxi-  
 de illud pectori suo imponi : vix pyxis  
 erat imposita , cùm ecce illi latus rosæ  
 instar aperitur , ac sacra hostia è pyxide  
 egressa in illud , divino motu ingredi-  
 tur, ut benignissimus Dominus amabili  
 morientis Bonaventuræ cordi junge-  
 retur , qui vivens Christi cordi amabi-  
 lissimo semper junctus fuerat. Elige  
 anima mea, & tu hoc domicilium, quia  
 nusquam majori cum securitate, atque  
 solatio habitabis. Simul audi Bonaven-  
 turam , si illud facere neglexeris, non  
 tibi, sed tibi ita ingemiscentem : *Heu mi-  
 hi ! quare natus sum , nisi Dominum meum  
 Iesum in cruce complectar , & in sacris ejus  
 vulneribus requievero ?*

## CONSIDERATIO V.

*Vulnera Christi**Testes amoris.*

**Q**uid adhuc egemus testibus? An non testatum satis in Bethleem, in stabulo, in deserto, in horto Gethsemani, in palatiis Caiphæ, Pilati, Herodis, in monte Calvariæ, in cruce ipsa ab optimo Salvatore amatos nos fuisse, ut reservatis in corpore vulneribus opus fuerit monitoribus, ut vicem illi in amore reddamus? attamen cum & hos sui in nos amoris testes Salvator addere voluerit, nunquid rectè Paulus?

*si quis non amat Dominum Iesum Christum, sit anathema, Maran Atha, id est, Dominus iudex puniet & damnabit illum: non enim differt à Iudæo, quia Iesum si non amat, denuò crucifigit. Cave anima mea deicidium repetere, attende & perpende rem mirabilem.*

*I. Cor. c. 16  
v. 22.*

D. Birgitta, illa Sueciæ, nobilitate sanguinis, vitæ sanctitate illustris alum-

Euseb. Rom.

Hist. l.

3.08.

na, decem annos nata, cum quadam die de passione Domini sermonem audisset, eumque cordi suo firmiter impressisset, nocte sequenti vidit Iesum in cruce, sanguine recenti perfusum de passione sua ipsam alloquentem, quâ existimante ipsum tunc temporis fuisse crucifixum, & interrogante quisnam cruci tam dirè iterum affixisset, respondit Dominus ab illis hoc factum, qui contemneret charitatem ipsius. Quamne quoties contemnimus & obliviscimur, toties Salvatorem cruci iterum figamus, vulnera sua æternos amoris sui in nos monitores & testes in corpore suo servare, & coelo inferre voluit.

Ita est, mi Salvator amantissime; vivere, sed non in desiderio pati desieras, tuusque erga me amor, etiam supplicia, quæ cum morte finem habent, post eam nova adinvenit. Clavi manus, ac pedes transfixerant, spinæ caput: colaphi ac sputa faciem deturparant, fel palatum cruciaverat, flagella corpus totum confecerant, & modò cum vita tibi amplius non supersit, charitas tua quasi  
plus

plus quàm antehac ardentior, divinum cor tuum transfodit, utque ostendas amorem, passionis tuæ acerbissimæ fontem esse, illum in corde, amoris omnis principio, finem habere voluisti. O amor æterne, ita perge æternum me amare, & da, te ut æternum amem.

Beata Mechtildis è latere Domini *Lib. I. Grat. spir. c. 4. & 34.* flammis aliquando vidit erumpere. O

si in fornace ista liquefiat anima nostra! S. Francisca Romana ex omnibus Iesu *In vita ejus.* Christi vulneribus catenas igneas pro-

dire vidit, ipsum circumplectentes, ut illis, tanquam arctissimis nexibus mortalium corda sibi adstringeret. sunt planè Salvatoris vulnera sanctissima amoris testes, quo erga animas nostras succenditur, ut rectè dicat ille de vulnere lateris

*Officinam in petra faber Amorum habet, Iug. eleg. 76.*  
*Vbi tela procudat sua.*

Imò verò in petra, scilicet Christo, Dei charitas non unam, sed quinque officinas habet, in quibus non tela tantum, sed & catenas procudat, quibus nos à

mundo, carne, ac dæmone abstrahat sibi que conjungat.

4. Reg.  
c. 13. v. 16.  
Ch 17.

Cæterum sicut vulnus lateris præ aliis, uti jam dixi, vulnus amoris dicitur, ita nusquā suavius, quàm huic vulneri quodammodo inclusi in amore erga Deum ac Salvatorem nostrum occupabimur. Per fenestram orientalem loquias Rex, jubente, ac manus suas super manus ejus ponente Elisæo Propheta contra Syriam, sagittas suas emittebat, quas *sagittas salutis Domini* vocat Scriptura. Ita Salvator noster ex potenti, ut ita dicam, sacræ crucis suæ arcu, patre ejus cœlesti id unicè volentē & divinas manus suas manibus ejus vulneratis imponente, ac jaculantem dirigente, per sacratissimi lateris sui orientalem fenestram, salutis ac caritatis suæ sagittas emittit. Vtinam pateant his sagittis animæ nostræ, & corda, uti patebant ejus, qui dicebat: *Sagittas veras Domine cor nostrū caritate tua, & gestabam verba tua transfixa visceribus.* cui appositè ille canit:

5. Aug. lib.  
9. Conf.  
c. 2.

Sidron. in  
affect. pass.  
Dom.

*Me pte amor telis in Christi vulnere tinctis:  
Quem lasi toties, sic ego latus, amem.*

Quod



Quod telum, & sancta Gertrudis  
miro modo aliquando sensit. Cum e-  
nim à sacra Communione ante Chri-  
sti è cruce pendentis effigiem, pro ac-  
cepto beneficio gratias ageret, è latere  
Salvatoris lucis radio, veluti telo per-  
cussa, in novum erga illum amorem ex-  
arsit. Rectè Blosius exclamat: *O beatos* Marg. Sp.  
*illos, qui hujus sunt vulneris participes! quo-* c. 19.  
*rum corda sic configit amoris Christi lancea,*  
*ac sagitta, ut deinceps perenni serveant chari-*  
*tatis ardore.*

B. Mechtildis, pro mundi redemptione,  
Salvatori nostro gratiam quam po-  
terat maximam referens, oransque ut  
cor suum tot amoris ipsius vulneribus  
transfigeret, quot ipse in sacratissimo  
corpore suo pertulisset vulnera, à sen-  
sibus mox alienata, visa sibi est ad  
splendidissimum palatium deduci,  
quod palatium deinde, sacrum Domi-  
ni latus esse agnovit, è cujus cruce sa-  
gitta aurea missa, cor ejus penetrare,  
ac transfigere videbatur. Atque ita di-  
vina caritate penitus vulnerata, voti  
sui compos est facta. Ad simile carita-

Lib. 1.

Grat. Sp. c.

20. &amp; lib.

2. c. 20.

P. 1. *Stim.*  
vol. 2.

tis vulnus & S. Bonaventura anhelat, cum ita orat: *Transfige dulcissime Domine Jesu medullas animæ meæ, suavissimo, & saluberrimo vulnere amoris tui. vulnera viscera animæ meæ verâ, & firmâ, & Apostolicâ caritate, ut verè ardeat, langueat, & liquefiat anima mea solo semper amore, & desiderio tui. concupiscat & deficiat anima mea in atria tua (vulnerum scilicet tuorum sacratissimorum) cupiat dissolvi, & in illis tecum esse.* Ita Bonaventura.

*Traff. de*  
*pass. Dom.*

*Cant. 4.*

*Cap. 53.*  
*v. 5.*

Merito D. Bernardus quærit, quare Dominus animam peccatricem quærens, dicat: bis sibi ab ea cor vulneratum esse? aitque in promptu causam esse, quia prius amore, ac commiseratione, quàm lanceâ fuit vulneratus. *Vulneratus est propter iniquitates nostras, attritus est propter scelera nostra*, ait Isaias, ita ut scelera nostra malleum clavis crucifigendo Salvatori, manum lanceæ lateri ejus perfodiendo, amore provocante, quodammodo commodaverint, sine quo, nec clavi, nec lancea quidquam potuissent: ut merito

*Lib. 1. grat.*  
*Sp. c. 23.*

sancta Mechtildis exclamaverit: *Quid tibi*

tibi, ô dulcor unice, debet gratiarum actionis  
offerri, pro illo amoris vulnere, quod in cru-  
ce accepisti pro homine, cum prius, quàm lan-  
cea, amor tuus invincibili sagittâ cor tuum  
mellifluum vulneraverit? Quod & ille:

*Aspice quàm lato patefactum pectus hiatu,  
Quantaq; sint manuum vulnera: quanta  
pedum!*

*Non hæc tam clavi, nec acuto lancea ferro,  
Nec populi fecit, carnificumq; furor,  
Quàm, qui causa fuit tantorû prima dolorû,  
Totq; Deum plagas ferre coëgit, Amor.*

Fuere qui humano pectori fene-  
stram inesse desiderarunt, per quam  
cor introspecteretur. Stultum sanè vo-  
tum. quid enim in cordibus plerisque  
videretur, nisi sordium omnium foeti-  
dissima, ac turpissima cloaca, qualem  
Salvator apud Matthæum describit.  
Sed ille meritò divinum cor suum, non  
sine patienti sacri lateris vulnere, veluti  
fenestram, esse voluit; ad quod Iuglaris  
ita alludit:

*Cordi suo notam inesse non suffert,*

*Quam in humano*

*Corrigi olim Momus voluerat.*

*Iugl. eleg.  
86.*

*Aventibus introspicere  
Per fenestram sat patet.*

*Serm. 61.  
in Cant.*

*Magnum, inquit Bernardus, illud pietatis sacramentum : Patent viscera misericordia Dei nostri, quibus visitavit nos oriens ex alto. Quid ni viscera per vulnera pateant ? In quo enim clarius quàm in visceribus tuis eluxisset, quod tu Domine Iesu suavis es, & mitis, & multæ misericordia?*

*In Conc. de  
vuln. Dom.*

Didacus Morillo, è D. Francisci familia concionator eximius, refert virum Principem, à subditis urbe sua pulsum, amicorum auxiliis restitutum, beneficiis eos cumulasse, à quibus fuerat expulsus ; neque desiderasse aliud, quàm ut constaret omnibus, nullam apud se acceptæ injuriæ memoriam residere : quod cùm à suis obtinere non posset, idemque longa oratione probare frustra conatus fuisset, tandem arrepto pugione pectus sibi aperuisse, ut corde per vulnus introspicere, quàm æquum ac benignum illud in omnes esset, omnibus ad oculum pateret, sanguineque, ac morte sua liberam, atque securam vitam omnibus relinqueret.

*Sive*

Sive hæc historia est, sive, quod potius crediderim, parabola, ostendit certè, tanquam in luculenta imagine Christi Domini, ab amore in nos suo magis, quàm lanceâ vulnerati, sincerissimum in nos affectum. Quem affectum pari vulnere Salvatori suo constare voluit P. Iacobus de Scaura è Societate nostra. Cùm enim summè mundi Redemptorem diligeret, admirando non imitando fervore, pectus supra cor gravi vulnere sibi aperuit, quasi in eo suum erga Salvatorem amorem, ab illo legi cuperet. Aperiebat & pectus suum D. Augustinus cùm sic oraret: *Scribe Domine vulnera tua in corde meo, & in iis legam amorem tuum.*

*Enseb Nierenb. lib. de vita div. c. 12.*

Hæc vulnera in corde nobilis illius puellæ Neapolitanæ descripta erant, quæ cùm à parentibus in matrimonium collocanda esset, sponsusque cum patre, ac matre jam in domo adesset, induciis illa tantisper petitis, & impetratis, donec in re tanti momenti Deum consulisset, se in cubiculum suum recipit, ubi ad pedes Crucifixi pro-

*Pennequin Amour divin part. 2. c. 16.*



provoluta illos complectitur, osculumque deinde figens sacro ejus lateri, fidem Salvatori suo obstringit, præter ipsum neminem se cupere, neminem se alium deinceps amaturam. Nec mora capitis capillos sibi refecat, è quibus coronam plectit, eamque ceu fidei datæ pignus, pedibus Domini appendit: Quo facto, prodit tandem in conspectum proci, & parentum, cum sponso suo Crucifixo, cui se in omnem æternitatem devotam, neque alium admitturam profitetur. Probant filiæ animum pii parentes, satis quippe intelligebant eam felicius nubere non posse, quàm Salvatori suo, cujus amor sacrorum ejus vulnerum admirando character virgineo cordi inscriptus erat.

Hic ego te compello, Mater Virgo sanctissima, quæ, uti partem magnam habes in doloribus, vulneribus, ac morte filii tui dilectissimi, ita quasi jure tuo tacitè exigis, ut & partem habeas, in amore ac corde nostro. Est ipse corpore crucifixus; tu illi materno corde confixa es; Ipse in manibus, pedibus,

ac latere vulneratus est : tuam animam doloris gladius pertransivit. Ille quidem lateris vulnus lanceâ factum, mortuus non sensit, sed tuum illa cor transfixit. Infinitus ille amor quo nos prosequebatur, illum in tormenta hæc crudelissima coniecit; at amor tuus ineffabilis quo eum, & nos prosequeris, incredibili te dolore affecit. Prostratus itaque ad virgineos ac maternos pedes tuos, te oro supplex, trahe me in illius, ac tuum amorem; da, ut qui sincerâ pietate sacra dilecti filii tui vulnera coluerint & hanc quam in coronulâ præscripsimus ea colendi methodum, piè usurpaverint, ignitis illis amoris vinculis, ipsi tibi que in omnem æternitatem colligentur, sint que, cum Apostolo, victi Iesu Christi, & Mariæ.

Vos autem animæ, quæ crucifixum Salvatorem vestrum diligitis, uti cum has coepi considerationes, vos sum allocutus, ita & modò extremum alloquor; *Inspicite obsecro, cum D. Augustino, vulnera pendentis, sanguinem morientis, pretium redimentis, cicatrices resurgentis.* *Lib. de virg.*

Ca-

*Caput habet inclinatum ad osculandum, tot apertum ad diligendum, brachia extensa ad amplexandum, totum corpus expositum ad redimendum. Hec quanta sint, cogitate, hac in statera cordis vestri appendite, ut totus vobis figatur in corde, qui totus pro vobis fixus est in cruce.*

## CONSIDERATIONVM P A R S II.

**P**Rodiit non ita pridem praxis quædam Italo sermone conscripta, & in Flandro-belgicum versa, quam opusculo huic subnectam. Tradit illa modum per passionem, & sacratissima Domini vulnera, singulis hebdomadæ diebus, ad beatam mortem se disponendi. Qui modus, seu praxis, cum venerandum Domini caput spinis coronatum, ejusque in sinum Matris è cruce depositionem etiam complectatur, statui & de hisce mysteriis considerationes aliquas proponere; præsertim cum eadem, etiam coronulâ hâc nova comprehendantur.

CON-



## CONSIDERATIO I.

*Corona spinea, corona ignominiae.*

**S**cribunt Evangelistæ, *Milites ple-* Matth. 27.  
v. 29.  
*scitantes coronam de spinis imposuisse super*  
*caput Iesu.* Nam cum audivissent dixisse Mar. 15.  
v. 17.  
 eum Pilato, se Regem esse, populum- Matth. 27.  
v. 11.  
 que illi paucis ante diebus acclamasse,  
*Hosanna, benedictus qui venit in nomine*  
*Domini Rex Israël;* ex mera petulantia, in- Io. 12.  
v. 13.  
 citati à Iudæis, connivente Pilato, eum  
 serto è spinis confecto, veluti Regem  
 ludicrum coronarunt. Qui contem-  
 ptus

ptus ingens fuit, quo enim quis genere nobiliori natus, & sorte vivit digniore, eò major est, quæ illi infertur ignominia, generoso ac nobili animo ipsa morte gravior.

Et quis Domino Iesu, quis Dei filio, quis sapientiâ Patris æterni major, ac dignior? illa tamen immensa Majestas, illa bonitas infinita, coram Pilato Iudææ Præsidente, coram Principibus Sacerdotum, coram senatu, ac populo Ierosolymitano, uti ludibrium ac probum hominum, spinis coronatur, ac veluti Rex ludicrus omnium risui exponitur. Potuitne ergo mortalium quispiam majori esse ludibrio? Historia nulla commemorat, ad illud usque tempus, quempiam spinis fuisse redimitum. servabatur hoc dedecus Salvatori, divinæ illi Majestati, ut illa spinis coronata, nobis, D. Hieronymo teste, Regni diadema compararet.

1o. Brng.

dup. 2. c. 7.

c. p. 3. c. 3.

S. Liduwina rapta nonnumquam à Domino Ierosolymam, atque in Calvariæ montem, edocta que quos illis locis Salvator pertulit cruciatus, atque ignominiam



miniam pervolvens, quam in hac coronatione passus fuerat, consuetis lacrymis deficientibus, sanguineas fundebat, atque ad omnem contemptum, pro ejus obsequio tolerandum, se promptam, paratamque offerebat.

## CONSIDERATIO II.

*Corona spinea*

*Corona doloris.*

**R** Ecce ille:

*In Regno patientia*

*Non aliud coronat, quam quod cruciat.*

Et S. Bernardus: *In corona spinea non leviter impressa, non solum opprobrium, sed etiam*

*Ingl. Elog.  
§ 8.*

*Lib. de pas.  
Dom. c. 3.*

*supplicium quarunt.* Dubium non est, quin ingenti cruciatu sertum hoc spineum Salvatorem affecerit; nam cum spinæ illæ, ex quibus nonnullæ etiam hodie Romæ, & alibi visuntur, prælongæ & præacutæ, numero septuaginta duæ, venerandum Domini caput, uti Tertullianus loquitur, lancinarent, delicatissimum in humano corpore mem-

O

brum

brum, & ob nobiliorem Salvatoris complexionem, longè quàm in alio ullo delicatius, facile est conjicere, quantum cruciatum Dominus, in hac coronatione perpeſſus ſit.

*Lib. 7. Re.  
vel. c. 25.*

Refert ſancta Birgitta ſibi Hieroſolymis exiſtenti, à Deo revelatum eſſe, oculos, aures, atque os Domini, cruore è ſpinarum vulneribus oppleta fuiſſe, totumque vultum conſectum, ut cum ſolatum, quod illi apud Patrem non erat, à matre, crucique adſtantibus amicis quæreret, ex oculis ſanguinem expreſſerit, ut illam, hoſque conſpiceret.

*In vita.*

Egredere, anima mea, de terra tua, de terrenis tuis deſideriis, egredere, inquam, ex te ipſa, & vide Salvatorem tuum in diademate, quo coronavit eum probroſa vanitas tua, in die miſericordiæ ſuæ, quando ipſe æternam tibi gloriæ coronam præparabat. B. Angelam de Fuligno deficiebat animus, ac mortuæ inſtar corruerat, quando ſpinis coronatam Domini effigiem conſpiciebat: quàm enim piè, tam firmiter ſibi per-

persuadebat, se peccatis suis cruciatu hoc Salvatorem affecisse. Et nos illam coronam siccis oculis ac mente immotâ conspiciamus? nec cessamus ambitionis, vanis, avaris, vindictæ cupidis, impuris, impiis cogitationibus, spinis sanè longè gravioribus, coronare Salvatorem, ejusque dolores acerbius renovare?

*Protektor noster aspice Deus, & respice in Psal. 33.  
faciem Christi tui, quam peccatis nostris v. 10.  
ita deformavimus, ut non sit illi aspectus,  
neque decor. In sanguineo hoc & venerando vultu, videbis iniquitatē meam, & simul misericordiam tuam: Aspice, obsecro, per cruentos, & lacrymis ple-  
nos filii tui oculos miseriam nostram, audi per aures ejus sanguine oppletas, gemitus nostros; eloquere ore ejus benedicto verbum bonum, verbum salutis; concede, ut mundissimā puritatis animi sindone, Veronicæ instar, faciem illam Domini mei Iesu mihi abstergere liceat, ut sacratissimam hanc hominis cœlestis in ea portem imaginem, qui imaginem terreni, ah nimium*

diu portavi. Admitte homo, divinam hanc, ad quam creatus es in corde tuo imaginem, quod sanè durius esse non debet marmore illo, quod Christi spinis coronati caput ac vultum, uti in Veronicæ sindone, à natura expressum vivacissimè refert. Pater æterne, te oro obtestorque, aufer à nobis cor carneum, in omne malum proclive, nimisque à te, ac filio tuo dilectissimo aversum, & da marmoreum, in quo sacratissimam Christi tui faciem circumferamus. Saxa enim & marmora in morte ejus scissa ac molita sunt, at corda nostra illis duriora perstiterunt. At Domine Iesu, benigniùs, obdurata illa corda nostra, etsi carnea, sanguini tuo sacratissimo intincta, velut cera ante faciem ignis liquecant, ut totus in nobis formeris, nullisque in nobis alius, nisi Iesus agnoscat.

CON.

## CONSIDERATIO III.

*Quomodo Salvatorem suum homo spinis  
coronet.*

**R**efert Plinius Spini floribus solitos Lib. 13. c. 11.  
fuisse Romanos, Deos suos coro-  
nare: at nos spinis coronamus Deum,  
ac Salvatorem nostrum. Flores, rosas  
nostras, quod scilicet vitæ nobis opti-  
mum est, annos virides ac validos ido-  
lis, hoc est, mundo ac desideriis nostris  
damus: diebus vitæ ultimis, ætate de-  
florescente, & vix ad quidpiam utili,  
veluti spinis infrugiferis Salvatorem  
coronamus, uti appositè indicat ille his  
verbis:

*Coronaris devota sacrificio victima,*

*At quia vanitas hominum*

*Omni jam rosas legit ex horto,*

*Sola tibi spinae supersunt.*

*Ingl. eleg.  
58.*

Hæ tamen, uti Clemens Alexandri-  
nus ait, plantatæ in vertice divino, in  
nobili illo fundo, non solum proferre  
debent bonorum desideriorum flores,

Lib. 2. pæd. c. 8.



sed & fructus operum meliorum.

*Lib. de coron. mil.*

*Survius in vita ejus.*

*Anony. tract. de pass. Dom.*

Tales protulerunt, Tertulliano teste, primi Christiani, qui capita floribus redimiri nolebant, quia Salvator spinis coronatus fuerat. Neque sancta Elisabetha, dum ad templum procederet, coram Christi in cruce pendentis effigie precatura, ullum capitis ornatum admittebat. Philippa Caroli Geldriæ Ducis filia, uxor Renati Lotharingiæ Ducis, marito vitâ functo, cum se Mulsiponti in Monasterium recepisset, submovens è scutis gentilitiis tam Geldriæ, quam Lotharingiæ Duces, coronas, spineas earum loco reposuit: Godofredi Bullonii æmula, qui è Lotharingica domo oriundus, & in Regem Hierosolymorum electus, repudiata coronâ aureâ, & spineâ capiti impositâ, agebat non decere Christianum Regem aureâ coronâ insigniri in ea urbe, in qua Rex regum spineam gestasset.

Perpende hæc anima mea; da coronato Deo ac Domino tuo honorem, & gloriam: fructus hic ex spinis ejus efflorescat, corona illum floribus ac rosis, flor-

florētibus scilicet ac vegetis vitæ tuæ  
annis, in obsequium ejus impensis, ut  
& te in misericordia, & miserationi-  
bus in omnem coronet æternitatem.

## CONSIDERATIO IV:

*Quibus spinis in hac vita coronari  
debeat homo.*

**N**on decet, inquit Bernardus, *sub Serm. 5. de  
spinoso capite, membrum fieri delica- omnib. SS.*  
rum. Ita sensit S. Agapitus, annorum  
quindecim adolescens, cū galorum  
ferreum candentem ejus capiti licitor  
imponeret; *parum est, inquit, in terra ca-  
put aduri coronandum in cælo, quàm decorè  
corona gloria ornabit caput, pro Christo spinis  
coronato, afflictum!*

Beata Rita Itala è divi Augustini *Invita.*  
familia, ante Christum crucifixum,  
orationi magno fervore intenta, avi-  
daque quidlibet pro illo tolerare, tan-  
tos, tamque acutos dolores in capite  
passa est, ut si universum spinis punge-  
retur. Inde revulsa è corona Domini

spina, lucido immixta radio, in frontem ejus adaeta est, eo vulnere, quod nullâ manu medicâ unquam curari potuit. Vermibus illud scatebat, quos Angelos suos appellabat; sanies tamen ex vulnere fluens & graveolentia, nulli nisi ipsi gravis erat: æquo animo Rita omnia tolerabat, propter eum, qui in sacrosancto suo capite, tanta pro nobis perpeffus fuerat.

Duas coronas obtulit Salvator sanctæ Catharinæ Senensi, alteram spineam, auream alteram. Spineam in hac vita elegit Catharina, ut auream in cælo obtineret. Semel enim spinis coronandi sumus, vel dum vivimus, vel dum vivere desimus.

Liduwina annis triginta sex morbo continuo decubuerat. Iam morti vicina visitur ab Angelo, qui ut coronam ab ea jam diu cœptam pertexeret, spinas paucas deesse aiebat, quas paucorum dierum patientia datura esset, ac deinde immarcescibilem illa gloriæ coronam acceptura, quæ omnibus, afflictionum suarum spinas læto animo per-

perferentibus, asservatur.

S. Guilielmus Roschildensis in Da- *In vita,*  
nia Abbas, eximiae vir sanctitatis, octo  
& nonaginta annos natus, cum lecto  
postremo ex morbo affigeretur, per  
noctis quietem Angelos vidit, coro-  
nam auro, gemmisque distinctam ap-  
parare. Petiit cui illa destinetur? Tibi  
inquiunt Angeli. Quærit Guilielmus  
quando perficienda sit? aiunt illi, dum  
passus fueris satis. Quasi dicant, dolo-  
rum spinas à nobis cœlo transmitten-  
das, quæ à divina manu acceptatæ, in  
gemmas aurumque convertantur, ex  
quibus cœlestis nobis corona confi-  
ciatur.

## CONSIDERATIO V.

*Ex SS. Patribus desumpta.*

**S** Ambrosius, *Corona*, ait, *de spinis, quæ* *In Luc.*  
*capiti Christi imponitur, ostendit quod c. 22,*  
*de peccatoribus mundi, tanquam de seculi spi-*  
*nis, triumphalis Deo gloria quæreretur.*

S. Augustinus: sic, inquit, *Regnum quod* *Tract. 116.*  
*de hoc mundo non erat, superbum mundum* *in 10.*

non atrocitate pugnandi, sed patiendi humilitate vincebat. Portans spineam coronam, & purpureum vestimentum, non clarus imperio, sed plenus opprobrio.

Serm. de  
Cruce &  
Pass.

S. Athanasius: Miraculum, inquit, novum & incredibile, & magna sine dubio victoria insigne, quem per ludibrium, subsannationemq; pulsabant, ei triumphalia addiderunt ornamenta, coccineam chlamydem, & coronam spineam, qua sollicitudines nostras in se suscipiens curaturus erat.

Lib. de Co-  
ron. Mili-  
tis c. 14.

Indue, anima mea, ut te docet Tertullianus, spineam Christi coronam, ut illam ejus coronam amuleris, quæ postea ei obvenit, quia & favos post fella gustavit, nec ante Rex gloriæ à cælestibus salutatus est, quàm Rex Iudaorum proscriptus in crucem, minoratus à Patre, modicum quid citra Angelos, tandem gloriâ & honore coronatus fuit.



CONSIDERATIONVM PARS III.



## CONSIDERATIO I.

*De dolore Deiparæ Virginis Mariæ in  
passione ac morte Filii sui dilectissimi  
Iesu Christi.*

**S**pectaculum nunquam tristius, nunquam tristiores Matrem, neque meliorem: nunquam miseriorem Filium, neque digniorem, nunquam homicidium Deicidio junctum vidit, & obstupuit cœlum ac terra! Meritò spectaculum hoc perpendens in Calvariæ Monte, pius ille Belga, corde confracto, exanimis corrui.

*Cantipr.  
1.1. Ap.  
2.25. m. 5.*

*Lib. 2. Ma-  
chab. c. 7.  
Brev. Rom.  
18. Jul. &  
23. Nov.*

Speſtaculum memorabile, ſed huic non comparandum exhibuerunt Salomona, Symphoroſa, ac Felicitas, nobiles illæ ac religioſæ matronæ ſingulæ, ſeptem filiorum fortium æquè, & in pietate conſtantiffimorum juvenum matres. Salomona centum ac ſexaginta annis ante Chriſti ortum ſeptem Machabæorum mater; Symphoroſa, & Felicitas, poſt Chriſtum, filios conſpexerunt

runt horrendis cruciatibus, pro fide ac vera religione, & divinæ Majestatis obsequio, generosè vitam ponere, non alio quidem doloris sensu, quàm qui optimas matres decebat, ingenti tamen animi fortitudine ac gaudio, quòd bona voluntate sua, eos ad Dei gloriam æternæ vitæ jam parerent, quos mortali ante peperissent.

At quo doloris sensu Deipara filii sui dilectissimi supplicia crudelissima, & mortem acerbissimam, ac maximè infamem spectavit? Hunc ejus dolorem aliqui exiguum nimis faciunt, quasi minus doleret, quòd illi de divina voluntate constaret. Alii nimis magnum, & sui impotentem, cùm existimant illam in clamores, & ejulatus erupisse, & animi deliquia esse passam. Tantus tamen fuit, qui optimam tanti, & tam digni filii Matrem decebat. Nam si in Salvatoris morte petra scissæ sunt, & terra mota, atque obductis mundo tenebris, Sol lumen suum negavit, ingensque moeror universo orbe hominum animos pervasit, quis dicere audeat, aut per-

persuadere tibi possit siccis oculis, cordeque immoto, Mariam ad cruciatus, & filii infandam mortem stetit, ubi ipse hanc prævidens agebat, *Tristem esse animam suam usque ad mortem.*

Mar. 14.  
v. 34.

S. Iurel.  
elect. c. 6.  
sect. 2.

Piè scribit nonnemo, graviora passam Deiparam, dum in stabulo Bethleemitico, parvulo suo Iesu ubera virginea præberet, quam in extremis supplicii; Martyres. præsentiebat enim singulas guttas lactis materni quas divinus infantulus duceret, in sacratissimum ejus sanguinem convertendas, qui flagellis, spinis, clavis aliisque intolerandis cruciatibus, illi ex venis omnibus exprimeretur; & ne guttula illi superesset, etiam mortuo lanceâ latus aperiendum. Quantus itaque Matris optinæ fuit dolor? qui judicio sancti Bernardini Senensis, si in homines singulos divisus fuisset, vitam singulis ademisset. quia uti D. Paulinus ait, *doloris idem gladius, qui Christo in cruce mortem attulit, Matris ejus animam mærore transfixit.*

Tom. I.  
Serm. 61.

Epist. ad  
S. August.

## CONSIDERATIO II.

*Rationes doloris Deiparae.*

**B**Eata Ludgardis inter meditandum Barth. Fi-  
 de patientis Salvatoris doloribus, zen. in vita  
 sanguine, toto corpore, præ affectu, & cap. 2.  
 commiseratione perfundebatur. B. Ma- 16. Iunii.  
 ria d'Ognies Nivellis è Brabantia Gal-  
 lica oriunda, conspectâ quacunque  
 Christi patientis effigie, profusis la-  
 crymis, etiam viam, quâ gradiebatur  
 humectabat. Et Maria mater conspecto  
 Iesu filio, ludibriis tam indignis expo-  
 sito, colaphis cæso, consputo, flagellato,  
 spinis coronato, clavis crucifixo, sine  
 dolore, sine lacrymis esset? quas etiam  
 sanguineas fuisse affirmat Germanus  
 Constantinopolitanus. B. Laurentius Lib. de a-  
 Iustinianus ait, *Cor Virginis clarissimum* gone Chri-  
*fuisse speculum passionis Christi, & perfectam* sti.  
*mortis ejus imaginem.* Erat, inquit S. Bo- Serm. 1.  
 naventura, *sentiens hoc, quod & in Christo* post Dom.  
*Iesu: In animo enim illi martyri con martyr,* Epiph.  
*vulnerato convulnerata, crucifixo con cruci-*  
*fixa adstabat.* *Vulnera,* inquit Bernardus,  
*fili*



*filii morientis, erant vulnera Matris dolentis.*

Ignoti, ait ille, *nulla cupido*; ut vel amissum doleamus, & requiramus, vel non habitum, aut non possessum consequamur. Cui, in coelo, terræve quanta Deiparæ, concessa erat à Deo Salvatoris notitia? quidni ergo incredibili dolore mœreat, & affligatur ob illum ita crudeliter habitum, & infami crucis morte sibi ereptum?

Noverat sanctissima Mater eum esse Dei Filium, Salvatorem mundi, tot jam labentibus sæculis desideratum à Patriarchis, prænuntiatum à Prophetis, quem nunc videt despectum ac novissimum virorum, opprobrium hominum, & abjectionem plebis.

Noverat illum sibi ab Angelo annuntiatum, à se conceptum de Spiritu sancto, quem Mater & Virgo inaudito Dei beneficio pepererat.

Noverat illum esse, in cujus natiuitate Angeli gloriam in altissimis Deo concinuerant, & pacem in terra hominibus bonæ voluntatis; nunc audit populum

pulum Pilato furiosè acclamantem,  
Tolle, tolle; crucifige eum.

Noverat eum magnum illum Regem ac Deum esse, adoratum, ac muneribus honoratum à Magis, quem nunc valet latroni, ac homicidæ Barabbæ postponi, & veluti Regem ludicrum purpurei panni frusto indui, ac spinis coronari.

Noverat optima Mater illum esse suavissimum, ac dulcissimum Angelorum, hominumque gaudium, cum quo illi fuerat semper cor unum, & anima una, qui puerulus ante tot annos tenellis suis manibus collo ejus virgineo adhæserat: nunc illum conspicit cruci infandæ clavis affixum, medium pendere inter latrones, virum dolorum, & scientem infirmitatem, & ipsa doloris, ac moeroris Mater non erit?

*Eia Mater fons amoris,  
Me sentire vim doloris  
Fac, ut tecum lugeam.*

## CONSIDERATIO III.

*Rationem, immensum Deiparæ dolorem  
ac mœrorem, semper gubernasse.*

**Q**Uamvis dolor, ac mœror in Deipara ingens fuerit, semper tamen ratio illi ita moderata est, ut divinæ voluntatis conformis, non in querelas, clamores, ejulatus proruperit, nullisque spasmis, ut loquuntur, seu animi deliquiis mœstissima mater, atque afflictissima obnoxia fuerit. Nam si Abraham imperatam sibi à Deo Isaaci unigeniti sui necem, æquo adeò animo tulerit; Si Salomona, Symphorosa, Felicitas maternos ante oculos atrocissimis tormentis filiis lectissimis, atque optimis vitam eripi conspexerint immotæ; si con fractis cruribus, brachiisque Melithonem suum, illa mater cohortata est, ut adhuc tantisper tormenta fortiter toleraret, identidem ingeminans ad stare illi spectantem, & exspectantem Christum, ac deinde  
suevis-

suavissimum onus in humeros sublatum sociis Martyribus, carpento, ut flammis traderentur, avectis, adjunxit, postquam in maternæ voluntatis religiosissima ara illum Creatori suo obtulisset holocaustum in odorem suavitatis, si, inquam, parentes isti, milleque alii, licet non sine ingenti paterni ac materni animi sensu, sine hujus tamen immodica perturbatione, fixâ in Dei voluntatem, ejusque obsequium, ac gloriam mente, filiis orbari tam æquo animo tulerunt, quidni & idem de Deipara arbitrabimur, quæ perfectionis omnis ac fortitudinis imago erat, divinamque voluntatem constantissimè habebat pro sua? *Stabat, itaque, inquit S. p. 4. tit. 15. Antoninus, juxta crucem Maria fide, & c. 41. S. I. animo constans; Oculi quidem lacrymis pleni erant, & dolore ingenti cor ejus premebatur, sed sine querelis, sine murmuratione, sine ullo vindictæ sensu in eos, qui filium adeò crudeliter tractarent, exhibebat se afflictissima quidem, sed & patientissima Matris exemplar. Quæ, uti ait Ioannes Gerson, si Deus jussisset, propriis manibus cruci-*

*Traç. 2. super Magnificat ex SS. Anselmo, & Antonino.*

cifixisset filium, neque enim credendum est minoris fuisse perfectionis, & obedientiæ erga Deum, quàm Abraham, qui proprium filium obtulit Deo in sacrificium propriis manibus occidendum, & comburendum. Ita Anselmus.

#### CONSIDERATIO IV.

*Depositus à Cruce Salvator in sinu  
Matris recumbit.*

**H**Oc spectaculum nostrum est, crucifixus, vulneratus, cruentus, mortuus Iesus in virgineum Mariæ sinum à Cruce depositus, optimus scilicet ac suavissimus ille filius inter brachia optimæ ac suavissimæ Matris, ille filius deformatissimus, inter amplexus matris afflictissimæ.

Crede, anima mea, cum tam lugubri huic spectaculo assistis, afflictissimam matrem plenos lacrymarum oculos ad te à vulneribus dilectissimi filii tantisper avertere, manuque corpus lace-



lacerum tibi ostendentem, simul ita te alloqui: Ecce, quò Deum, & Dei matrem tu perduxeris; tu enim horum tormentorum nobis es causa.

Eia Mater amantissima, non jam fasciculus myrrhæ, sed falcis ingens est tibi filius dilectissimus, qui eò tibi fit gravior, quò animum meum adeò parum tibi compatiens clariùs introspicis, neque proferentem fructum dignum pretioso Salvatoris sanguine, ac virginis tuis lacrymis, quibus tam copiosè irrigatus est.

B. Birgitta mirum in modum doloribus B. Virginis compatiebatur, illius querelis permota, raros scilicet esse, qui eam sincero amore colerent; pauciores, qui illi in filio patiente, ac crucifixo compaterentur, cum tamen viro nobili, sed admodum impio, uti ipsa S. Birgitta refert, salutis ad extremum fuisset, Deiparæ aliquando fuisse compassum, æternis doloribus nolenti addici animam, quæ sibi, licet rariùs, & modicè condoluisset.

Sacerdos quidam Deiparæ dolores

Raz. l. i.  
Mir. B.  
Virg.

perpendens, ut illam solaretur: Gaude, aiebat, Maria, quia gaudium ab Angelo suscepisti, & mundo peperisti: Gaude Maria, quia Dei Mater & Virgo es. Gaude Maria, quia omnis creatura in cœlo, & in terra te collaudat. Contigit illum gravi morbo affectum ad extrema redigi, & in salutis desperationem à dæmone conjici: Adfuit confestim Deipara. Et tu, inquit, fili, cur mœrore conficeris, qui in mœrore meo me toties solatus es? Animos relume, & lætus mecum veni, & intra in gaudium Domini tui. Ita Deipara condoluisse æternorum gaudiorum principium est.

## CONSIDERATIO V.

*Adoratio defuncti Salvatoris in sinu  
afflicte Matris.*

**C**Um jam versemur in diei Veneris sancti mysteriis, in die supremo Salvatoris, ab æterno præordinato, & in tempore secundum sanctissimam æterni Patris voluntatem completo;

Consi-

Considera anima mea , Deiparam ad crucis pedem , veluti ad aram mundi confidentem , è nobilissimorum viro- rum manibus Iosephi ab Arimathia , & Nicodemi manibus crucifixi , & defun- cti Salvatoris lacerum corpus excipe- re, deosculari venerandum ejus caput, sacrosanctam faciem livore plenam, manus ac pedes clavis perfossos, cruen- tum corpus lacrymis abluere , suavissi- mo lateris vulneri præcipuè affigi. Post hæc dolentis Matris pia , & mœsta ob- sequia, Magdalena, aliiq̃ue, qui aderant, magnâ reverentiâ, ac ingenti sensu, cor- pus Dominicum adorarunt , & humili osculo sacra ejus vulnera venerati sunt.

Cogor hîc ego iterum ex pia & ele- ganti elegia in rem affectumq̃ue præ- sentem , paucos hos versus decerpere, & Virgini Matri exanime Filii sui cor- pus de cruce depositum , habenti in si- nu , mœstisq̃ue lacrymis inspergenti, dedicare.

A D

## B. VIRGINEM

In Filii morte.

Sidron. de  
Hoffsch  
n eleg.

**T**Ené ego (nec movear ? ) videam magnissima  
matrum,

Complexam nati membra cruenta tui ?  
Eque tuis oculis, super illius ora cadentes  
Aspiciam lacrymas, contineamque meas ?  
Ecce suo tecum rerum natura parenti  
Ingemit, & quo tu funere lasa dolet.  
Omnia cum doleant, uni mihi pectora consent  
Rupibus, & scissis asperiora iugis ?  
Non ego firmus in hoc. tua me tua flentis imago  
Sauciat. hac vultus hæreat ante meos.  
Vulnera seu spectas, totidemq; in pectore sentis;  
Effice, sint animo tot quoque fixa meo.  
Sed quocunque alio veniunt e fonte dolores;  
Et meus erumpat protinus inde dolor.  
Omnia, quæ pateris, mihi sint communia tecum,  
Ni fuerint, nati nomen inane geru.

Nec

*Nec satis est, si nostra tuis suspiria jungam:*

*Te, mea, te cupiam, vita, dolente mori.*

*O illo mihi contingat tabescere luctu!*

*Felix, si lechi causa sit ista mei.*

Et tu, anima Christiana, quo animi  
sensu te in hoc spectaculo geris?  
Callirhoë nobilis puella, Pataræ, quæ  
Achaiaë urbs est, oriunda, ad mortem  
diis placandis damnata erat innocens.  
Sacrificulus cultro expedito, ut eam  
jugularet, ejus modestos mores, gratias,  
formam intuitus, puellæ pareit, sibi quæ  
cultro in cor adacto vitam eripit. Attonita  
Callirhoë, & non expectati casus  
horrore percussa, in defunctum exanimis  
corrui, vitam quæ in vulnere ejus  
sepelivit. Non eramus nos innocentes,  
eramus æternâ morte damnati omnes.  
at Dei Filius pro nobis crucem subit,  
cor sibi à milite transfigi patitur. Quid  
ni ei compatiamur, & vulnere ejus sacro  
immoriamur, ut ei soli vivamus, qui  
pro nobis mortuus est? ne, ut ait Bernardus,  
perinde ac si injuriis & maleficiis,  
ab eo fuisset affecti, in eum



crudelius exardescamus , eoque spectante peccare non erubescamus.

Meliora benignissime Iesu , tibi debeo , & voveo , votumque non violandum confirmo & ob signo cruento sacratissimorum quinque vulnerum tuorum sigillo.



## M E M O R I A

*Perpetua Passionis & Vulnerum D. N.  
Iesu Christi, quâ homo se ad felicem  
mortem dissonat.*

CVM indubitatum sit aliquo nos  
hebdomadæ die morituros, omni  
die ut beati in Domino moriamur,  
comparare nos debemus; cùm verò  
nullum certius ac securius medium ha-  
beamus ad hanc tam necessariam præ-  
parationem à qua dependet æternitas,  
præter passionem, ac sacra Domini  
Iesu vulnera, nobis ab ipso in præsens  
salutis nostræ subsidium in glorioso  
suo corpore reservata, uti in præce-  
dentibus Considerationibus vidimus,  
distribuam sacra hæc vulnera in singu-  
los hebdomadæ dies, addito sacro Do-  
mini capite spinis coronato, ejusque  
benedicto corpore de Cruce deposito,  
ut cum eodem, in sanctissimæ Virginis,  
ac Matris Mariæ manus, animas no-  
stras deponamus.

*Pra.*

## Preludium I.

**C**Um itaque manè expergisceris, sanctissimâ, atque augustissimâ Trinitate collaudatâ, & adoratâ per Hymnum, *Te Deum laudamus*, factâ fidei professione, recitato *Apostolorum Symbolo*, actis divinæ Majestati gratiis, quòd illa nocte te à morte improvisa, & aliis animæ periculis liberaverit, excitatâ demum sincerâ contritione, quòd divinam Majestatem, Creatorem, Conservatorem, ac Redemptorem tuum, Patremque optimum, tot, tamque gravibus peccatis toties offenderis, orabis Angelum tuum Custodem, ut te ad sanctissimam Dei Matrem deducat, quàm *Salutatione Angelica* veneraberis, additâ usitatissimâ illâ precatiunculâ, *Sub tuum presidium confugimus, &c.* orabis illam, uti sacrorum vulnerum dilecti Filii sui Thesaurariam, ut in illud vulnus nos admittat, quod isti dici assignatum est, & addes:

*Fac ut plangam Christi mortem*

*Paf-*

*Christi Vulnerum.  
Passionis ejus sortem,  
Et plagas recolere.*

237

*Preludium 2.*

**I**ntroductus à Deipara in sacrum quodcunque vulnus; omni reverentiâ illud salutabis, & adorabis, dicisque cum Propheta: *Hac requies mea in Psal. 131. faculum seculi, hîc habitabo quoniam elegi eam.* Offeres sacro isti vulneri cogitationes tuas omnes, verba, ac opera diei istius, protestaberis in illo te velle cum hoste infernali configere, velut in arce tutissima; in eodem te vivere velle, ac mori; ex illo, & non alio loco velle te ad æternam beatitudinem transire. Per illud, per cruciatus in illo toleratos à Salvatore, per sanguinem ex illo profusum rogabis Dominum, ut omnia hæc consequi, ac obtinere valeas.

*Die: Luna.*

**M**Anè expergefactus præmissio præludio primo, introductus à  
Dei-

Deipara in sacrum vulnus sinistri pedis, salutabis cum omni reverentia, ac devotione, & adorabis illud in hunc modum; *Salvete Domini nostri Iesu Christi pedes adorandi, pro nobis clavis confixi, Hac requies mea, &c.* Adde reliqua, quæ secundum præludium docet. Hoc die continebit se anima in sacro isto vulnere, considerando cruciatum quem in eo Salvator passus est, qui ingens fuit ex nervorum, qui in pedibus concurrunt fixura, & laceratione, ac dolore corporis, quam transfixi clavis pedes sustinebant. Secundò, considerabis infinitum amorem quo vulnus hoc pro te pertulit Dominus, cui non minus fuisti fixus in corde, quam ipse pro te clavis fuit confixus in cruce. Et hæ duæ considerationes cruciatus, & amoris in aliis vulneribus etiam perpendi debent. Tertiò, considerabis rationem ob quam Dominus Iesus vulnus hoc perpeffus sit, ut scilicet Patri suo cœlesti pro peccatis tuis satisfaceret, qui stimulus tibi esse debet ut de illis ex animo doleas, veramque hoc die con-



contritionem in te excites.

*Die Martis.*

**P**Ræmissis præludiis, considerationibus, ac praxi præcedentis diei, in vulnus dextri pedis à Deipara introductus, petes singulariter gratiam ac fortitudinem resistendi diaboli impugnationibus, atque hæc illo die præcipua erit cura, ut de armis ac munimentis spiritualibus contra hostiles insidias tibi prospicias, quibus instructus invadentem te inimicum viriliter repellas.

*Die Mercurij.*

**P**Ræludium primum ut suprà; introductus à sanctissima Matre in vulnus sinistræ manus, illud his verbis veneraberis. *Salvete adoranda Domini nostri Iesu Christi manus, in cruce pro nobis extensa, & clavis confixa; Hæc requies mea, &c.* Servatisque reliquis quæ in præludio secundo, & in praxi diei Lunæ præscribun-

scribuntur , rogabis peculiariter per merita hujus sacri vulneris, ut ab æternis inferorum suppliciis libereris.

### Die Iovis.

**P**Ræludia & praxis ut suprà : Petes singulariter tibi regnum cœlorum meritis sacri hujus vulneris aperiri , repetendo sæpius eo die hæc pii latronis verba : *Memento mei cùm veneris in regnum tuum.*

### Die Veneris.

**P**Ræmisso primo præludio ; Introductus à Deipara sanctissima in vulneratum Domini latus, illud in hunc modum adorabis : *Salve latus gloriosum Domini nostri Iesu Christi , pro nobis lanceâ militis perforatum. Hac requies mea , &c.* Offeres te, tuaque omnia, cogitationes, verba , & opera in holocaustum Salvatori super sacra hac lateris ac cordis illius

lius ara protestaberis te in illo vivere velle & mori. Considerabis injuriam Salvatori tuo factam dum etiam in examinem sævitum fuit, item ejus in te amorem, qui etiam mortuus pro te vulnerari, & pati voluit, sibi que pectus aperiri, ut in eo videas quantum te diligat, & æternum sit dilecturus, ut amoris amorem rependas, ea que die in amoris actibus erga Salvatorem tuum te potissimum occupes, cor tuum ei soli aperias.

### *Die Sabbati.*

**P**Ræmissio præludio primo ut supra, in societate beatissimæ Virginis ingredieris amoenum illum hortum spinosi capitis Salvatoris, atque illud veneraberis in hunc modum; *Salve tremendum cunctis potestatibus caput Iesu Christi Salvatoris nostri, pro me arundine percussum, & spinis coronatū. Hac requies mea, &c.* fac oblationem & protestationem, ut supra in præludio 2. deinde ex illis spinis

nis hasce rosas collige, considerando immensos dolores, quos ex tam acutis spinis passus est Dominus, uti dixi Consideratione III. ejusque cogitationes non alias fuisse, quàm de salute animæ tuæ, neque tuas alias esse debere, quàm de ejus obsequio & gloria à te promovendis.

### Die Dominica.


**P**Ræmisso præludio primo, veneraberis corpus sacratissimum Salvatoris nostri in sinum sanctissimæ ac moestissimæ Matris de cruce depositum, atque ita salutabis: *Salve venerandum corpus Christi Iesu, pro nobis in cruce suspensum, vulneratum, mortuum, & in sinum sanctissimæ Matris tuæ depositum. Hac requies mea, &c.* Adde oblationem & protestationem Præludii secundi, deinde considerabis, quot in sacro hoc corpore numeras vulnera, tot amoris erga te in Salvatore tuo esse testimonia. Tandem perpende, pati voluisse


luisse Dominum tuum, atque ita intrare in gloriam suam: quam & nobis per merita sacratissimæ passionis ejus sperabimus, & postulabimus.

*Ad majorem Dei, & patientis, ac vulnerati Salvatoris, mæstissimæque atque afflictissimæ Matris gloriam.*









Biblioteka Jagiellońska



stdr0022046





